



OEUVRES

DE

C. MAROT

DE CAHORS

VALET DE CHAMBRE DU ROY

TOME TROISIÈME



PARIS
DELARUE, LIBRAIRE-EDITEUR
5, RUE DES GRANDS-AUGUSTINS, 5



C. MAROT

Il a été tiré de cette édition :

50	exemplaires sur papier de Chine	4	fr.))
00	exemplaires sur papier vergé à la			
	forme	3	fr.	50
25	exemplaires sur papier vergé teinté.	3	fr.	50
25	exemplaires sur papier rosé (cuisse			
	de nymphe émue)	3	fr.	n

OEUVRES

DE

C. MAROT

DE CAHORS

VALET DE CHAMBRE DU ROY

ÉDITION REVUE SUR CELLE DE 1541

NOTICE PAR BENJAMIN PIFTEAU

TOME TROISIÈME



DELARUE, LIBRAIRE-ÉDITEUR

PQ 1635 A1 18--a £.3



EPIGRAMMES

A RENÉE DE PARTENAY

UAND vous oyez que ma Muse resonne En ce Bosquet, qu'Oyseaux sont resonner Vous vous plaingnez que rien je ne vous donne, Et je me plains que n'ay que vous donner, Sinon un cueur, tout prest à s'addonner

A voz plaifirs. Je vous en fay donc offre: C'est le tresor le meilleur de mon Cosfre: Servez vous en, si desir en avez

Mais quel besoing est-il, que je vous offre Ce que gaigner d'un chacun vous savez?



DU MOIS DE MAY, ET D'ANNE

Mois Amoureux, mois vestu de verdure,
Mois qui tant bien les cueurs fait esjouir,
Comment pourras, veu l'ennuy que j'endure,
Faire le mien de liesse jouir?
Ne prez, ne champs, ne Rossignols ouir
N'y ont pouvoir: quoy donc? je te diray:
Tant seulement fay Anne resjouir,
Incontinent je me resjouiray.

DE SON FEU ET DE CELUY QUI SE PRINT AU BOSQUET DE FERRARE

Puis qu'au milieu de l'eau d'un puissant fleuve, Le vert Bosquet par seu est consumé, Pourquoy mon Cueur en cendre ne se treuve Au seu, sans eau, que tu m'as allumé? Le cueur est sec, le seu bien enstammé: Mais la rigueur (Anne) dont tu es pleine, Le voir soussirir ha tousjours mieux aymé, Que par la Mort mettre sin à sa peine.

AU ROY

Tanbis que j'estois par chemin, L'estat fans moy print sa cloture : Mais (Sire) un peu de Parchemin M'en pourra faire l'ouverture : Puis le Treforier dit, & jure, Si du Parchemin puis avoir, Qu'il m'en fera par fon favoir De l'Or: c'est une grand pratique: Et ne l'ay encore sceu voir Dans les fourneaux du Magnisique.

A MONSIEUR PREUDHOMME

TRESORIER DE L'ESPARGNE

Va toft, Dizain, folliciter la fomme,
J'en ay besoing: pourquoy crains, & t'amuses
Tu as affaire à un deux sois Preudhomme,
Grand amateur d'Apollo & des Muses:
Afin (pourtant) que de s'Amour n'abuses,
Parle humblement, que mon zelle apperçoive,
Et qu'en lisant quelque plaisir conçoive.
Mais dequoy sert tant d'admonestement?
Fay seulement que si bien te reçoive,
Que recevoir je puisse promptement.

A ANNE

TENCÉE POUR MAROT

Pus que les Vers que pour toy je compose, T'ont fait tencer, Anne ma Sœur, m'Amie, C'est bien raison que ma main se repose; Ce que je say: ma Plume est endormie, Encre, papier, la main pasle & blesmie Reposent tous par ton commandement: Mais mon Esprit reposer ne peult mie, Tant tu me l'as travaillé grandement.

Pardonne donc à mes Vers le tourment, Qu'ilz t'ont donné: & ainsi que je pense, Ilz te feront vivre eternellement: Demandes tu plus belle recompense?

A DEUX JEUNES HOMMES QUI ESCRIVOIENT

SAVOIR ANTOINE DU MOULIN MASCONNOIS ET CLAUDE GALAND

A Dolescens, qui la peine avez prife
De m'enrichir de los non merité,
Pour en louant dire bien verité,
Laissez moy là : & louez moy Losse.
C'est le doux seu, dont ma Muse est esprise,
C'est de mes Vers le droit but limité :
Haussez la donc en toute extrémité :
Car bien prisé me sens, quand on la prise.

Et n'en querez, dequoy louër la faut : Rien qu'amitié en elle ne defaut : J'y ay trouvé amitié à redire : Mais, au furplus, escrivez hardiment Ce que voudrez : faillir aucunement. Vous ne fauriez, sinon de trop peu dire.



D'UNE MAL MARIÉE

FILLE qui prend facheux mary (Ce difoit Alix à Colette),
Aura tousjours le cueur marry,
Et mieux vaudroit dormir feulette.
Il est vrai, dit sa sœur doucette:
Mais contre un facheux endormy,
La vraye & certaine recepte
Ce feroit de faire un Amy.

A UNE

PORTANT BLEU POUR COULEURS

Tant que le Bleu aura nom loyauté,
Si on m'en croit, il vous fera ofté:
J'entens ofté, fans jamais le vous rendre.
Mais quand verrez conclud, & arrefté,
Que Bleu fera nommé legereté,
Vous le pourrez à l'heure bien reprendre.

A CRAVAN, SIEN AMY, MALADE

A MY Cravan, on t'ha fait le rapport Depuis un peu, que j'estois trespassé : Je prie à Dieu que le diable m'emport S'il en est rien, ne si j'y ay pensé. Quelque ennemy ha ce bruit avancé,
Et quelque amy m'ha dit que mal te portes:
Ce font deux bruits de différentes fortes.
Las l'un dit vray: c'est un bruit bien maufade:
Quand à celuy qui ha fait l'embaffade
De mon trefpas, croy moy qu'il ment, & mord:
Que pleuft à Dieu que tu fusses malade,
Ne plus ne moins qu'à prefent je suis mort.

A MONSIEUR LE DUC DE FERRARE

Qu'il feroit bon devers toy fe retraire,
Qui tous enfans de Vertu veux attraire,
Pour decorer ton Palais fomptueux:
Et que plaifir ne prendrois à ce faire,
Si tu n'essente abandonner la France,
Me confeilloit abandonner la France,
Elle me dit: Cherche terre opportune
Pour ton recueil et pour ton asseurance:
Incontinent, Prince, j'eus esperance:
Qu'il feroit bon devers toy se retraire,
Qui tous enfans de Vertu veux attraire,
Pour decorer ton Palais somptueux:
Et que plaisir ne prendrois à ce faire,
Si tu n'essente de vertueux.

A SES AMIS

QUAND LAISSANT LA ROYNE DE NAVARRE FUT RECEU EN LA MAISON ET ESTAT DE MA DAME RENÉE DUCHESSE DE FERRARE

M Es amis, j'ay changé ma Dame : Une autre ha desfus moy puissance, Née deux fois, de nom, & d'ame, Enfant de Roy par fa naissance: Enfant du Ciel par connoissance De celuy qui la fauvera, De forte, quand l'autre faura, Comment je l'ay telle choisse, Je suis bien seur qu'elle en aura Plus d'aise que de jalousse.

HUITAIN

FAIT A FERRARE

D'ay d'une part grande compassion:
Puis je m'en rys, en voyant qu'ilz augmentent
Dedans m'amie un seu d'affection:
Un seu, lequel par leur invention
Cuident estaindre. O la povre cautelle!
Ilz sont plus loing de leur intention,
Qu'ilz ne voudroient que je susse d'elle.

A MONSIEUR CASTELLANUS

EVESQUE DE TULLES

Tu dis, Prelat, Marot ect paresseux,
De luy ne puis quelque œuvre veoir:
Fais tant qu'il ayt biens semblables à ceux,
Que Mecenas à Marot seit avoir:

Ou moins encor: lors fera fon devoir D'escrire Vers, en grand nombre, & haut stile, Le Laboreur sur la terre insertile Ne picque bœuf, ne charruë ne maine: Bien est-il vray, que champ gras & utile, Donne travail, mais plaisante est la peine.

A LA VILLE DE PARIS

Paris, tu m'as fait maints alarmes.
Jufqu'à me pourfuivre à la mort.
Je n'ay que blafonné tes armes:
Un ver, quand on le presse, il mord:
Encor la coulpe m'en remord:
Ne fay de toy comment fera:
Mais de nous deux le diable emport
Celuy qui recommencera.

POUR LE PERRON DE MONSEIGNEUR LE DAUPHIN

AU TOURNOY DES CHEVALIERS ERRANS

I ev est le Perron
D'amour loyale & bonne,
Ou maint coup d'esperon,
Et de glaive se donne.
Un Chevalier Royal
Y ha dressé sa Tente,

Et fert de cueur loyal
Une Dame excellente.
Dont le nom gracieux
N'est ja besoing d'escrire:
Il est escrit aux Cieux,
Et de nuict se peult lire.
C'est endroit de forest
Nul Chevalier ne passe,
Sans confesser qu'elle est
Des Dames l'outrepasse.
S'il en doubte, ou debat,
Point ne faut qu'il presume
S'en aller sans combat:
C'est du lieu la coutume.

POUR LE PERRON DE MONSEIGNEUR D'ORLÉANS

Voice le Val des constans Amoureux,
Où tient le Parc l'Amant chevalereux,
Qui n'ayma onc, n'ayme, & n'aymera qu'une.
D'icy passer n'aura licence aucune
Nul Chevalier, tant soit preux & vaillant,
Si Ferme Amour est en luy desfaillant.
S'il est loyal, & veult que tel se treuve,
Il lui convient lever pour son espreuve
Ce Marbre noir : & si pour lui trop poise,
Chercher ailleurs son advanture voise.



DE MONSIEUR DU VAL

TRESORIER DE L'ESPARGNE

Tor noble esprit, qui veux chercher les Muses, En Parnasus (croy moy) ne monteras:
De les trouver sur le Mont tu t'amuses,
Dont, si m'en crois, au Val t'arresteras:
Là d'Helicon la fontaine verras,
Et les neus sœurs, Muses bien entendues,
Qui puis un peu (ainsi le trouvera)
Du mont Parnase, au Val sont descendues.

RESPONSE DE DU VAL

Tov noble esprit, qui voudras t'arrester En aucun Val, pour les neus Muses voir, Et tous tes sens de nature apprester, Pour aucun fruict de leur science avoir, Ne pense pas un tel bien recevoir D'un Val en friche, ou ces Sœurs ont trouvé Nouveau Vassal: mais s'il est abbreuvé De la liqueur qui par Marot distille De Parnasus, lors sera esprouvé, Combien tel Mont peult un Val faire utile.

DE MADAME DE L'ESTRANGE

CELLE qui porte un front cler & ferain Semblant un Ciel, ou deux Planetes luifent, En entretien, grace, & port fouverain, Les autres passe autant qu'Argent l'Erain, Et tous ces poincts à l'honorer m'induisent. Les escrivans qui ses vertus deduisent, La nomment tous ma Dame de l'Estrange: Mais, veu la sorme, & la beauté qu'elle ha, Je vous supply, compagnons, nommez la Doresnavant: ma Dame qui est Ange.

A L'EMPEREUR

L ors que (Cefar) Paris il te pleut voir, Et que pour toy la Ville étoit ornée, Un jour devant il ne feit que plouvoir, Et lendemain claire fut la journée.

Si donc faveur du Ciel te fut donnée : Cela, Cefar, ne nous est admirable : Car le Ciel est, comme par destinée, Tout coutumier de t'estre favorable.

DE VISCONTIN, ET DE LA CALANDRE DU ROY

I NCONTINENT que Viscontin mourut,
Son ame entra au corps d'une Calandre:
Puis de plein vol vers le Roy s'en courut,
Encor un coup son fervice reprendre:
Et pour mieux faire à son maistre comprendre,
Que c'est luy mesme, & qu'il est revenu,

Comme on l'ouit parler gros, & menu, Contrefaifant d'hommes geste & faconde, Ores, qu'il est Calandre devenu, Il contrefait tous les Oyseaux du monde.

D'UN GROS PRIEUR

N gros Prieur fon petit fils baifoit,
Et m'ignardoit au matin en fa couche:
Tandis rostir fa Perdrix on faifoit:
Se leve, crache, efmeutit, & fe mouche:
La Perdrix vire: Au fel de broque en bouche
La devora, bien favoit la fcience:
Puis quand il eut prins fur fa confcience
Broc de vin blanc, du meilleur qu'on eflife;
Mon Dieu, dit-il, donne moy patience,
Qu'on ha de maux pour fervir fainte Eglife.

DE LA VILLE DE LYON

O's dira ce que lon voudra
Du Lyon, & fa cruauté:
Tousjours, ou le fens me faudra,
J'estimeray sa privauté:
J'ay trouvé plus d'honnesteté,
Et de noblesse en ce Lyon,
Que n'ay pour avoir frequenté
D'autres besles un million.



AUNE

DONE IL NE POVOIT OSTER SON CHELR

Pus qu'il convient pour le pardon gaigner, De tous pechez faire confession :
Et pour d'Enser l'esperit esloingner,
Avoir au cœur ferme contrition .
Je te supply fay fatisfaction
Du povre cueur qu'en peine tu retiens :
Ou si le veux en ta possession,
Confesse donc mes pechez & les tiens.

A PIERRE MARREL

LE MERCIANT D'UN COUTEAU

Tos vieil Couteau, Pierre Marrel, rouillé Semble ton Vit, ja retraict & mouillé: Et le Fourreau tant laid ou tu l'engaines, C'est que tousjours as aymé vieilles Gaines: Quant à la corde à quoy il est lié, C'est qu'attaché seras, & marié: Au Manche aussi de Corne, congnoit on Que tu seras cornu comme un Mouton: Voila le sens, Voila la prophetie De ton Couteau, dont je te remercie.



DE ALIX, ET DE MARTIN

Martin estoit dedans un bois taillis
Avec Alix, qui par bonne maniere
Dit à Martin: Le long de ces Pallis
T'amie Alix d'Amour te fait priere:
Martin dit lors, S'il venoit par derriere
Quelque lourdaut, ce feroit grand vergongne:
Du Cul (dit-elle) vous ferez signe, Arriere,
Passez chemin, laissez faire besongne.

D'UN CHEVAL. ET D'UNE DAME

S i j'ay contant un beau Cheval payé,
Il m'est permis de dire qu'il est mien:
Qu'il ha beau trot, que je l'ay assayé,
En ce faisant cela me fait grand bien.
Donques si j'ay payé contant & bien
Celle qui tant sous moy le Cul leva,

Celle qui tant fous moy le Cul leva, Il m'est permis de vous dire combien Elle me couste, & quel emble elle va.

D'UNE DAME DESIRANT VOIR MAROT

A ins que me voir, en lifant mes escrits, Elle m'ayma: puis voulut voir ma face: Si m'ha veu noir, & par la barbe gris: Mais pour cela ne fuis moins en sa grace. O gentil cueur, Nymphe de bonne race, Raison avez : car ce corps ja grison, Ce n'est pas moy, ce n'est que ma prison : Et aux escrits, dont lecture vous feistes, Vostre bel œil (à parler par raison) Me veit trop mieux, qu'à l'heure que me veistes.

A UNE DAME DE LYON

Sus lettre faicles la petite A la brunette Marguerite.

Si le loisir tu as, avec l'envie De faire un tour icy pres seulement, Je te rendray bon compte de ma vie, Depuis le soir qu'eus à toy parlement : Ce soir sut court : mais je say seurement Que tu en peux donner un par pitié, Qui dureroit dix sois plus longuement, Et sembleroit plus court de la moitié.

RESPONSE PAR LADICTE DAME

Lettre, salue; humblement, De Maro le seul fils, Clement.

Quand tu voudras, le loifir & l'envie Dont me requiers : fera bien tost venuë, Et de plaisir seray toute ravie Lors me voyant de toy entretenuë. Le fouvenir de ta grace congnuë Du foir auquel j'eus à toy parlement, Souvent me fait par amour continuë Avoir defir de recommencement.

A MONSIEUR CRASSUS

QUI LUI VOULOIT AMASSER DEUX MILLE ESCUZ

Esse, Crassus, de Fortune contraindre,
Qui grand trefor ne veult m'estre ordonné:
Suffise toy qu'elle ne peult estaindre
Ce nom, ce bruit, que vertu m'ha donné:
C'est à François, ce grand Roy couronné
A m'enrichir. Quant aux escus deux mille
Que m'assembler ne trouves difficile
D'autant d'amis: En verité je tien,
Qu'il n'y ha chose au Monde plus facile,
Si tous avoient semblable cueur au tien.

DE LA CONVALESCENCE DU ROY

1537

Roy des François, François premier du nom, Dont les vertus passent le grand renom, Et qui en France, en leur entier ramaines Tous les beaux arts, & sciences Romaines: O de quel grand benefice estendu, De Dieu sur nous, à nous il t'ha rendu! Qui pour accés de Fievre longue & groile, Avois desja le pied dedans la fosse! Ja te plouroit France de cueur & d'œil: Ja pour certain, elle portoit le dueil: Mais mort qui feit de toy si grans approches, Jamais ne sent endurer nos reproches: Et t'ha rendu, par grand despit, à nous, Dont devant Dieu nous ployons les genoux.

Ainsi tu sais combien, par faux alarmes, La mort ha fait, pour toy, jetter des larmes. Et si te peux vanter en verité De succeder à ta posterité: Et d'estre Roy apres ton successeur: Car ja pour Roy le tenons pour tout seur.

Vy donc François, ainsi que d'une vie, D'entre les mains des trois Parques ravie : Pren les plaisirs & biens qui s'envolloient, Et qui de toy desrober se vouloient. Que Dieu te doint venir tout bellement Au dernier point naturel, tellement Que de la vie en ce point retournée, Ne puisses perdre une seule journée.

AU ROY

S¹ mon Seigneur, mon Prince, & plus que Pere, Qui des François, François premier se nomme, N'estoit point Roy de sa France prospere, Ne Prince avec, mais simple gentilhomme, J'irois autant dix sois par delà Romme, Que j'en suis loing, chercher son accointance,

Pour fa vertu, qui plus fort le couronne Que fa fortune & Royale prestance : Mais souhaiter cas de telle importance, Seroit vouloir mon bien particulier, A luy dommage, & tort faict à la France, Qui a besoing d'un Roy tant singulier.

DIZAIN AU ROY ENVOYÉ DE SAVOYE

1543

L'homme ne fçait où s'enfuīr, ne courre :
Si en Enfer il fçait quelques nouvelles
De fa feurté, au fin fons il fe fourre :
Puis peu à peu fa peur vient à efcourre,
Ailleurs s'en va, Sire, j'ay fait ainfi :
Et vous requier de permettre qu'icy
A feureté, fervice je vous fasse.
Puny assez je feray en soucy,
De plus ne voir vostre Royale face.

DU RETOUR DE TALLART A LA COURT

Pus que voyons à la Court revenuë
Tallart la fille, à nulle autre feconde,
Confesser fault par sa seule venuë,
Que les espritz reviennent en ce monde:
Car rien qu'Esprit n'est la petite blonde,
Esprit qui point aux autres ne ressemble

Veu que de peur, s'ilz reviennent, on tremble Mais cestuy-cy, n'espovente ne nuit.

O esprit donc, bon seroit, ce me semble,

Aveques toy rebaster toute nuiét!

DIZAIN

Malheureux fuis, ou à malheureux maistre, Qui tant de fois, fur moy a desiré, Qu'aupres de luy sa Déesle peust estre, Par qui long temps l'Amour ha martyré. Or elle y est. Mais ce Dieu a tiré Dedans son cueur autre slesche nouvelle. Mon maistre (helas), voyez chose cruelle: Car d'un costé vostre desir m'advient, De l'autre non: car je porte avec elle Un autre amy, qui vostre place tient.

DIZAIN

A

Une Dame du temps passé
Vey n'agueres entretenue,
D'un vieil gentilhomme cassé,
Qui avoit la barbe chenue:
Alors la souhaitastes nue '
Entre ses braz: mais puis qu'il tremble,
Et puis que morte elle ressemble,
Monsieur, si pitié vous remord,
Ne les faictes coucher ensemble,
De peur qu'ilz n'engendrent la mort.

DE LA FILLE DE VAUGOURT

Vaugourt parmy sa domestique bande, Voyant sa fille Augustine, ja grande, S'attendoit bien de brief un Gendre avoir, Et ensans d'elle agreables à voir, Qui luy rendroyent sa vieillesse contente. Or a perdu sa fille & son attente: Et lui a prins la Mort, par un trespas, Ce qu'il avoit, & ce qu'il n'avoit pas.

D'YSABEAU

Y SABEAU, ceste fine mouche,
Clavier (tu entens bien Clement)
Je sçay que tu sçays qu'elle est louche,
Mais je te veux dire comment:
Elle l'est si horriblement,
Et de ses yeux si mal s'acoustre,
Qu'il vaudroit mieux, par mon sermont,
Qu'elle sust aveugle tout outre.

A ANNE

Le cler Soleil par sa presence essace, Et fait suir les ténebreuses nuictz : Ainsi pour moy (Anne) devant ta face S'en vont suyant mes langoureux ennuyz. Quand ne te voy, tout ennuyé je fuis : Quand je te voy, je fuis bien d'autre forte. Dont vient cela? fçavoir je ne le puis, Si n'est d'Amour, Anne, que je te porte.

A UN JEUNE ESCOLIER DOCTE

GRIEVEMENT MALADE

CHARLES, mon filz, prenez courage, Le beau temps vient apres l'orage, Apres maladie fanté: Dieu a trop bien en vous planté, Pour perdre ainsi fon labourage.

HUICTAIN

J'ay une lettre entre toutes eslite:
J'ayme un pais, & ayme une chanson:
N'est la lettre, en mon cueur bien escrite,
Et le pais est celuy d'Alençon.
La chanson est (sans en dire le son)
Alegez moy douce plaisant' brunette:
Elle se chante à la vieille saçon:
Mais c'est tout un, la brunette est jeunette.

HUICTAIN

P^{LUS} ne fuis ce que j'ay esté, Et ne le sçaurois jamais estre. Mon beau printemps, & mon esté
On fait le fault par la fenestre.

Amour, tu as esté mon maistre,
Je t'ay servy sur tous les Dieux.
O si je pouvois deux sois naistre,
Comment je te servirois mieux!

RESPONSE AU HUICTAIN PRECEDENT

NE menez plus tel desconfort,
Jeunes ans sont petites peries:
Vostre aage est plus meur & plus sort,
Que ces jeunesses mal expertes.
Boutons serrez, Roses ouvertes,
Se passent trop legerement:
Mais du Rosier les sueilles vertes
Durent beaucoup plus longuement.

SUR LE MESMES PROPOS

Pour quor voulez-vous tant durer, Ou renaistre en sleurissant aage? Pour aymer & pour endurer. Y trouvez vous tant d'avantage? Certes celuy n'est pas bien sage Qui quiert deux sois estre frappé: Et veult repasser un passage Dont il est, à peine, eschappé.



A MADAME DE LA BARME

PRES DE NECY EN GENEVOVS

A Dieu ce bel œil tant humain,
Bouche de bon propos armée,
D'ivoyre la gorge & la main,
Taille fur toutes bien formée.
Adieu douceur tant estimée,
Vertu à l'ambre ressemblant:
Adieu de celui mieux aymée
Qui moins en monstra de semblant.

SALUTATION DU CAMP DE MONSIEUR D'ANGUIEN A SIRISOLE

Soit en ce camp paix pour mieux faire guerre:
Dieu doint au chef fuite de fon bonheur,
Aux chevaliers deûr de loz acquerre,
Aux piëtons proufit, joint à l'honneur.
Tout aux despens, & au grand deshonneur
De l'ennemy. S'il se jette en la plaine,
Soit son cueur bas, son entreprinse vaine:
Pouvoir en vous de le vaincre, & tuer,
Et à Marot occasion & veine,
De par escrit voz noms perpetuer.



AU ROY

POUR ESTRE REMIS EN SON ÉTAT

St le Roy feul fans aucun y commettre,
Met tout l'estat de sa maison à poinct,
Le cueur me dit que luy, qui m'y sit mettre,
M'y remettra & ne m'ostera point:
Crainte d'oubli pourtant au cueur me poingt.
Combien qu'il ayt la memoyre excellente,
Et n'ay pas tort: car si je perds ce poinct
Adieu command le plus beau de ma rente:
Or donques soit sa maiessé contente
De m'y laisser en mon premier arroy,
Soit de sa chambre, ou sa loge, ou sa tente.
Ce m'est tout un, mais que je sois au Roy.

C. MAROT A L. D. D. F. LUY ESTANT EN ITALIE

SONNET

ME fouvenant de tes graces divines
Suis en douleur, Princesse, en ton absence:
Et si languis quand suis en ta presence,
Voyant ce Lys au milieu des espines.
O la douceur des douceurs seminines!
O cueur sans siel! o race d'excellence!
O dur mary remply de violence,
Qui s'endurcit par les choses benignes!

Si feras-tu de la main fouftenuë
De l'éternel, comme chere tenuë,
Et les nuyfans auront honte & reproche.
Courage donc, en l'air je voy ta nuë,
Qui çà & là s'escarte & diminuë
Pour faire place au beau temps qui aproche.

DE FRERE THIBAUD

FRERE Thibaud, pour fouper en quarefine, Fait tous les jours fa Lamproye roftir, Et puis, avec une couleur fort blefme, En plaine chaire il nous vient avertir Qu'il jeufne bien, pour fa chair amortir, Tout le quarefine en grand devotion : Et qu'autre chofe il n'a, fans point mentir, Qu'une roftie à fa colation.

DU LIEUTENANT DE B.

Un Lieutenant vuidoit plus volontiers
Flacons de vin, tasses, verres, bouteilles,
Qu'il ne voyoit proces, facz, ou papiers
De contre-ditz ou cautelles pareilles:
Et je lui dy: Teste digne d'oreilles
De Pampre verd, pourquoy as fantasse
Plus à t'emplir de vin & malvoysse,
Qu'en bien jugeant acquerir loz & gloire:
D'espices (dist la face cramoysse)
Friant je suis, qui me causent le boire.

D'UN ORGUILLEUX EMPRISONNÉ

PRIS DU LATIN

T'ESBAHIS-TU dont point on ne fouspire
Et qu'on rit tant? qui se tiendroit de rire?
De voir par force à present estre doux
L'amy de nul & l'ennemy de tous.

D'ANNETTE ET MARGUERITE

CES jours passez je su chez la Normande,
Ou je trouvay Annette & Marguerite:
Annette est grasse, en bon poinct, belle & grande:
L'autre est plus jeune & beaucoup plus petite:
Annette assez m'embrasse & solicite:
Mais Marguerite eut de moy son plaisse.
La grande en sut, ce croy-je, bien despite:
Mais de deux maux le moindre on doit choisse.

A UNE VIEILLE, PRIS SUR CE VERS

Non gaudet veteri fanguine mollis amor.

VEUX-TU vieille ridée entendre Pourquoy je ne te puis aymer? Amour (l'enfant mol, jeune & tendre) Tousjours le vieil fang trouve amer. Le vin nouveau fait animer Plus l'esprit que vieille boisson : Et puis lon n'oyt bien estimer Que jeune cher, & viel poisson.

DE NENNY

Nenny desplaist, & cause grand soucy Quand il est dit à l'amy rudement :
Mais quand il est de deux yeux adoucy Pareilz à ceux qui causent mon tourment,
S'il ne raporte entier contentement,
Si monstre il bien que la langue pressée
Ne respond pas le plus communément
De ce qu'on dit aveques la pensée.

D'UN OUY

Us ouy mal accompagné,
Ma trifte langue profera,
Quand mon cueur du corps eflongné
Du tout à vous fe retira.
Lors à ma langue demoura
Ce feul mot, comme trifte, ouy:
Mais si mon cueur plus resjouy
Avoir sur vous ce poinct gaigné,
Croyez que dirois un ouy,
Qui feroit mieux accompagné.



DE ROBIN ET CATIN

U'vint à Catin presenter sa requeste,
Pour desgeler son chose morfondu,
Qui ne povoit quasi lever la teste:
Incontinent Catin sut toute preste,
Robin aussi prend courage & s'acroche:
On se remue, on se joue, on se hoche:
Puis quand ce vint au naturel devoir,
Ha, dist Catin, le grand desgel s'aproche:
Voire, dist-il: car il s'en va plouvoir.

A ANNE

L'iieur ou malheur de vostre congnoissance Est si douteux en mon entendement, Que je ne sçay s'il est en la puissance De mon esprit en faire jugement : Car, si c'est heur, je sçay certainement Qu'un bien est mal quand il n'est point durable : Si c'est malheur, ce m'est contentement De l'endurer pour chose si louable.

DE SA MAISTRESSE

QUAND je voy ma maistresse Le cler Soleil me luit · S'ailleurs mon œil s'adresse Ce m'est obscure nuict : Et croy que fans chandelle A son liet à minuit Je verrois avec elle.

EPIGRAMMES

A l'imitation de Martial, in Lentinum.

Lib. v. Epig. 90.

Mentiris juvenem tindis Lentine capillis.

A GEOFROY BRULARD

To peins ta barbe, amy Brulard, c'est tigne Que to voudrois pour jeune estre tenu: Mais on t'ha veu n'agueres estre un Cigne, Puis tout à coup un Corbeau devenu. Encor le pis qui te soit advenu, C'est que la mort plus que toy fine & sage, Congnoist assez que tu es tout chenu, Et t'ostera ce masque du visage.



AD CÆSAREM

Do. Lib. viii. Epig. 35.

Magna licet toties tribuas, majora daturus Dona, Ducum vidor, vidor & ipfe tui, Diligeris populo, non propter præmia, Cæfar: Propter te populus præmia, Cæfar, amat.

AU ROY

Or que souvent tu sasses, d'un franc cueur, Dons bien sentans ta Royauté supreme, D'en faire encor' bien t'attens, ô vainqueur Des cueurs de tous, & vainqueur de toy mesme Chacun, pour vray, te porte amour extreme, Non pour tes dons avenir ou presens:

Mais au rebours, Roy l'honneur d'Angoulesme, Pour ton amour on ayme tes presens.

AD LUCIUM JULIUM

Lib. 1. Epig. 152.

Sape mihi dicis, Luci charissime Juli.

A MONSIEUR CASTELLANUS

EVESOUE DE TULE

T^v dis, Prelat, Marot est paresseux, De luy ne puis quelque grand œuvre voir : Fay tant qu'il ayt biens femblables à ceux Que Mecenas à Maro feit avoir, Ou moins encor : lors fera fon devoir D'escrire vers en grand nombre & hault slile. Le Laboureur sur la terre infertile Ne pique bœuf, ne charruë ne meine Bien est-il vray que champ gras & utile Donne travail, mais plaisante est la peine.

DE CATELLA PUBLI

Lib. 1. Epig. 154.

Issa est passere nequior Catulli.

DE LA CHIENNE DE LA ROYNE ELENOR

Mignonne est trop plus affettée, Plus fretillant, moins arrestée Que le passeron de Maupas : Cinquante pucelles n'ont pas La mignardie si friande.

Mignonne nasquit aussi grande Quasi comme vous la voyez.

Mignonne vault (& m'en croyez) Un petit tresor : aussi est-ce Le passe-temps & la liesse De la Royne, à qui si fort plaist, Que de sa belle main la paist.

Mignonne est la petite chienne : Et la Royne est la dame sienne : Qui l'orroit plaindre aucunes sois, On gageroit que c'est la voix De quelque dolente personne: Et a bien cest esprit Mignonne, De sentir plaisir, & esmoy, Ausii bien comme vous & moy.

La Royne en sa couche parée, Luy a fa place preparée: Et dort, la petite follastre, Desfus la gorge d'allebastre De sa dame, si doucement Ou'on ne l'ovt fouffler nullement. Et si pisser veult d'aventure, Ne gaste draps ny couverture : Mais fa Maistresse gratte, gratte Aveques fa flateuse patte: L'advertissant qu'on la descende : Ou'on l'effuve, & puis qu'on la rende En fa place: tant est honneste, Et nette la petite beste. Le jeu d'Amours n'a esprouvé : Car encores n'avons trouvé Un mary digne de fe prendre A une pucelle si tendre.

Or afin que du tout ne meure, Quand de mourir viendra fon heure, Sa Maistresse en un beau tableau La fait paindre à Fontainebleau, Plus semblable à elle (ce semble) Qu'elle mesme ne se ressemble. Et qui Mignonne aprochera De sa painture, il pensera Que toutes deux vivent sans fainte : Ou bien que l'une & l'autre est painte.

AD SEIPSUM

Lib. x. Epig. 47.

Vitam quæ faciumt beatiorem.

DE SOYMESME

Marot voicy (si tu le veux sçavoir)
Qui fait à l'homme heureuse vie avoir : Successions, non biens acquis à peine, Feu en tout temps, maison plaisante, & saine, Jamais proces, les membres bien difpos, Et au dedans un esprit à repos : Contraire à nul, n'avoir aucuns contraires, Peu se messer des publiques affaires, Sage fimplesse, amis à foy pareilz, Table ordinaire, & fans grans appareilz. Facilement avec toutes gens vivre. Nuict fans nul foing, n'estre pas pourtant yvre, Femme joyeuse, & chaste neantmoins, Dormir qui fait que la nuict dure moins, Plus hault qu'on n'est ne vouloir point attaindre. Ne desirer la mort, ny ne la craindre. Voila Marot, fi tu le veux fçavoir, Oui fait à l'homme heureuse vie avoir.



DE SUA PUELLA

Lib. vii. Epig. 13.

Accidit infandum nostræ scelus. Aule, ruellæ.

DE LA TRISTESSE DE S'AMIE

C'est grand' pitié de m'Amie qui a
Perdu fes jeuz, son passe-temps, sa feste:
Non un Moyneau, ainsi que Lesbia:
N'un petit Chien, Belette ou autre beste:
A jeuz si sotz mon Tendron ne s'arreste:
Ces pertes là ne luy sont malfaisans.
Vrays amoureux soyez en desplaisans,
Elle a perdu, helas, depuis Septembre,
Un jeune Amy, beau de vingt & deux ans,
N'ayant encor pied & demy de membre.

AD FABULAM

AMBITIOSAM IN LAUDE

Lib. 1. Epig. 32.

Bella es, novimus, & puella, verum est.

D'UNE QUI SE VANTE

Vous estes belle, en bonne foy, Ceux qui dient que non, sont bestes, Vous estes riche, je le voy: Qu'est il besoing d'en faire enquestes? Vous estes bien des plus honnestes : Et qui le nye est bien rebelle. Mais quand vous vous louez, vous n'estes Honneste, ne riche, ne belle.

AD ÆMILIANUM

Lib. v. Epig. 122.

Semper eris pauper, si pauper es, Æmiliane . Dantur opes nullis nunc, nisi divitibus.

A ANTOINE

St tu es pauvre, Antoine, tu es bien En grand danger d'estre povre sans cesse : Car aujourdhuy on ne donne plus rien, Sinon à ceux qui ont force richesse.

IN CANDIDUM

Lib. v. Epig. 73.

Prædia folus habes, & folus, Candide, Nummos.

DE JAN JAN

Tu as tout feul, Jan Jan, vignes & prez:
Tu as tout feul ton cueur & ta pecune:
Tu as tout feul deux logis diaprez,
Là où vivant ne pretend chose aucune

Tu as tout feul le fruit de ta fortune: Tu as tout feul ton boire & ton repas: Tu as tout feul toutes choses fors une, C'est que tout seul ta femme tu n'as pas-

IN POSTHUMUM

Lib. 11. Epig. 67.

Occurris quocunque loco mihi, Posthume clamas.

A HILAIRE

Des que tu viens là où je fuis (Hilaire) c'est ta saçon solle De me dire tousjours, Et puis Que sais-tu? voila tout ton rolle Cent sois le jour ceste parolle Tu me dis, j'en suis tout batu. Quand tout sera bien debatu, Je cuide par mon ame, Hilaire, Qu'aveques ton beau, Que sais-tu? Tu n'as rien toy-mesme que faire.

IN CALLISTRA TUM

Lib. v. Epig. 13.

Sum (fateor) semperque fui, Callistrate, paurer.

DIZAIN

Riche ne fuis, certes je le confesse : Bien né pourtant, & nourry noblement :

Mais je fuis leu du peuple & gentillesse
Par tout le monde: Et dit-on, c'est Clement.
Maintz vivront peu, moy eternellement:
Et toy tu as prez, fontaines & puis,
Bois, champs, chasteaux, rentes, & gros appuis:
C'est de nous deux la disserence & l'estre.
Mais tu ne peux estre ce que je suis:
Ce que tu es, un chacun le peult estre.

IN LESBIAM

Lib. vi. Epig. 23.

Stare jubes nostrum semper tibi, Lesbia, penem.

A UNE LAYDE

Tousjours voudriez que je l'eusse tout droit, Ma laiduron: & vous semble, je gage, Que j'en puis faire ainsi comme du doigt: Vous avez beau le slatter de langage, Voire des mains, ce Diable de visage Desgouste tout, & à vous mesme nuit: Parquoy devriez (si vous estiez bien sage) Ne me chercher seulement que de nuit.



AD SABIDIUM

Lib. 1. Epig. 89.

Non amo te, Sabidi: nec possum dicere, quare.

Hoc tantum possum dicere, non amo te.

Jan, je ne t'ayme point, beau sire: Et ne sçay quell' mouche me poinct: Ne pourquoy c'est, je ne puis dire, Sinon que je ne t'ayme point.

AD FLACCUM

Lib. 1. Epig. 66.

Litigat, & podagra Diodorus, Flacce, laborat. Sed nil patrono porrigit, hæc chiragra eft.

D'UN ABBÉ

L'ABBÉ a un procès à Romme,
Et la goutte aux piedz, le povre homme!
Mais l'Advocat s'est plaint à maints,
Que rien au poingt il ne luy boute:
Cela n'est pas aux piedz la goutte,
C'est bien plustost la goutte aux mains.



AD NÆVOLUM CAUSIDICUM

Lib. 1. Epig. 65.

Cum clamant omnes, loqueris tu, Navole, semper.

D'UN ADVOCAT IGNORANT

To veux que bruyt d'Advocat on te donne, Et de sçavant, mais jamais au Parquet Tu ne dis mot, sinon quand le cacquet Des grans criars les escoutans estonne.

A faire ainti, je ne fçache perfonne Qui ne puisse estre homme docte à le voir : Or maintenant, qu'un seul mot on ne sonne, Dy quelque chose, oyons ce beau sçavoir.

AUTREMENT

Quand d'un chacun la voix bruit & refonne En plein Parquet, onc homme me parla Plustost que toy, & si semble par là, Que le renom d'Advocat on te donne, A faire ainsi, &c.



DE GELLIA

Lib. 1. Epig. 90.

Amissim non flet, cum fola est Gellia, patrem.

Jamais Alix fon feu mary ne pleure
Tout à par foy, tant est de bonne forte:
Et devant gens, il semble que sur l'heure
De ses deux yeux une Fontaine forte.
De faire ainsi (Alix) si te déporte,
Ce n'est point dueil, quand louange on en veult,
Mais le vray dueil, sçais-tu bien qui le porte?
C'est cestuy-là qui sans tesmoins se deult.

AD CINNAM

Lib. v. Epig. 58.

Cim voco te dominum, nolo tibi, Cinna, placere : Sarpe etiam fervum fic refaluto meum.

> Quand Monsieur je te dy, Roullet, Le te dy-je, povre follet, Pour te plaire, ou pour ta valuë? Je t'advise que mon valet, Bien souvent ainsi je saluë.



AD GELLIAM

Lib. v. Epig. 3o.

Si quando leporem mittis mihi, Gellia, dicis.

A YSABEAU

Y SABEAU, Lundy m'envoyastes
Un Lievre, & un propos nouveau:
Car d'en manger vous me priastes,
En me voulant mettre au cerveau,
Que par sept jours je serois beau.
Resvez-vous? avez-vous la sievre?
Si cela est vray, Ysabeau,
Vous ne mangeastes jamais Lievre.

AD LYCORIM

Lib. v1. Epig. 40.

Fæmina præferri potuit tibi nulla, Lycori.

Jane à present toutes les autres passe.

Et pour donner l'arrest d'entre vous deux,
Elle sera ce dequoy tu te deulx:
Tu ne seras jamais de sa valuë.
Que sait le temps? il fait que je la veulx,
Et que je t'ay autressois bien voluë.

AD ÆLIAM

Lib. 1. Epig. 76.

Si memini, fuerant tibi quatuor, Ælia, dentes.

D'UNE VIEILLE

S'n. m'en fouvient, Vieille au regard hydeux,
De quatre dents je vous en ay veu mascher:
Mais une toux dehors vous en mit deux,
Une autre toux deux vous en seit cracher.
Or povez bien toussir sans vous facher.
Car ces deux toux y ont mis si bon ordre,
Que si la tierce y veult rien arracher,
Non plus que vous n'y trouvera que mordre.

DE PHILONE

Lib. v. Epig. 48.

Nunquam fe cænaffe domi Philo jurat, & hoc eft, Non cænat quoties nemo vocavit eum.

DE MACÉ LONGIS

CE prodigue Macé Longis,
Fait grand ferment qu'en fon logis
Il ne fouppa jour de fa vie:
Si vous n'entendez bien ce poinét,
C'est à dire il ne souppe point,
Si quelque autre ne le convie.

DE LESBIA

Lib. 11. Epig. 63.

Lesbia se jurat gratis nunquam esse futuram. Verum est : cum futui vult, numerare solct.

Macée me veult faire acroire,
Que requise est de mainte gent:
Plus envieillit, plus a de gloire,
Et jure comme un vieil sergent,
Qu'on n'embrasse point son corps gent
Pour neant. Et dit vray Macée:
Car tousjours elle baille argent,
Quand elle veult estre embrassée.

DE PAULA

Lib. x. Epig. 8.

Nubere Paula cupit nobis, ego ducere Paulam Nolo: anus est: vellem, si magis esset anus.

DE PAULINE

Pauline est riche, & me veult bien Pour mary: Je n'en feray rien, Car tant vieille est que j'en ay honte. Si elle estoit plus vieille d'un tiers, Je la prendrois plus volontiers: Car la depesche en seroit prompte.

DE LINO

Lib. 1. Epig. 43.

Dimidium danare Lino, quàm credere totum, Qui mavult, mavult perdere dimidium.

D'UN MAUVAIS RENDEUR

CIL qui mieux ayme par pitié, Te faire don de la moitié, Que prester le tout rondement, Il n'est point trop mal gracieux: Mais c'est signe qu'il ayme mieux Perdre la moitié seulement.

IN PRISCUM

Lib. 1. Epig. 157.

Cum te non nossem, dominum, regémque vocabam : Cum bene te novi, jam mihi priscus eris.

A BENEST

Benest, quand ne te congnoissoye, Un grand Monsieur je te pensoye: Mais quand j'ay veu ce qui en est, Je trouve que tu es Benest.



DE FORMICA ELECTRO

INCLUSA

Lib. vi. Epig. 15.

Dum Phaetontwa formica ragatur in umbra

DESSOUBZ l'Arbre où l'Ambre degoute,
La petite Formis alla:
Sur elle en tomba une goutte,
Qui tout à coup fe congela:
Dont la Formis demoura là
Au milieu de l'Ambre enfermée.
Ainfi la beste desprisée,
Et peu prisée quand vivoit,
Est à sa mort sort estimée,
Quand si beau sepulchre on luy voit.

IN SUTOREM

Lib. 1x. Epig. 75.

Dentibus antiquas folitus producere pelles.

DU SAVETIER

Tov qui tirois aux dens vieilles favattes, De ton feu maistre, or, possedes & tiens Rentes, maisons, & meubles, jusqu'aux nattes, A son trespas il les ordonna tiens: Avec fa fille en repos t'entretiens.

L't mes parens, pour me faire Efcolier,

M'ont fait tirer bien vingt ans au collier.

Qu'en ay-je mieux? Romps la plume & le livre

Calliopé, puis que le vieux foulier

Donne fi bien au Sayetier à vivre.

IN CINNAM

Lib. III. Epig. 9.

Versiculos in me narratur scribere Cinna. Non scribit, cujus carmina nemo legit.

A MERLIN DE SAINCT GELAIS

Ta lettre, Merlin, me propose
Qu'un gros sot en rime compose
Des Vers, par lesquelz il me poinct:
Tien toy seur qu'en rime n'en prose,
Celuy n'escrit aucune chose,
Duquel l'ouvrage on ne lit point.

D'UN MAUVAIS POÈTE

Sans fin (povre fot) tu t'amuses
A vouloir complaire aux neuf Muses:
Mais tu es si lourd, & si neuf
Que tu en fasches plus de neuf.

IN PAULAM

Lib. 1x. Epig. 6.

Nubere vis prisco, non miror Paula, fapisti : Ducere te non vult Priscus : & ille sapit.

> Catin veult espouser Martin, C'est fait en tressine semelle : Martin ne veult point de Catin, Je le trouve aussi fin comme elle.

AD LICIANUM SCRIPTORES UNDE

Lib. 1. Epig. 29.

Verona docti fyllabas amat Vatis.

DES POËTES FRANÇOIS, A SALEL

DE Jan de Meun s'enfle le cours de Loire:
En maistre Alain Normandie prent gloire:
Et plaint encor' mon arbre paternel:
Octavian rend Cognac éternel:
De Moulinet, de Jan le Maire, & Georges,
Ceux de Haynault chantent à pleines gorges:
Villon, Cretin ont Paris decoré:
Les deux Grebans ont le Mans honoré:

Nantes la Brette, en Meschinot se baigne: De Coquillart s'esjoûit la Campaigne: Quercy, Salel, de toy se vantera: Et (comme croy) de moy ne se taira.

IN DETRACTOREM

Lib. v. Epig. 61.

Adlatres licet ufque nos, & ufque, Et gannitibus improbis lacessas, &c.

A ESTIENNE DOLET

Tant que voudras jette feu & fumée,
Mesdy de moy à tort & à travers:
Si n'auras-tu jamais la renommée,
Que, de long-temps, tu cherches par mes Vers:
Et nonobstant tes gros tomes divers,
Sans bruit mourras, cela est arresté:
Car quel besoing est-il, homme pervers,
Que l'on te sçache avoir jamais esté?



DE SERTORIO

Lib. 111. Epig. 37.

Rem peragit nullam Sertorius, inchoat omnes : Hunc ego quum futuit, non puto perficere.

D'UN LYMOSIN

C'est grand cas que nostre voisin,
Tousjours quelque besongne entame,
Dont ne peult, ce gros limosin,
Sortir qu'à sa honte & dissame.
Au reste, je croy sur mon ame,
Tant il est lourd & endormy,
Que quand il besongne sa femme,
Il ne luy fait rien qu'à demy.

AD MARTIALEM

Lib. v. Epig. 21.

Si tecum mihi chare Martialis, Securis liceat frui diebus: Si diffonere tempus otiofum, Et verw pariter vacare vitw: &c.

A. F. RABELAIS

S'on nous laiffoit nos jours en paix ufer, Du temps prefent à plaisir disposer, III. Et librement vivre comme il faut vivre
Palais & Cours ne nous faudroit plus fuivre,
Plaids, ne procés, ne les riches maifons
Avec leur gloire et enfumez blafons:
Mais fous belle ombre en chambre & galeries
Nous pourménans, livres, & railleries,
Dames, & bains, feroient les passetemps,
Lieux & labeurs de nos esprits contens.

Las, maintenant à nous point ne vivons, Et le bon temps perir pour nous fçavons Et s'envoler, fans remedes quelconques. Puis qu'on le fçait, que ne vit-on bien donques!

IN FAUSTUM

Lib. 11. Epig. 65.

Nefcio tam multis quid scribas, Fauste, puellis Hoc scio, quod scribit nulla puella tibi.

D'UN CURÉ

A u Curé, ainfi comme il dit,
Plaifent toutes belles femelles,
Et ont envers luy grand credit
Tant Bourgeoyses, que Damoyselles:
Si luy plaisent les femmes belles
Autant qu'il dit, je n'en sçay rien:
Mais une chose sçay-je bien,
Qu'il ne plaist à pas une d'elles.





ESTRENES

DE CELLE QUI ENVOYE A SON AMY UNE DE SES COULEURS

ous esperance & attente d'avoir
Response faite en plus prosond sçavoir,
Les miens esprits un lourd Rondeau t'escrivent.
Et devers toy peu d'estrenes arrivent,
Pour sorte Amour entre nous concevoir.
Gr.'s, Blanc, & Bleu, sont mes couleurs, pour voir.
Mais du seul Gris je t'ay voulu pourvoir,
Dont sont vestus plusieurs humains qui vivent
Sous esperance.

Reçoy le donc, & vueilles par ce voir, Que les tendans à leur desir se voir, S'arment de Gris, & Desespoir ne suivent : Car par luy seul souvent de bien se privent Ceux qui pourroient mieux que bien recevoir Sous esperance.

DE LA ROSE

L'œil, & le fens de grand plaisir pourvoit
Si vous diray, Dame qui tant m'agrée,
Raison pourquoy de rouges on en voit:
Un jour Venus son Adonis suivoit
Parmy jardins plein despines & branches,
Les piez tous nuds & les deux bras sans manches,
Dont d'un Rosier l'Espine luy messeit:
Or estoient lors toutes les Roses blanches,
Mais de son sang de vermeilles en feit.

De ceste Rose ay ja fait mon prousit Vous estrenant, car plus qu'à autre chose Vostre visage en douceur tout consist, Semble à la fresche & vermeillette Rose.

A UNE DAMOISELLE

D'AMOISELLE que j'ayme bien,
Je te donne, pour la pareille,
Tes Estrenes d'un petit Chien,
Qui n'est pas plus grand que l'Oreille.
Il jappe, il mord, il fait merveille,
Et va desia tout seul trois pas:
C'est pour toy que je l'appareille,
Excepté que je ne l'ay pas.



PRESENT DE COULEUR BLANCHE

Present present de couleur de Colombe.
Va où mon cueur s'est le plus adonné:
Va doucement, & doucement y tombe:
Mais au parler ne te monstre estonné,
Dy que tu es pour Foy bien ordonné:
Dy oultre plus, car je te l'abandonne,
Que le Seigneur à qui tu es donné,
N'a Foy semblable à celle qui te donne.

A SA DAME

Une affez fuftifante Estreine
Trouver pour vous je ne sçaurois:
Mais vous povez estre certaine
Que vous l'auriez quand je l'aurois.
Et lors qu'affeuré je ferois
D'estre reçu felon mon zelle,
Moy mesmes je me donnerois,
Du tout à vous, ma Damoiselle.

A UNE DAME

Ces quatre vers à te faluer tendent : Ces quatre vers à toy me recommandent : Ces quatre vers font les estrenes tiennes : Ces quatre vers te demandent les miennes.

A ANNE

CE nouvel an pour Estrenes vous donne
Mon cueur blessé d'une nouvelle playe:
Contrainct y suis, Amour ainsi l'ordonne,
En qui un cas bien contraire j'essaye,
Car ce cueur là, c'est ma richesse vraye:
Le demeurant n'est rien, ou je me sonde:
Et faut donner le meilleur bien que j'aye,
Si j'ai vouloir d'être riche en ce monde.

A JANNE SEVE, LYONNOISE

JE ne scay pas quelles Estrenes
Plus excellentes vous voudriez,
Que les graces tant souveraines
Des dons à vous appropriez:
Mais je scay que quand vous auriez
Cela que sent vôtre presence,
Sans point de saute vous feriez
Quelque Princesse d'excellence.

A JANNE FAYE, LYONNOISE

Pour Estrene je vous enhorte Fuir d'Amour la cruaulté : Mais si vous n'estiez la plus forte, Je vous estrene en privauté, D'un Ami plein de loyauté Loyauté ronde & mefurée Au compas de vôtre beauté, Mais qu'il foit de plus grand' durée.

A ESTIENNE DOLET

Amy Dolet, je te veux estrener:
Present te sais de la plus sine d'elles,
Qui sache bien à son gré te nommer
Ann d'oyr ta Muse resonner,
Les passions qu'Amour aux siens ordonne
Ces doux tormens je t'ay voulu donner,
Ann qu'à tous un grand plaisir je donne.

A LA ROYNE

A c ciel Madame, je crie,
Et Dieu prie,
Vous faire voir au Printemps
Frere & mary si contens
Que tout rie.

A MADAME LA DAUPHINE

A Madame la Dauphine Rien n'affigne: Elle a ce qu'il fault avoir. Mais je la voudrois bien voir En gefine.

A MADAME MARGUERITE

A La noble Marguerite
Fleur d'eslite,
Je luy donne aussi grand heur
Que sa grace & sa grandeur
Le merite.

A MADAME LA PRINCESSE DE NAVARRE

La Mignonne des deux Roys,

Je voudrois

Qu'euffiez un beau petit Frere:
Et deux ans de vostre Mere,

Voire trois.

A MADAME DE NEVERS

La Duchesse de Nevers Aux yeux verts, Pour l'esprit qui est en elle, Aura louange eternelle Par mes vers.



A MADAME DE MONTPENSIER

Vostre beauté, maintesfois,
Où je vois,
Hautement j'oy couronner:
Que vous puis-je lors donner
Que ma voix?

A MADAME D'ESTAMPES

Sans prejudice à perfonne Je vous donne La pomme d'or de beauté : Et de ferme loyauté La couronne.

A ELLE ENCORES

Vous reprendrez je l'affie, Sur la vie, Le tainét que vous a ofté La Déesse de beauté Par envie.

A LA COMTESSE DE VERTUZ

V^{EU} ceste belle jeunesse, Et noblesse, Dont voz esprits sont vestus, Deux sois serez de vertus La Contesse.

A MADAME L'ADMIRALE

La douce beauté bien née Eftrenée Puissions voir avant l'esté Mieux qu'elle ne l'ha esté L'autre année.

A MADAME LA GRAND' SENESCHALE

Que voulez Diane bonne,
Que vous donne?
Vous n'eustes, comme j'entens,
Jamais tant d'heur au Printemps
Qu'en Autonne.

A MADAME DE CANAPLES

Noz yeux de voir ne font las Soubz Atlas Plufieurs Déeffes en grace Dont Canaples tient la place De Pallas.

A MADAME DE L'ESTRANGE

A la beauté de l'Estrange,
Face d'Ange,
Il donne longue vigueur :
Pourveu que fon gentil cueur
Ne se change.

A MIOLANT L'AISNÉE

M Et de rien

Ne doit estre mal contente,

Pourveu que la longue attente

Vienne à bien.

A MIOLANT LA JEUNE

A Miolant la puifnée, Ceste année Luy doint sur l'esté luisant, Ce qui feroit bien duisant A l'aisnée.

A BONNEVAL

S^A fleur durer ne pourra, Et mourra: Mais ceffe grace, laquelle Le fait tousjours trouver belle, Demourra.

A CHASTAGNERAYE

Carelle feroit la fleche
Reboucher.

A TORCY

D MOYSELLE de Torcy,
Ceft an cy
Tel effrene yous defire,
Qu'nn bon coup yous puiftiez dire
Grand mercy.

A DOUARTIS

CENT nobles & bons partis,
Douartis,
Voftre amour pourchafferont,
Quand de voftre amour feront
Advertis.

A CARDELAN

C'EST bon païs, que Bretaigne,
Sans montaigne:
Mais je croy qu'elle voudroit
Tenir le chemin tout droit
D'Allemaigne.

A MADAME DE BRESSUYRE

S'os veult changer vostre nom
De renom
A un meilleur, ou pareil,
Ne vueillez de mon confeil
Dire non.

A MADAMOYSELLE DE MACY

Sous vous attours bien fourniz
D'or garniz
A Venus vous reffemblez:
Sous le bonnet me femblez
Adonis.

A MADAMOISELLE DE DURAS

Belle, quand la foy juras

Tu fus tresbien estrenée: Bien doux avant ton aisnée L'enduras.

A TELLIGNY

M Seurement,
Qu'en beau corps grace raftife
C'est la pierre en l'or astife
Proprement.

A RIEUX

Damoiselle de Rieux
En maintz lieux
L'embonpoint fe perd & gaste.
Je fuis d'avis qu'on fe haste
Pour le mieux.

A DAVAUGOUR

Nature, ouvriere facrée, Qui tout crée, En vostre brun a bouté Je ne sçay quoy de beauté, Qui aggrée.

A HELLY

Dix & huit ans je vous donne
Belle, & bonne:
Mais à voître fens raffis
Trente cinq, ou trente fix
Fen ordonne.

A LA CHAPELLE

J'ESTRENE de nom de belle
La Chapelle:
Voire quelque brun qu'elle ait:
S'on dit qu'elle ait rien de laid,
J'en appelle.

A BOUZAN

Eⁿ fa douceur feminine
Tant benigne
Rigueur pourroit estre enclose:
Car tousjours avec la rose
Cross l'Espine.

A MELURILLON

S¹ quelcun pour fon estreine Vous emmeine, Je vous donne, ou à peu pres, Au bout de neuf moys apres Pance pleine

A LURSINGE

JE puisse devenir Singe.

Si Lursinge
N'a la forte (& n'en ments point)
D'estre blanche, & en bon poinct
Sous le linge.

A LUCRESSE

CEST an vous face maistresse
Sans destresse
D'amy austi gracieux,
Que fut Tarquin furieux
A Lucresse.

A BYE

Voz graces en faict & dict
Ont credit
De plaire, Dieu fçait combien:
Ceux qui s'y congnoissent bien
Le m'ont dit.

A LA BAULME

B^{IEN} doit la Baulme advoûer Et loûer L'an, lequel luy appareille Sur le vert bille pareille Pour joûer.

A SAINCT TAM

D^E refponse bien certaine
Et soudaine
Vous donne le doctrinal,
Pour respondre au Cardinal
De Lorraine

A BRUEIL L'AISNÉE

JE donne au Brueil aux doux yeux Gracieux, Par fa grace bien fçavoir Celles des hommes avoir Et des Dieux.

A BRUEIL LA JEUNE

Si vous n'estes en bon poinct Bien apoinct,

III.

Quelque jour engresserez : Et alors vous le serez, Serez point?

A D'AUBETERRE

A Ce me femble.

Petite veuë ont tous deux:

Et toutesfois chacun d'eux

Les cueurs emble.

A LA TOUR

POUR estrenes de la Tour Qui d'atour Nuptial la coisseroit, Je pense qu'on luy feroit Un bon tour.

A ORSONVILLER

S¹ Dieu qui vous compofa, N'y pofa. Beauté en tout compassée, En esprit recompensée

A MADAME DU GAUGUIER

JE vous donne en confcience
La fcience
De porter le faix & fomme
D'une vertu qui fe nomme
Patience.

A ELLE MESMES

Pour vostre estrene qui vaille Je vous baille Tant d'esbats, & passetemps, Que de celuy que j'entens Ne vous chaille.

A MADAME DE BERNAY

DITE SAINCT POL

Vostre mary a fortune
Opportune:
Si de jour ne veult marcher,
Il aura beau chevaucher
Sur la brune.



AU ROY, POUR ESTRENES

CE nouvel an, François où grace abonde, M'a fait present de pleine liberté: Il m'a ouvert pour estrene le Monde, Dont l'occident deux ans clos m'a esté: Et pourtant j'ay d'estrener protesté Le Monde ouvert, & mon Roy valeureux.

Je donne au Roy ce Monde plantureux : Je donne au Monde un tel Prince d'essite, Afin que l'un vive en paix bien heureux Et que l'autre ayt l'estrene qu'il merite.





EPITAPHES DE L'ADOLESCENCE

DU

PETIT ARGENTIER PAULMIER DORLEANS



v gist le corps d'un petit Argentier, Qui eut le cueur si bon, large & entier Qu'en son vivant n'assembla bien aucun, Fors seulement l'amitié de chacun, Laquelle gist avec luy (comme pense)

Et a laissé, pour toute recompense, A ses amis le regret de sa mort.

Donques, passant, si pitié te remord, Ou si ton cueur quelque duëil en reçoit, Souhaite lui (à tout le moins) qu'il soit Autant aymé de Dieu tout pur, & monde, Comme il estoit du miserable Monde,

DE COQUILLART

ET DE SES ARMES A TROIS COQUILLES D'OR

L' Morre est jeu pire qu'aux Quilles, Ne qu'aux Eschetz, ne qu'au Quillart. A ce meschant jeu, Coquillart Perdit sa vie & ses Coquilles.

DE FRERE JAN LEVESQUE

CORDELIER NATIF D'ORLEANS

O' gift, repose, & dort leans
Le seu Evesque d'Orleans:
J'entens l'Evesque en son surnom,
Et srere Jan en propre nom:
Qui mourut l'an cinq cens & vingt,
De la verole qui lui vint.

Or afin que Saincles & Anges Ne prennent ces boutons estranges, Prions Dieu, qu'au frère Frappart Il donne quelque Chambre à part.

DE JAN LE VEAU

Cy gist le Jeune Jan le veau, Qui en sa grandeur & puissance, Fust devenu Bœus ou Toreau, Mais la Mort le print dès enfance. Il morut Veau, par desplaisance: Qui fut dommage à plus de neuf, Car on dit (veu sa corporance) Que ce eust esté un Maistre Bœuf.

DE GUION LE ROY

QUI S'ATTENDOIT D'ESTRE PAPE AVANT QUE MOURIR

C' gist Guion, Pape jadis, & Roy:
Roy de surnom, Pape par santasie:
Non marié, de peur (comme je croy)
D'estre cocu, ou d'avoir jalousie.
Il prefera bon vin, & malvoisie,
Et chair salée à sa propre santé.
Or est-il mort, la face cramoisie:
Dieu te pardoint, povre Pater sancté.

DE JOUAN

FOL DE MA DAME

JE fuz Jouan, sans avoir semme,
Et sol jusqu'à la haulte Game:
Tous Folz, & tous Joans aussi
Venez pour moy, prier icy,
L'un après l'autre, & non ensemble:
Car le lieu seroit (ce me semble)
Un petit bien estroit pour tous:
Et puis s'on ne parloit tout doux,
Tant de gens me romproient mon somme.

Au furplus: quand quelque fage homme Viendra mon Epitaphe lire, J'ordonne (s'il fe prend à rire) Qu'il foit des Folz maistre passé, Fault-il rire d'un trespassé ?

DE FRERE ANDRÉ CORDELIER

Cy gist qui assez mal preschoit, Par ces semmes tant regretté, Frere André qui les chevauchoit, Comme un grand Asne desbaté.

DE MAISTRE PIERRE DE VILLIERS

Cy gist seu Pierre de Villiers,
Jadis sin entre deux milliers,
Et Secretaire de renom
De François premier de ce nom.
Si sagement vivre souloit,
Que jamais estre ne vouloit
(Combien qu'il fust vieil charié)
Prestre, ne mort, ne marié:
De peur qu'il ne chantast l'office,
De peur qu'il n'entrast en service,
Et de peur d'estre en evely.
Et, de faict, je tien tant de ly,
Ou au moins par tout le bruit a,
Que des trois, les deux evita:

Car jamais on ne le veit estre
Au Monde marié, ne prestre:
Mais de mort, ma foy je croy bien,
Qu'il l'est, depuis ne sçay combien.
Les deux il sceut bien eschapper,
Mais le tiers le sceut bien happer
Mil cinq cens un & vingt & quatre,
Non pas happer, mais si bien batre.
Qu'il dort encor icy dessous.
De ses pechez soit-il absous!

DE JAN SERRE

EXCELLENT JOUEUR DE FARCES

C'y desfous gist, & loge en ferre
Ce tresgentil fallot Jan Serre,
Qui tout plaisir alloit suivant:
Et grand joueur en son vivant,
Non pas joueur de Dez, ne Quilles,
Mais de belles Farces gentilles:
Auquel Jeu jamais ne perdit,
Mais y gaigna bruit & credit,
Amour, & populaire estime,
Plus que d'escuz, comme j'estime.

Il fut en fon Jeu si adextre, Qu'à le voir on le pensoit estre Yvrongne, quand il s'y prenoit, Ou Badin, s'il l'entreprenoit : Et n'eust sceu faire en sa puissance Le sage : car à sa naissance Nature ne luy feit la trongne Que d'un Badin, ou d'un Yvrongne. Toutesfois je croy fermement, Qu'il ne feit onq fi vivement Le Badin qui rit, ou fe mord, Comme il fait maintenant le mort.

Sa science n'estoit point vile, Mais bonne: car en ceste Ville Des tristes tristeur detournoit, Et l'homme aise en aise tenoit.

Or brief, quand il entroit en falle Avec une chemise fale,
Le Front, la Jouë, & la Narine
Toute couverte de farine,
Et coissé d'un beguin d'Enfant,
Et d'un hault bonnet triomphant
Garny de plumes de Chappons,
Avec tout cela, je respons,
Qu'en voyant sa grace nyaise
On n'estoit pas moins gay, ny aise,
Qu'on est aux champs Elisiens.

O vous, humains Paritiens,
De le pleurer pour recompense
Impossible est: car quand on pense
A ce qu'il souloit faire & dire,
On ne se peult tenir de rire.

Que dy je? on ne le pleure point? Si fait on: & voicy le poinét: On en rit si fort en maints lieux, Que les larmes viennent aux yeux. Ainsi en riant, on le pleure: Et en pleurant rit on à l'heure. Or pleurez, riez vostre saoul, Tout cela ne luy fert d'un foul : Vous feriez beaucoup mieux, en fomme, De prier Dieu pour le povre homme.

DE L'ABBÉ DE BEAULIEU LA MARCHE

QUI OSA TENIR CONTRE LE ROY

Qui pour Beaulieu le presomptueux moine Voudra dresser Tombeau propre, & idoine, Dessus convient au vif graver, ou paindre Les grans Geans, qui s'empeschent d'attaindre Jusques aux Cieux pour nuire à Juppiter, Qui promptement les fait precipiter.

Semblablement la fable y faudra mettre De Phaëton, foy voulant entremettre A gouverner le char du cler Phebus, Dont fa jeunesse ensin luy feit abus. Aussi faudra paindre sur ce tombel L'antique histoire au beau Luciabel. Et ses confors s'eslevans contre Dieu, Dont en Enser tresbuchent, d'un beau lieu.

Puis à l'entour de la tombe ainsi paincte Sera au long ceste escripture empraincte :

Seigneurs passans, qui voyez tell' painture, Celuy qui gist sous ceste sepulture, Voulut en faicts ressembler à ceux cy, Et comme à eux luy en est prins aussi.



DU CHEVAL DE VUYART

Grison fuz Hedard, Qui garrot & dart Paffay de victefte: En fervant Vuyart Aux champs fuz criart, L'oftant de trifteffe.

Bucephal en greise Eut un maistre en Grece Mis entre les Dieux : Mais mon maistre, qu'est-ce? Plus que luy sans cesse Il est glorieux.

J'allay curieux.
En chocs furieux
Sans craindre aftrapade:
Mal rabotez lieux
Paffay à cloz yeux
Sans faire chopade.

La viste virade, Pompante pennade Le fault foubslevant, La roide ruade, Prompte petarrade Je mis en avant.

Escumeur bavant, Au manger sçavant, Au penser tresdoux: Relevé devant, Jusqu'au bout servant J'ay esté sur tous.

Mourant bien fecous Senty par deux coups Mon maiftre venir. Et d'un foible poulx Difant, Adieu vous. Me prins à hennir. Sur ce fouvenir Voicy advenir La Mort sans hucher: Mon Oeil feit ternir. Mon ame finir. Mon corps tresbucher. Mais mon maiftre cher N'a permis fecher Mon loz, bruit & fame . Car jadis plus cher M'ayma chevaucher,

DE ORTIS

Que fille, ne femme.

LE MORE DU ROY

Sous ceste tombe gist, & qui?
Un qui chantoit Lacochiqui.
Cy gist, que dure mort piqua,
Un qui chantoit Lacochiqua:
C'est Ortis: ô quelles douleurs!
Nous le vismes de trois couleurs
Tout mort, il m'en souvient encore,
Premierement il estoit More:

Puis en habit de Cordelier
Fut enterré fous ce pilier:
Et avant qu'eust l'esprit rendu,
Tout son bien avoit despendu.
Par ainsi mourut, le follastre,
Aussi blanc comme un fac de plastre:
Aussi gris qu'un souyer cendreux,
Et noir comme un beau Diable, ou deux.

D'ALIX

C' gift, qui est une grand'perte, En culetis la plus experte, Ou'on sceut jamais trouver en France · C'est Alix, qui dés fon enfance, Quand sa nourrice l'allectoit, Dedans le berceau culetoit : Et de trois, jusques à neuf ans, Avec Garfons, petis Enfans, Alloit tousjours en quelque coin Culeter au Grenier au foin, Et à dix ans tant fut culée, Qu'en culant fut despucelée, Depuis groffe garfe devint, Et lors culetoit plus que vingt. En apres devint toute femme, Et inventa la bonne Dame Mille tordions advenans Pour culeter à tous venans : Vray est, quand plus n'eut dent en gueule, Ou'elle culeta toute seule. Mais afin que le monde veist

Son grand fçavoir, elle efcrivit
Un beau Livre de Culetage,
Pour ceux qui estoient en grand aage:
Et un autre de Culetis
Pour ceux qui estoient plus petis,
Ces Livres seit en s'esbatant,
Et puis mourut en culetant.
Encor dit-on, par grand' merveille,
Que si on veult mettre l'oreille
Contre sa tombe, & s'arrester,
On orra ses os culeter.

DE MARTIN

Cr gift, pour Alix contenter,
Martin, qui fouloit, plus que dix,
A la rengette culoter,
Par champagnes, bois, & taillis,
Prie Dieu, toy qui cecy lis,
Mettre l'Ame du trefpassé
En quelque lieu bien loing d'Alix,
Afin qu'il repose ln pace.

EPITAPHE DE MONSEIGNEUR DE LANGEY

A RESTE toy Lifant, Cy deffous est gifant Dont le cueur dolent j'ay, Ce renommé Langey, Qui fon pareil n'eut pas: Et duquel au trespas Jetterent pleurs & larmes Les lettres & les armes.

A UNE DAME DE PIEMONT

\$\times VI REFUSA SIX ESCUZ DE MAROT POUR COUCHER AVEC ELLE, ET EN VOULOIT AVOIR DIX

M ADAME, je vous remercie
M De m'avoir esté si rebourse:
Pensez vous que je m'en sourcousse.
Ne que tant soit peu m'en courrousse?
Nenny, non: Et pourquoy? & pource
Que six escuz, sauvez m'avez,
Qui sont aussi bien en ma bourse,
Que dans le trou que vous sçavez.

DE FEU MADAME DE MAINTENON

C' gist l'espouse au mary venerable
Jan Cotereau, seigneur de Maintenon:
Femme jadis prudente & honorable,
De nom Marie, & Thurin de surnom.
Qui de beauté à bon droit eut renom,
Et de vertu, à la beauté bien duite:
L'une par temps l'a laissé, l'autre non:
Car aprés Mort, jusqu'au Ciel l'a conduite.

D'ELLE MESMES

or gift, qui fut de Maintenon la Dame, Belle de corps, encor' plus belle d'ame, Pour les haults dons qu'elle eut du grand donneur. Cy gift, qui fut exemplaire d'honneur. En fes beaux ans pour toute femme exquife, Ayant beauté defirée & requife:

Si que fes ans jeunes, tant decorez, Rendirent fort fes vieux jours honorez.

Ainfi vesquit, ainfi mourut Marie,
Qui des Thurins anoblit l'armoirie.







CIMETIERE

DE JEANNE BONTÉ



r gist le corps Jane Bonté bouté. L'esprit au Ciel est par bonté monté.

DE LONGUEIL

номме росте

O Viateur, cy dessous gist Longueil.
A quoy tient il que ne menes long dueil,
Quand tu entens sa vie consommée?
N'as-tu encor entendu Renommée

Par les Climatz, qui fon renom infigne Va publiant à voix, trompe, & buccine? Si as pour vray: mais si grande est la gloire Qu'en as ouy, que tu ne le peux croire.

Va lire donc (pour en estre asseuré)
Ses beaux escrits de style mesuré:
Lors seulement ne croiras son hault pris,
Mais apprendras, tant sois tu bien apris.
Si te sera son bruit tout veritable,
Et la grandeur de ses faicts prousitable.

DE MAISTRE ANDRÉ LE VOUST

MEDECIN DU DUC D'ALENÇON

VERS ALEXANDRINS

CELUV qui prolongeoit la vie des humains
A la sienne perdue, au dommage de maints.
Helas, c'estoit le bon seu Maistre André le Voust
Jadis Alençonnois, ores pasture & goust
De terrestre vermine: & ores revestu
De Cercueil & de Tombe, & jadis de Vertu.
Or est mort Medecin du bon Duc d'Alençon:
A Nature ainsi fault tous paver la rençon.

DE CATHERINE BUDÉ

Μοκτ a ravy Catherine Budé: Cy gift le corps: helas, qui l'eut cuidé? Elle effoit jeune, en bon poinct, belle et blanche:
Tout cela chet comme fleurs de la branche:
N'y penfons plus. Voire mais du renom
Qu'elle merite, en diray-je rien? non.
Car du Mary les larmes, pour le moins,
De fa bonté font fuffifans tesmoins.

DE LA ROYNE CLAUDE

O'v gift envers Claude Royne de France,
Laquelle, avant que Mort luy feist outrance,
Dit à son ame (en jettant larmes d'œil)
Esprit lassé de vivre en peine & dueil,
Que veux-tu plus faire en ces basses Terres?
Assez y as vescu en pleurs & Guerres:
Va vivre en paix au Ciel resplendissant,
Si complairas à ce corps languissant.

Sur ce fina, par Mort qui tout termine, Le Lys tout blanc, la toute noire Hermine: Noire d'ennuy, & blanche d'innocence. Or vueille Dieu la mettre en haulte effence, Et tant de Paix au Ciel luy impartir, Que fus la terre en puisse departir.

DE MESSIRE CHARLES DE BOURBON

DEDANS le clos de ce feul Tombeau cy Gift un vainqueur, & un vaincu aufii :

Et si n'y a qu'un Corps tant seulement. Or esbahir ne s'en fault nullement : Car ce Corps mort, du temps qu'il a vescu, Vainquit pour autre, & pour soy su vaincu.

DE MONSIEUR DE PRECY

VERS ALEXANDRINS

Le Chevalier gisant dessous ce Marbre cy François d'Alegre fut, & Seigneur de Precy, Qui sous Charles huitiesme à Naples se trouva : Là ou sa force en Guerre à vingt ans esprouva : Et y demoura ches, pour son premier merite. De trois mil combattans Suisses, & gens d'essite : Avec lesquelz dessit par deux sois en campaigne Plus gros nombre de ceux de Naples & d'Espaigne.

Grand Seneschal estoit au Royaume susdit, Mais trop tost cest osfice, & son Maistre perdit: Ce nonobstant Louis, qu'apres on couronna, D'estat de Chambellan le destunct guerdonna, En luy donnant maistrise, & supreme puissance Dessus les claires eaux, & grans forestz de France: Et en tous les perilz, & grans guerres d'adonques Alla & retourna, sans reproches quelzconques.

Louis douziesme mort, François Roy couronné, leeux mesmes estatz, & mieux, luy a donné.

Premier il espousa de Chartres la Vidame, Dont n'eut aucuns Enfans: mais la seconde Dame Contesse de Joigny & luy, deux filles eurent, Qui tout le reconfort de leur vieillesse furent. Or mourut aagé d'ans foixante cinq, & dix, Regretté de chacun. Dieu luy doint Paradis.

DE MESSIRE JAN COTEREAU

CHEVALIER SEIGNEUR DE MAINTENON

SELUY qui gift cy deffous confommé, Chevalier fut Jan Cotereau nommé Qui en jeunesse eut un si grand bonheur, Qui deceda plein de biens & d'honneur. En ce bonheur Fortune favorable Le feit fervir fous estat honorable Un noble Duc, qui apres grand' fouffrance, Au chef porta la couronne de France : Ce fut Louis, de ce nom le douziefme, Que le defunct suyvit en peine extreme Par tout, au pis de ses adversitez Puis se fentit de ses prosperitez : Car estant Roy (en bonne & volontaire Recongnoissance) il le feit Secretaire, Et Treforier des finances Royales, Pour le loyer de ses vertus loyales.

Le maistre mort, le fervant fouspira : Et, pour repos, dès lors se retira Icy chez luy, où, par devote emprise, Fonda, bastit, & doua ceste Eglise.

Ses bons subjectz il voulut frequenter, Et leur apprit à semer & enter Commodement : & à rendre sertile Ce qui estoit desert & inutile : En leur faifant apporter de maint lieu Arbres divers. Puis, mourant, dit Adieu A fes Enfans, qui fur luy ont pofée Ceste Epitaphe, & la Tombe arrosée De larmes d'œil, par naturel devoir.

Devant fa mort des ans povoit avoir Soixante & douze. O longue vie & belle! Ta longueur foit devenuë eternelle.

DE LUY MESMES

Jer gist mort vivant par bon renom,
Jan Cotereau, Seigneur de Maintenom:
Je dy celuy Chevalier estimé,
Du Roy Louis douziesme tant aymé,
Qu'en ses Tresors pouvoir luy assigna,
Et aux secretz des sinances signa:
Je dy celuy de Vertu amateur,
Qui de ce Temple a esté sondateur.

Des ans vefquit pres de foixante & douze : Chez luy mourut. Puis Enfans & Efpoufe L'ont mis au Cœur de fa fondation, Où il attend refuscitation.

DE LUY ENCORES

VERS ALEXANDRINS

JE fus Jan Cotereau, qui quatre Roys fervy, Desquelz en bien servant la grace desservy, Et dont fut le dernier François premier du nom, Sous qui je trespassay Seigneur de Maintenom, Ayant ja servy France en son privé secret, Et en ses grans tresors que laissay sans regret, Pour venir cy attendre, en paix, de mort le jour, Où ce temple sonday pour mon dernier sejour.

DES ALLEMANS DE BOURGES

RECITÉ PAR LA DÉESSE MEMOIRE

Qui veult sçavoir grans accordz disferens, Les plus nouveaux qu'on veit entre parens Long temps y a, vienne en cest Oratoire Des Allemans lire la courte histoire.

Memoire fuis, qui avecques leurs corps Ne veux fousfrir enterrer leurs accords : Ains d'en escrire il me prend appetit.

Jan l'Allemant, & Marie Petit
Deux autres Jans en mariage acquirent,
Qui en commun en un logis vesquirent:
Et ces deux Jans, deux Jannes espouserent,
Qui dix ensans sur la Terre poserent.
Janne Gaillard espousa Jan l'aisné:
Une autre Janne eut l'autre Jan puisné,
Laquelle avoit le furnom de Champanges,
Ainsi en noms conformes & estranges
Furent tous cinq en amitié confits:
Et, qui plus est, le bon pere & ses silz,
Comme de noms, d'estats furent egaux,
Estans tous trois Receveurs generaux.

Le pere au faict des Normans travailla : Puis ceste charge au filz aisné bailla : Et le puisné receut charge semblable En Languedoc. O peuple venerable! Les corps humains que j'ay cy declarez, De mesme estat, & mesme honneur parez, De mesme nom, de mesme nourriture, Sont enterrez sous mesme sepulture. Faites à Dieu de bon cueur oraison, Qu'au ciel leur doint une mesme maison.

D'ALEXANDRE

PRESIDENT DE BARROIS

Souns ceste Tombe est gisant Alexandre, Non pas celuy qui son nom seit espandre Par l'Univers: non pas celuy de Troye, Qui par l'Amour mit son pais en proye. Alexandre est cestuy cy de Barrois, Qui à bon droit sait le nombre des trois.

A l'un Juno fait prefent de ses biens : Venus à l'autre a eslargy des siens ; A cestuy cy Pallas, noble Déesse, De ses tresors a sait grande largesse.

Le Grec conquit le monde à force & peine : l'ar estre beau le Troyen eut Heleine : Cil de Barrois par prudence & sçavoir, Los immortel a merité d'avoir.



DE MAISTRE JAQUES CHARMOLUË

Cy gift envers la Chair de Charmoluë De terre vint, la terre la voluë. Quant à l'esprit, qui du Ciel est venu, Seigneurs passans, croyez qu'il n'a tenu A estre bon, & de vertus orné, Que dont il vint il ne soit retourné.

DE DAMOISELLE ANNE DE MARLE

Jous qui aymez amitié nuptiale, Vous qui prifez charité cordiale, Et qui louez en un corps femenin Un cueur entier, gracieux, & benin, Arrestez vous. Cy gist la Damoiselle, Qui tout cela, & mieux avoit en elle. Anne est le nom de celle dont je parle, Fille jadis de Hierosme de Marle, Du noble lieu de Luzancy Seigneur : Et sa mere est Damoiselle d'honneur, Qui porte nom de Philippe Laurens, Laquelle avec pere, & frere, & parens Feit la defuncte estre premiere femme Du General des finances, Spifame, Gaillard de nom, & Seigneur de Biffeaux, Qui d'un tel arbre a eu neuf Arbrisseaux.

Or a vescu tresvertueusement Avecques luy dix ans tant seulement. Fascheuse Mort, par son cruel oultrage, N'a pas voulu qu'elle y sust davantage: Mais, comme ayant fur la bonté envie, Luy annonça le depart de fa vie, L'an de fon aage, à peine huiët, & vingt, Lors fans vifer au lieu dont elle vint, Et desprisant la gloire que l'on a En ce bas monde, icelle Anne ordonna Que son corps sust entre les povres mis En ceste sosse. Or prions, chers amis, Que l'ame soit entre les povres mise, Qui bien heureux sont chantez en l'Eglise.

DE MAISTRE GUILLAUME CRETIN

POETE FRANCOIS

Seigneurs passans, comment pourrez-vous croire
De ce Tombeau la grand' pompe, & la gloire?
Il n'est ne paint, ne poly, ne doré,
Et si se dit haultement honoré,
Tant seulement pour estre couverture
D'un corps humain cy mis en sepulture:
C'est de Cretin, Cretin, qui tant sçavoit.

Regardez donc si ce tombeau avoit De ce Cretin les faicts laborieux, Comme il devroit estre bien glorieux, Veu qu'il prend gloire au povre corps tout mort, Lequel par tout vermine mine, & mord.

O dur Tombeau, de ce que tu en cœuvres, Contente toy, avoir n'en peux les Oeuvres: Chose éternelle en mort jamais ne tombe: Et qui ne meurt n'a que faire de Tombe.

DE LOÜIS JAGOYNEAU

C' gift Loûis Jagoyneau furnommé: Treforier fut en charges renommé: Et de pecune onc ne thefaurifa, Ains de vertu, que plus qu'argent prifa.

Je ne fçay pas de quell' race eftoit-il:
Mais je fçay bien que fon cueur fut gentil,
Hardy, courtois, de trefnoble nature,
Et trop plus grand que du corps la ftature.
Il est certain que Chasteaudun, son estre,
Soubs liberal' planette le feit naistre.
Receveur sut de Soislons: & de faict,
France le feit, l'Italie l'a desfait.
Italiens en ont le corps icy,
Et les François le dueil & le soucy:
Avec lequel dessus uy ont posé
Ce dur Tombeau de leurs pleurs arrosé.

Or de l'avoir si tost mort estendu, Mort le trompa : car, tout bien entendu, Son vif esprit à grans biens pretendoit : Monté soit-il plus hault qu'il ne tendoit.

DE MADAME LA REGENTE

MERE DU ROY

CELLE qui travailla pour le repos de maints, Repose maintenant : pourquoy criez Humains? Gardez bien le repos qu'elle vous a donné, Sans luy rompre le sien, puis qu'il est ordonné.

DE FLORIMOND DE CHAMPEVERNE

Le Roy, la Mort aymerent Florimond
De Champeverne, en fon florissant aage:
Le Roy par temps le pousa vers le mont
D'honneur & biens, en suffisant estage:
Mais Mort voulant le traicter davantage,
En un moment le pousa jusqu'aux cieux,
Et feit tresbien: car des bons l'heritage
N'est point assis en ce val vicieux.

DE JAN DE MONTDOUCET

VERS ALEXANDRINS

PRES avoir fervy autour de la personne A _{Du} Roy Loŭis douziefme, avant que fa couronne Ornast fon noble Chef, & apres l'avoir prise, Le Jan de Montdoucet esprouvay la furprise De l'incertaine mort : car un esclat de lance, En un plaifant Tournoy dedans mon corps fe lance, Si vigoureusement, & par fortune telle, Qu'au milieu de plaisir senty douleur mortelle, Oui au lict me jecta faisi de sievre große : De mon lict au Cercueil : du Cercueil en la fosse : Non pas fans grand regret du maistre & des amis. Les amis m'ont pleuré: & le bon maistre a mis Mes enfans aux estats de moy lors retenuz Entre autres que j'avois de sa grace obtenuz, Et donna pension à la mienne espousée, C'est Jane Cotereau qui est icy posée.

Si tant d'honneur & bien ne vint de mon merite, Il vint d'amour de Roy envers moy non petite : Mais la fource du tout fut la bonté de Dieu.

Priez pour moy, Passans, priez qu'en cestuy lieu Je puisse en Jesu Christ tellement sommeiller, Qu'avec les siens me fasse au grand Jour resveiller.

DE GUILLAUME CHANTEREAU

HOMME DE GUERRE

Cr gist Guillaume, en terre, Chantereau surnommé, Entre les gens de Guerre Jadis trefrenommé.

Bien vivant estimé, Sans noise, sans ossense : S'on l'avoit animé, Rude estoit en dessense.

A plaifir & outrance Si adextre on le veit, Que le Dauphin de France Finalement fervit.

Mais la Mort le ravit En fa jeunesse meure. A maint homme qui vit, Grand regret en demeure.

Puis qu'il fault que tout meure, S'en fault-il estonner? Eternelle demeure Dieu luy vueille donner.

DE TROIS ENFANS FRERES

'un mesme dard, sous une mesme année, Et en trois jours de mesme destinée. Mal peftilent fous cefte dure pierre Meit Jan de Bray, Bonaventure, & Pierre, Freres tous trois: dont le plus vieil dix ans A peine avoit. Qu'en dites-vous Lisans? Cruelle mort, mort plus froide que marbre, N'a elle tort de faire cheoir de l'arbre Un fruict tant jeune, un fruict fans meureté, Dont la verdeur donnoit grand' feureté De bien futur? Qu'a elle encores fait? Elle a pour vray, du mesme coup desfait De pere, & mere esperance & liesse. Qui s'attendoient resjouir leur vieillesse Avec leur filz : desquels la mort soudaine Nous est tesmoing, que la vie mondaine Autant enfans, que vieillards abandonne. Il nous doibt plaire, & puis que Dieu l'ordonne.

DE FRANÇOIS

DAUPHIN DE FRANCE

Cr gist François, Dauphin de grand renom : Filz de François le premier de ce nom : Duquel il tint la prison en Espaigne.

Cy gift François, qui la Lice en Campaigne, Glaives trenchans, & Harnois bien fourbis Ayma trop plus que fomptueux habits. Formé de corps, ce qu'est possible d'estre, Le seit Nature : encores plus adextre. Et en ce corps, hault & droit composé, Le ciel transmit un esprit bien posé : Puis le reprint quand par grieve achoison Un Ferrarois luy donna la poison Au vueil d'autruy, qui en crainte regnoit, Voyant François qui Cesar devenoit.

Ce Dauphin dy, qui par Terre & par Mer, Fustes, & gens eust prins plaisir d'armer, Et la grandeur de Terre dominée, Si rompre eust peu sa dure destinée: Mais ses vertus luy causerent envie, Dont il perdit sur les vingt ans la vie Avec l'attente, helas, de la couronne, Que le cler Chef de son Pere environne.

Qu'as-tu, paffant? complaindre on ne s'en doit ll a trop mieux que ce qu'il attendoit.

DE ANNE BEAUREGARD

QUI MOURUT A FERRARE

DE Beauregard Anne fuis, qui d'enfance Laissay Parens, païs, amis, & France, Pour fuivre icy la Duchesse Renée: Laquelle j'ay depuis abandonnée, Futur espoux, beauté, sleurissant aage, Pour aller voir au Ciel mon heritage, Laissant le monde avec moindre soucy, Qu'en laissant France, alors que vins icy.

III.

DE HELEINE DE BOISY

VERS ALEXANDRINS

N^E fçay où gift Heleine, en qui beauté gifoit.

Mais icy gift Heleine où bonté reluifoit:

Et que la grand' beauté de l'autre eust bien ternie

Par les graces & dons dont elle estoit garnie.

Donques (ô toy passant) qui cest escrit liras, Va, & dy hardiment en tous lieux où iras: Heleine Grecque a fait que Troye est deplorée: Heleine de Boisy la France a decorée.

DE MONSIEUR DU TOUR

MAISTRE ROBERT GEDOYN

Scals-tu, Passant, de qui est ce tombeau?
D'un qui jadis, en cheminant tout beau,
Monta plus hault, que tous ceux qui se hastent.
C'est le tombeau, là où les Vers s'appassent
Du bon vieillard agreable & heureux,
Dont tu as veu tout le monde amoureux.

Cy gift, helas, plus je ne le puis taire, Robert Gedoyn, excellent Secretaire, Qui quatre Roys fervit fans defarroy • Maintenant est avecques le grand Roy, Où il repose apres travail & peine.

Or a vescu personne d'aage pleine, Pleine de biens & vertu honorable : Puis a laissé ce monde miserable, Sans le regret qui l'homme fouvent mord. O vie heureuse, ô bien heureuse mort!

DE JAN L'HULIER CONSEILLER

INCONTINENT que Loife le maistre
Congneut qu'aux Vers le corps on faisoit paistre
De son espoux, le prudent Jan l'Hulier,
Helas, dit-elle, Amy tressingulier,
Vostre prudence au Senat honorée,
Eust mieux porté, que moy lasse esplorée,
Le dueil de mort : Inutile je vy,
Et vous eussiez encores bien servy :
Car vous estiez vertueux & sçavant :
Las, pourquoy donc ne suis-je morte avant?

En ce regret demoura des mois douze
La bonne, belle, & vertueuse espouse:
Puis trespassa, & en mourant va dire:
C'est trop d'un An, sans voir ce qu'on desire.
Mon esprit va le sien là hault chercher:
Vueilles mon corps aupres de sien coucher.
Ce qui fut fait, & n'ha sceu mort tant poindre,
Qu'elle a desjoint ce qu'Amour voulut joindre.

DE MADAME DE CHASTEAUBRIANT

Sous ce Tombeau gift Françoife de Foix,
De qui tout bien tout chacun fouloit dire:
Et le difant, onc une feule voix
Ne s'avança d'y vouloir contredire

De grand' beauté, de grace qui attire, De bon favoir, d'intelligence prompte, De biens, d'honneur, & mieux que ne racompte, Dieu éternel richement l'estossa. O viateur, pour t'abreger le compte, Cy gist un rien, là où tout triompha.

DE MONSIEUR LE GENERAL PREUDHOMME

C' dessous prend son dernier somme
Le prudent Guillaume Preudhomme:
De Normandie General:
A qui Dieu sut tant liberal:
Qu'il luy donna user sa vie
Sans peur: sans blasme, sans envie:
Et mourut (voyez quel bonheur)
Plein d'ans, plein de bien, plein d'honneur





COMPLAINTES DE L'ADOLESCENCE

DU BARON DE MALLEVILLE

PARISIEN

A LA TERRE

Terre basse, où l'homme se conduit,
Respons (helas) à ma demande triste :
Où est le corps que tu avois produit,
Dont le depart me tourmente & contriste :
L'avois tu fait tant bon, tant beau, tant miste.

Pour de son fang taindre les dards pointus Des Turcs maudits? Las, ils n'en ont point eus De plus aymant vray honneur, qu'iceluy : Qui mieux ayma là mourir en vertus, Qu'en deshonneur fuivre plusieurs battus. Tel vit encor qui est plus mort que luy.

A LA MER

O cruauté d'impetueuses vagues,
Mer variable, où toute crainte abonde,
Cause mouvant, dont trop cruelles dagues
L'ont fait perir de mort tant furibonde,
Si haut desir de congnoistre le Monde
T'avoir transmis si gentil personnage,
Las falloit-il qu'en la fleur de son aage
Par devers toy si rudement le prinses,
Sans plus revoir la Court des nobles Princes,
Où tant il est à present regretté?
O Mer amere aux mordantes espinces!
Certainement ce qu'arrestes & pinces,
Au gré de tous est trop bien arresté.

A NATURE

Helas, Nature, où est la bonne grace, Dont tu le seis luire par ses essets? Formé l'avois beau de corps & de face, Doux en parler, & constant en ses faits: D'honnesteté étoit l'un des parsaits, Car en suyant les piquans espinettes D'oysiveté, Flustes, & Espinettes Bruire faisoit en tresdouce accordance: Du Luc sonnoit mottets & chansonnettes: Dancer sçavoit, avec, & sans sonnettes. Las, or est-il à sa derniere dance.

A LA MORT

Las, or est-il à sa derniere dance, Où toy, la Mort, luy as fait sans soulas Faire saux pas, & mortelle cadence, Sous dur rebec, sonnant le grand Helas.

Quant est du corps, vray est que meurdry l'as, Mais de son bruit, ou jamais n'eut frivole, Maugre ton dard, par tout le monde il volle, Tousjours croislant, comme Lys qui fleuronne.

Touchant fon Ame, immortelle couronne Luy ha donné celuy pour qui mourut : Mais quelque bien encor que Dieu luy donne, Je fuis contraint par Amour, qui l'ordonne, Le regretter, & maudire Baruth.

A FORTUNE

Fortune, helas, muable & defreiglée, Qui du palud de Malheur viens & fors, Bien as monstré, que tu es aveuglée, D'avoir jetté fur luy tes rudes forts, Car si tes yeux d'inimitié consorts, Eusses ouvers, pour bien appercevoir Les grans vertus qu'on luy a veu avoir, Pitié t'eust meuë à le retenir seur : Mais tu ne veux de toy mesmes rien voir, Pour aux humains faire mieux à sçavoir Que plus te plaist cruauté que douceur.

MAROT CONCLUD

La Terre dit, qu'à bon droit peut reprendre Ce qu'elle fait, quoy qu'on ayt deservy. La Mer refpond, que fain le fœut bien rendre En Terre ferme, où foudain fut ravy.

Nature dit, que Mort ha l'audivy
Par deffus elle, & qu'en rien ne peult: mais
La mort refpond, que les plus grans jamais
N'espargnera. Et fortune l'infame
Dit qu'elle est née à faire tort & blasme.
Laissons la donc en sa coutume vile:
Et supplions le fils de nostre Dame,
Qu'ensin és Cieux il nous sasse voir l'ame
Du seu Baron, dict Jan de Malleville.

D'UNE NIEPCE

SUR LA MORT DE SA TANTE

Quand fouvenir ma penfée refveille
D'un dueil caché, au plus profond fecret
Du mien esprit, qui pour se plaindre veille:
Seigneurs lisans, n'en soyez en merveille,
Ains' vos doleurs à la mienne unissez.
Ou pour le moins ne vous esbahissez
Si ma douleur est plus qu'autre prosonde:
Mais tous ensemble estonnez vous assez
Comment je n'ay en mon cueur amassez
Tous les regrets qui furent onc au Monde.

Tous les regrets qui furent onc au Monde Venez faisir la dolente Niepce, Qui ha perdu par siere Mort immonde Tante, & attente, & entente, & liesse: Perdu (helas) gist fon corps. Et qui est-ce : Jane Bonté, des meilleures de France : De qui la vie eslongnoit de soussrance Mon triste cueur, & le logeoit aussi Au parc de Joye & au clos d'Esperance : Mais, las, sa Mort bastit ma demeurance Au bois de Dueil, à l'ombre de Soucy.

Au bois de dueil, à l'ombre de Soucy N'esstoye au temps de fa vie prospere: Mon soulas gist sous ceste terre icy, Et de le voir plus au Monde n'espere. O Mort mordante, ô impropre impropere, Pourquoy (helas) ton dard ne flechissoit, Quand son vouloir au mien ell' unissoit Par vraye amour, naturelle, & entiere! Mon cueur ailleurs ne pense, ne pensoit, Ne pensera. Donques (quoy qu'il en soit) Si je me plains, ce n'est pas sans matiere.

Si je me plains, ce n'est pas sans matiere, Veu que trop sut horrible cest Orage, De convertir en terrestre sumiere.

Ce corps qui seul ha navré maint courage. Helas, c'estoit celle tant bonne & sage, A qui jadis le Prince des hauts Cieux Voulut livrer le don tant precieux D'honnesteté, en cueur constant & fort: Mais dard mortel de ce sut envieux: Dont plus ne veint plaisir devant mes yeux, Tant ay d'ennuy, & tant de desconsort.

Tant ay d'ennuy, & tant de desconfort, Que plus n'en puis : donc en bois, ou montagne, Nymphes laissez l'eau qui de terre sort, Maintenant saut qu'en larmes on se bagne. Pourquoy cela? pour de voître Compagne

Pleurer la mort: Mort l'est venu saissir:
Pleure Rouen, pleure ce desplaisir,
En douleur soit tant plaisante demeure:
Et qui aura de soy triste desir,
Vienne avec moy, qui n'ay autre plaisir,
Fors seulement l'attente que je meure.
Fors seulement l'attente que je meure,
Rien ne me peult alleger ma douleur:
Car sous cinq poinces incessamment demeure,
Qui m'ont contrainte aymer noire couleur.
Dueil tout premier me plonge en son malheur:

Ennuy fur moy employe fon effort:
Soucy me tient fans efpoir de confort:
Regret apres m'offre liesse pleine:
Peine me fuit, & tousjours me remord.
Parainsi, j'ay pour une seule mort,
Dueil, & Ennuy, Soucy, Regret, & Peine.

DEPLORATION DE MESSIRE FLORIMOND ROBERTET

Jadis ma plume on veid fon vol estendre
Au gré d'Amour, & d'un bas style & tendre
Distiller dits, que soulois mettre en chant,
Mais un regret de tous costez trenchant
Luy fait laisser ceste douce coutume,
Pour la tremper en encre d'amertume.
Ainsi le faut, & quand ne le faudroit,
Mon cueur, helas, encore le voudroit:

Et quand mon cueur ne le voudroit encores, Outre fon vueil contraint y feroit ores Par l'aiguillon d'une Mort qui le poinct : Que dy je Mort? d'une Mort n'est ce point. Ains d'une Amour : car quand chacun mourroit, Sans vraye Amour plaindre on ne le pourroit : Mais quand la Mort ha fait son malesice, Amour adonc use de son office.

Faifant porter aux vrays Amis le dueil: Non point un dueil de feintes larmes d'œil, Non point un dueil de drap noir annuel, Mais d'un dueil taint d'ennuy perpetuel: Non point un dueil qui dehors apparoit, Mais qui au cueur, fans apparence croift.

Voila le dueil qui ha vaincu ma joye :
C'est ce qui fait, que toute rien que j'oye
Me sonne ennuy : c'est ce qui me procure.
Que couleur blanche à l'œil me soit obscure :
Et que jour cler me semble noire nuict :
De tell' façon que ce qui tant me nuit,
Corrompt du tout le nais de ma Muse,
Lequel de soy ne veult que je m'amuse
A composer en triste Tragedie :
Mais maintenant, sorce m'est que je die
Chanson mortelle en style plein d'esmoy,
Veu qu'autre cas ne peult sortir de moy.

De mon cueur donc l'intention totale Vous comptera une chofe fatale : Que je trouvay d'avanture mal feine En m'en venant de Loyre droit à Seine Desfus Torfou. Tourfou jadis estoit Un petit bois, ou la Mort commettoit Meurtres bien grans, sur ceux qui chemin tel Vouloient passer. En celuy lieu mortel
Je vey la Mort hydeuse & redoutée,
Dessus un Char en triomphe montée,
Dessus ses piedz ayant un corps humain
Mort à l'envers, & un dard en la main
De bois mortel: de plumes empenné
D'un vieil Corbeau, de qui le chant damné
Predit tout mal: & fut trempé le fer
En eau de Stix, sleuve triste d'Enfer.
La Mort, en lieu de Sceptre venerable,
Tenoit en main ce Dard espoventable,
Qui en maint lieu estoit taint & taché
Du sang de cil qu'elle avoit furmarché,

Ainsi debout sur le Char se tenoit, Qu'un Cheval patle en hennissant trainoit : Devant lequel cheminoit une Fee Fresche, en bon poinct, et noblement coifiée Sur teste raze ayant triple couronne, Oue mainte Perle & Rubis environne : Sa robe estoit d'un blanc & fin Samis, Où elle avoit en pourtraiture mis Par traict de temps, un million de chofes, Comme Chasteaux, Palais, & Villes closes, Villages, Tours, & Temples, & Couvents, Terres, & Mers, & Voiles à tous vents, Artillerie, Armes, Hommes armez, Chiens, & Oyfeaux, Plaines, & Bois ramez, Le tout brodé de fine sove exquise, Par mains d'autruy torse, tante, & aquise · Et, pour devise, au bord de la besongne, Estoit escrit: Le seu à qui en grongne. Ce neantmoins fa robe elle muffoit Sous un manteau, qui humble paroiffoit,

Ou plusieurs draps divers furent compris. De Noir, de Blanc, d'Enfumé, & de Gris, Signifiant de sectes un grand nombre, Qui fans travail vivent desfous son ombre.

Ceste grand' Dame est nommée Romaine, Qui ce corps mort, jusques au Tombeau meine, La Croix devant, en grand' Cerimonie, Chantant mottetz de piteuse harmonie.

Une autre Dame au costé droit venoit,
A qui trop peu de chanter souvenoit:
D'un Haubin noir, de pareure Tannée,
Montée estoit, la plus triste & tennée,
Qui sust alors sous la hauteur Celique:
Helas, c'estoit Françoise Republique,
Laquelle avoit en maints lieux entamé
Son mauteau bleu, de sleurs de lys semé:
Si derompoit encor de toutes pars
Ses beaux cheveux sur elle tous espars:
Et pour son train ne menoit avec elle,
Sinon Douleur, Ennuy, & leur sequelle,
Qui la servoient de tout cela qui duit,
Quand au sepulchre un Amy on conduit.

De l'autre part cheminoit en grand' peine Le bon Hommeau Labeur, qui en la plaine Avoit laissé bœuf, charruë, & culture, Pour ce corps mort conduire en fepulture: Mais bien lava son visage hasté, De force pleurs, ains que la sust allé.

Lors je voyant telle pompe mondaine, Prefuppofay en penfée foudaine, Que là gífoit quelque Prince de nom: Mais toft apres fus adverty que non, Et que c'estoit un Serviteur Royal, Qui fut jadis si prudent & loyal, Qu'apres sa mort son vray Seigneur & Roy, Luy ordonna ce beau funebre arroy: Monstrant au doigt, combien d'amour desservent De leurs Seigneurs, les Servans qui bien servent.

Et comment seu je alors, qui estoit l'homme? Autour de luy ne voy qui le me nomme, Et m'en enquiers: mais le cueur qui leur send, Toute parolle à leur bouche dessend. Si vous diray comment donques j'ay seu Le nom de luy. Ce Char que j'apperceu N'estoit paré de Rouge, Jaune, ou Vert, Mais tout de Noir par tristesse couvert: Et le suyvoient cent hommes, en douleur, Vestus d'habits de semblable couleur: Chacun au poing Torche, qui seu rendoit, Et ou l'Escu du noble mort pendoit.

Lors curieux piquay pour voir les Armes:
Mais telle veue aux yeux me mit les larmes,
Y voyant paint l'Esse fans per à elle.
Dieu immortel (dy je lors) voicy l'Esse,
Qui ha vollé ainsi que voller faut,
Entre deux Airs, ne trop bas, ne trop haut:
Voicy, pour vray, l'Esse dont la vollée
Par sa vertu ha la France extollée,
Circonvolant ce Monde spacieux,
Et survolant maintenant les neus Cieux,
C'est l'Esse noire, en la bende dorée,
L'Esse en vollant jamais non essorée,
Et dont sortie est la mieux escrivant
Plume, qui sust de nostre aage vivant.

C'est celle Plume, ou modernes esprits, Sous ses patrons, leur savoir ont apris:

Ce fut la Plume en fage main baillée, Qui ne fut onc (comme je croy) taillée, Que pour fervir, en leurs fecrets, les Roys : Austi de reng elle en ha servy trois, En Guerre, en Paix, en affaires urgens, Au gré des Roys, & prouffit de leurs gens. O vous humains, qui escoutez ma plainte, Qui est celuy qui eut ceste Esle painte En fon efcu? Vous en faut il doubter? Sentez yous point, quand venez à gouster Ce que je dy en mon triste motet, Oue c'est le bon Florimond Robertet? En est il d'autre en la vie mortelle, Pour qui je disse une louange telle : Non : car vivant de fon art n'en approche : Or est il mort Serviteur sans reproche.

Ainsi (pour vray) que mon cueur & ma langue Disoient d'accord si piteuse harangue, La fiere Mort sur le Char sejournée Sa face passe ha devers moy tournée Et à bien peu qu'elle ne m'ha rué Le mesme Dard, dont elle avoit tué Celuy qui sut la toute ronde Sphere, Par ou guettois ma fortune prospere : Mais tout acoup tourna sa veuë oblique, Contre & devers Françoyse Republique Qui l'irritoit, maudisoit, & blasmoit, D'avoir occis celuy qui tant l'aymoit.

Adonc la Mort, fans s'effrayer, l'efcoute. Et Republique hors de l'eftomac boute Les propres mots contenus cy apres, Avec fanglots s'entrefuyvans de pres.

LA REPUBLIQUE FRANÇOISE

Puis qu'on fait bien, ô perverse Chimere, Que toute rage en toy se peult choisir, Jusqu'à tuer avec angoisse amere L'ensant petit au ventre de sa Mere, Sans luy donner de naistre le loisir: Puis qu'ainsi est, pourquoy prens tu plaisir A monstrer plus ta force tant congneue, Dont ne te peult louange estre advenue?

Qui de son corps la force met en preuve.
Devant ses yeux los ou gaing luy appert:
Mais en l'effet, ou la tienne s'espreuve,
Blasme pour los, perte pour gaing se treuve:
Chacun t'en blasme, & tout le monde y perd:
Perdu nous as l'homme en conseil expert.
Et l'as jetté mort dedans le giron
De France [helas qui pleure à l'environ.

François franc Roy de France & des François, Tu le fus voir quand l'Ame il vouloit rendre: De luy donner reconfort t'avançois, Et en ton cueur contre la Mort tançois, Qui ton bon Serf au befoing venoit prendre. O quelle Amour impossible à comprendre! Santé cent ans puisse avoir un tel maistre, Et du servant au Ciel puisse l'Ame estre.

France, & la fleur de ses Princes ensemble, Le corps au temple en grand dueil ont mené. Lors France triste à Hecuba ressemble, Quand ses ensans à l'entour d'elle assemble, Pour lamenter Hector son fils aisné: Quicenques su Hector aux armes né, Robertet fut nottre Hector en fageise, Pallas aussi luv en feit grand largeise.

Au fons du cueur les larmes vont puifant Povres de Court pour pleurer leur ruine : Et toy, Labeur, tu ne vois plus luifant Ce cler soleil, qui elfoit tant duifant A efclaircir de ce temps la bruine : Processions ne chanter en rue Hymne N'ont seu mouvoir sière Mort à mercy, Qui me contraint de dire encor ainsi :

Vieille effacée, infecte, image immonde, Crainte de gens, penfement foucieux Quel bon avis, quelle fagesse abonde En ton cerveau, d'apovrir ce bas Monde, Pour enrichir de nos biens les hauts Cieux? Que maudit foit ton Dard malicieux, En un seul coup s'est monstré trop habille D'en tuer un, & en navrer cent mille.

Tu as froitié la Main tant imitable, Qui au prouffit de moy, laife, efcrivoit : Tu as coufu la Bouche véritable : Tu as perfé le Cueur tant charitable, Et aifommé le Chef qui tant favoit : Mais maugré toy, ça bas de luy fe voit Un cler renom, que ce tour te fera, Que par fus toy, fans fin triomphera.

Tu as deffait à lourde & maladextre
Ta non nuissance, & nostre allegement :
Endormy as de ta pesante Dextre
Cil qui ne peult resveillé au monde estre,
Jusques au jour du final Jugement.
Las, & tandis nous souffrons largement,
N'ayans recours qu'au Ciel, & à nos larmes,

Pour nous venger de tes foudains alarmes.

De vos deux yeux, vous fa chere Espousée, Faites Fontaine, ou puiser on puisse Eau: Filles de luy, vostre face arrousée De larmes soit, non comme de rousée, Mais chacun œil soit un petit Ruisseau: Chacun des miens en jette plus d'un Seau: De tout cela faisons une Rivière, Pour y noyer la Mort qui est si fiere.

Hà la meschante! escoutez sa malice. Premier occit en martial destroit Quatre meilleurs Chevaliers de ma lice, Lescut, Bayart, la Tremoille, & Palice: Puis est entrée en mon Conseil estroit, Et de la trouppe alla frapper tout droit Le plus aymé, & le plus diligent: Souvent de telz est un peuple indigent.

Si fon nom propre à dire on me femond, Je respondray, qu'à fon los fe compasse. Son los fleurit, fon nom c'est Florimond, Un Mont flory, un plus que flory mont, Qui de hauteur Parnasus outrepasse: Car Parnasus (sans plus) les Nues passe: Mais cestuy vainc la hauteur Cristaline: Et de luy fort fontaine Cabaline.

De Robertet par tout le mot s'espart En Tartarie, Espagne, & la Morée: Deux fils du nom nous restent de sa part, Et un Neveu, qui d'Esprit, forme, & art Semble Phebus à la barbe dorée: De luy se sert dame France honnorée En ses secrets car le nom y consonne: Si fait son sens, sa plume, & sa personne. Vous ses deux fils, ne sont vos yeux lassez? Cessez vos pleurs, cessez François, & Claude: Et en Latin, dont vous savez assez, Ou en beau Grec quelque œuvre compassez, Qui apres mort vostre Pere collaude. Puis increpez ceste Mort qui nous fraude, En luy prouvant par dits Philosophaux, Comme inutile est son Dard & sa Faux.

L'AUTHEUR

Incontinent que la Mort entendit, Que lon vouloit inutile la dire, Son bras tout fec en arriere estendit, Et sierement son Dard mortel brandit, Pour Republique en fraper par grand' ire: Mais tout acoup de fureur se retire, Et d'une voix, qui sembloit bien loingtaine Dit telle chose utile & trescertaine.

LA MORT A TOUS HUMAINS

Peuple feduit, endormy en tenebres
Tant de longs jours par la doctrine d'homme,
Pourquoy me fais tant de pompes funebres,
Puis que ta bouche inutile me nomme?
Tu me maudis, quand tes Amis affomme:
Mais quand ce vient qu'aux obseques on chante,
Le prestre adonc qui d'Argent en ha somme,
Ne me dit pas maudite ne meschante.

Et par ainsi de ma pompe ordinaire Amende plus le vivant que le mort : Cargrand Tombeau, grand Dueil, grand Luminaire Ne peult laver l'Ame que péché mord : Le Sang de Christ, quand la loy te remord, Par Foy te lave ains que le corps desvie : Et toutesfois sans moy qui suis la Mort, Aller ne peux en l'eternelle vie.

Pourtant si suis desfaite & descirée.

Ministre suis des grans tresors du Ciel:

Dont je devrois estre plus desirée

Que ceste vie, amere plus que fiel.

Plus elle est douce, & moins en fort du miel.

Plus tu y vis, plus te charges de crimes:

Mais par désaut d'esprit Celestiel,

En t'aymant trop, tu me hays & deprimes.

Que di je aymer? celuy ne s'ayme en rien, Lequel voudroit tousjours vivre en ce monde, Pour se frustrer du tant souverain bien Que luy promet Verité pure & munde : Possedait il Mer & Terre seconde, Beauté, Savoir, Santé sans empirer. Il ne croit pas, qu'il soit vie seconde : Ou, s'il la croit, il me doibt desirer.

L'apostre Paul, Saint Martin charitable, Et Augustin de Dieu tant escrivant, Maint autre Saint plein d'esprit veritable, N'ont desiré que moy en leur vivant, Or est ta chair contre moy estrivant, Mais pour l'Amour de mon Pere celeste, T'enseigneray comme iras ensuivant Ceux à qui onc mon Dard ne sut moleste.

Prie à Dieu feul, que par grace te donne La vive Foy, dont Saint Paul tant escrit: Ta vie apres du tout luy abandonne, Qui en peché journellement aigrist. Mourir, pour estre aveques Jesuchrist, Lors aymeras, plus que vie mortelle:
Ce beau fouhait fera le tien efprit:
La chair ne peult desirer chose telle.

L'ame est le seu, le corps est le tison: L'Ame est d'enhaut, & le corps inutile. N'est autre cas qu'une basse prison, En qui languit l'Ame noble & gentile: De tell' prison j'ay la clef tressutile, C'est le mien Dard à l'Ame gracieux: Car il la tire hors de sa prison vile Pour d'icy bas la renvoyer aux Cieux.

Tien toy donc fort du feul Dieu triomphant, Croyant qu'il est ton vray & propre Pere: Si ton Pere est, tu es donc fon Enfant, Et Heritier de fon Regne prospere: S'il t'ha tiré d'Eternel impropere, Durant le temps que ne le congnoissois, Que fera-il, s'en luy ton cueur espere: Douter ne faut que mieux traité ne fois.

Et pour autant que l'homme ne peult faire, Qu'il puisse vivre icy bas sans peché, Jamais ne peult envers Dieu satisfaire, Et plus luy doibt le plus tard depesché: Donc comme Christ en la croix attaché Mourut pour toy, mourir pour luy desire: Qui pour luy meurt, est du tout relaché D'ennuy, de peine, & pesché, qui est pire.

Qui fait le coup? c'est moy, tu le sais bien : Ainsi je suis au Chrestien qui desvie, Fin de pesché, commencement de bien : Fin de langueur, commencement de vie. Donc homme vieil, pourquoy prens tu envie De retourner en ta jeunesse pleine? Veux tu rentrer en misere asservie, Dont eschappé tu es à si grand peine?

Si tu me dis, qu'en te venant faisir, Je ne te fay sinon tort & nuissance, Et que tu n'as peine ne desplaisir, Mais tout plaisir, liesse, & toute aisance: Je dy, qu'il n'est desplaisir que plaisance, Veu que sa fin n'est rien que damnement: Et dy qu'il n'est plaisir que desplaisance, Veu que sa fin redonde à sauvement.

Quell' desplaisance entens tu que je die : Craindre mon dard? cela n'enten-je point J'enten pour Dieu souffrir dueil, maladie, Perte, & meschef, tant vienne mal apoint . Et mettre jus de gré (car c'est le poinct) Defirs mondaine & liesses charnelles, Ainsi mourant sous ma darde qui poinct, Tu en auras qui feront eternelles. Donques pour moy contrifté ne feras, Ains par fiance, & d'un joyeux courage, Pour à Dieu seul obeir, laisseras Trefors, Amis, maifon, & labourage, Cler temps de loing, est signe que l'orage Fera de l'air tost separation : Auffi tell' Foy, au mourant perfonnage, Est signe grand de sa salvation.

Jesus afin que de moy n'eusses crainte, Premier que toy voulut mort encourir. Et en mourant ma sorce ha si estainte, Que quand je tue, on ne sauroit mourir: Vaincuë m'ha pour les siens secourir: Et plus ne suis qu'une porte ou entrée, Qu'on doibt passer voulontiers, pour courir De ce vil Monde en celeste contrée.

Jadis celuy, que Moyse l'on nomme, Un grand Serpent tout d'Erain eslevoit : Qui (pour le voir) povoit guerir un homme, Quand un Serpent naturel mords l'avoit : Ainsi celuy, qui par vive Foy voit La mort de Christ, guerit de ma blessure : Et vit ailleurs plus qu'icy ne vivoit : Que dy je plus? mais sans sin, je t'asseure.

Parquoy bien folle est la coutume humaine Quand aucun meurt, porter & faire dueil: Si tu crois bien, que Dieu vers luy le meine, A quelle sin en jettes larmes d'œil? Le veux tu vis tirer hors du cercueil, Pour à son bien mettre empesche & desense? Qui pour ce pleure, est marry, dont le vueil De Dieu est fait. Jugez si c'est ofsense.

Laisse gemir & braire les Payens,
Qui n'ont espoir d'eternelle demeure :
Faute de Foy te donne les moyens
D'ainsi pleurer, quand faut que quelqu'un meure :
Et quant au port du drap plus noir que meure,
Hypocrisse en ha taillé l'habit,
Dessous lequel tel pour sa mere pleure :
Qui bien voudroit de son pere l'Obit.

Messes sans nombre, & force aniversaires,
C'est belle chose, & la façon j'en prise:
Si font les chants, cloches & luminaires:
Mais le mal est en l'avare Prestrise:
Car si tu n'as vaillant que ta chemise,
Tien toy certain, qu'apres le tien trespas,
Il n'y aura ne Couvent ne Eglise,
Qui pour toy sonne, ou chante, ou face un pas.

N'ordonne à toy telles folennitez,
Ne fous quel marbre il faudra qu'on t'enterre :
Car ce ne font vers Dieu que vanitez :
Salut ne gift en Tombeau, ni en Terre.
Le bon Chreftien au Ciel ira grand' erre,
Fust le sien corps en la rue enterré :
Et le mauvais en Enfer tiendra ferre,
Fust le sien corps fous l'autel enserré.

Mais pour tomber à mon premier propos, Ne me crains plus, je te pry, ne maudis : Car qui voudra en Eternel repos Avoir de Dieu les promesses, & dits, Qui voudra voir les Anges benedits, Qui voudra voir de son vray Dieu la face : Brief, qui voudra vivre au beau Paradis. Il faut premier que mourir je le face.

Confesse donc que je suis bienheureuse, Puis que sans moy tu ne peux estre heureux Et que ta vie est aigre & rigoureuse, Et que mon dard n'est aigre ou rigoureux: Car, tout au pis, quand l'esprit vigoureux Seroit mortel, comme le corps immonde, Encores t'est ce dard bien amoureux, De te tirer des peines de ce monde.

L'AUTHEUR

Quand Mort preschoit ces choses, ou pareilles, Ceux qui avoient les plus grandes Oreilles, N'en desiroient entendre mot quelconques: Parquoy se teut, & seit marcher adonques Son Chariot en grand triomphe & gloire, Et le desunct mener à Blois sur Loire: Ou les Manans, pour le corps reposer, Preparoient Tombe, & pleurs pour l'arroser

Or est aux champs ce mortel Chariot, Et ny ha Blé, Sauge, ne Poulliot, Fleurs, ne Boutons hors de la Terre issus, Qu'il n'amortisse en passant par dessus. Taupes, & Vers, qui dedans Terre hantent, Tremblent de peur, & bien passer le fentent: Mesmes la Terre en seurté ne se tient, Et à regret ce Chariot soussient.

Là dessus est la Mort maigre & vilaine, Qui de sa froide & pestifere aleine L'air d'entour elle ha mis en tel mesches, Que les Oyseaux volans par sus son ches Tombent d'enhaut, & mors en Terre gisent : Excepté ceux qui les malheurs predisent.

Bœufs & Jumens courent par le païs,
De voir la Mort grandement esbahis.
Le Loup cruel craint plus fa face feule,
Que la Brebis du Loup ne craint la gueule.
Tous animaux de quelconques manieres
A fa venuë entrent en leurs Tefnieres.
Quand elle approche ou Fleuves, ou Estangs
Poulles, Canards, & Cignes là estans,
Au fons de l'eau se plongent & se cachent,
Tant que la Mort loing de leurs rives fachent.

Et s'elle approche une Ville, ou Bourgade, Le plus hardy se muce, ou chet malade, Ou meurt de peur : Nobles, Prestres, Marchans Laissent la Ville, & gaignent l'air des champs : Chacun fait voye à la Chimere vile. Et quand on voit, qu'elle ha passé la Ville, Chacun revient. Lors on enspand, és ruë Eau de fenteur, & vinaigre en la Ruë. Puis és Cantons feu de Genevre allument, Et leurs Maifons efventent & perfument : A leur pouvoir, de leur Ville chassant L'air que la Mort y ha mis en passant.

Tant fait la Mort, qu'aupres de Blois arrive, Et costoyoit ja de Loire la rive, Quand les Poissons grans, moyens, & petits Le haut de l'eau laisserent tous craintifs, Et vont trouver au plus profond & bas Loire leur Dieu, qui prenoit ses esbats Dedans son creux, avec ses Sœurs & Filles Dames des eaux les Nayades gentilles, Mais bien acoup ses esbats se perdirent, Car les Poissons en leur langue luy dirent Comment la Mort, qu'ilz avoient rencontrée, Avoit occis quelcun de sa Contrée.

Le fleuve Loire adonc en fes efprits, Bien devina que la Mort avoit pris Son bon voisin, dont si fort lamenta, Que de fes pleurs fes ondes augmenta: Et n'eust esté qu'il estoit immortel, Trespasté sust d'ouïr un remors tel.

Ce temps pendant la Mort fait ses exploits De faire entrée en la Ville de Blois : Dedans laquelle il n'y ha Citoyen, Qui pour suir cherche lieu, ne moyen : Car du desunct ont plus d'Amour emprainte Dedans leurs cueurs, que de la Mort n'ont crainte.

De leurs maisons partirent Seculiers, Hors des Couvents fortirent Reguliers. Justiciers laisserent leurs pratiques, Gens de Labeur serrerent leurs Boutiques, Dames auffi, tant fussent bien polies, Pour ce jour-là ne se feirent jolies: Toutes & tous, des grans jusqu'aux menus, Loing au devant de ce corps sont venus: Sinon aucuns, qui les Cloches sonnoient, Et qui la Fosse, & la Tombe ordonnoient.

Ses Cloches donc chacune Efglife esbrantle Sans carrillon, mais toutes à grand brantle, Si hautement que le Ciel entendit La belle Echo, qui pareil fon rendit.

Ainsi receu ont honorablement
Leur Amy mort, & lamentablement
L'ont amené avec Croix, & Banieres,
Cierges, Flambeaux, de diverses manieres
Dedans l'Eglise au bon saint Honoré,
Là ou Dieu sut pour son Ame imploré,
Par Augustins, par Jacobins, & Carmes,
Et Cordeliers. Puis avec pleurs & larmes
Enterré l'ont ses Parens & Amis:
Et aussi tost qu'en la fosse sut mis,
Et que sur luy Terre & Tombe lon voit,
La fiere Mort, qui amené l'avoit,
Subtilement de là s'esvanoust,
Et onques puis on ne la voit, n'oust.

Tel fut conduit dedans Blois la Conté L'ordre funebre, ainsi qu'on m'ha compté. Si l'ay comprins succinct en cest ouvrage, Fait en saveur de maint noble courage. S'il y ha mal, il vient tout de ma part : S'il y ha bien, il vient d'ou le bien part.



DE MADAME LOISE DE SAVOYE

MERE DU ROY

En forme d'Eglogue

THENOT, COLIN

Ex ce beau Val font plaisirs excellens,
Un cler ruisseau bruyant pres de l'ombrage,
L'herbe à fouhait, les Vents non violens:
Puis toy Colin, qui de chanter fais rage.
A Pan ne veux rabaisser fon hommage:
Mais quand aux champs tu l'accompagnerois,
Plustost proussit en auroit que dommage:
Il t'apprendroit, & tu l'enseignerois.
Quant à Chansons, tu y besongnerois.
De si grand art, s'on venoit à contendre:
Que quand sur Pan rien tu ne gaignerois,
Pan dessus toy rien ne pourroit pretendre.
S'il gaigne en pris un beau Formage tendre,
Tu gaigneras un pot de Laict caillé:
Ou si le Laict il ayme plus cher prendre,
A toy sera le Formage baillé.

C 0 1.1 X

Berger Thenot, je fuis esmerveillé
De tes Chansons: & plus fort je m'y baigne,
Qu'à escouter le Linot esveillé,
Ou l'eau qui bruit tombant d'une montagne,
Si au matin Calliope te gaigne,
Contre elle au soir obtiendras le butin:

Ou s'il advient que tant noble compagne
Te gaigne au foir, tu vaincras au matin.
Or je te pry, tandis que mon mastin
Fera bon guet, & que je feray passtre
Nos deux troupeaux, chante un peu de Catin,
En deschissrant son bes habit chempestre.

THENOT

Le Rossignol de chanter est le maistre,

Taire convient devant luv les Pivers : Auffi estant, là où tu pourras estre, Taire feray mes Chalumeaux divers. Mais si tu veux chanter dix fois dix Vers, En deplorant la Bergere Loife, Des Coings aura, fix jaunes, & fix verts, Les mieux fentans qu'on veid depuis Moise. Et si tes Vers sont d'aussi bonne mise, Que les derniers que tu feis d'Yfabeau, Tu n'auras pas la chofe qu'av promife, Ains beaucoup plus, & meilleur, & plus beau. De moy auras un double Chalumeau Faict de la main de Raffy Lvonnois : Lequel à peine ay eu pour un Chevreau, Du bon Pafteur Michau, que tu congnois. Jamais encor' n'en fonnay qu'une fois, Et si le garde aussi cher que la Vie : Si l'auras tu de bon cueur toutesfois, Faifant cela à quoy je te convie.

COLIN

Tu me requiers de ce dont j'ay envie: Sus donc mes Vers, chantez chants douloureux Puis que la Mort ha Loise ravie, Qui tant tenoit nos Courtils vigoureux.

Or fommes nous maintenant malheureux,
Plus estonnez de sa mortelle absence,
Que les aigneaux, à l'heure qu'entour eux
Ne trouvent pas la Mere qui les pense.

Pleurons Bergers, Nature nous dispense, Pleurons la Mere au grand Berger d'icy: Pleurons la Mere à Margot d'excellence: Pleurons la Mere à nous autres aussi.

O grand Pasteur, que tu as de soucy!

Ne say lequel, de toy, ou de ta Mere

Me rend le plus de tristesse noircy:

Chantez mes Vers, chantez douleur amere.

Lors que Losse en sa loge prospere, Son beau mesnage en bon sens conduisoit : Chacun Pasteur, tant sust-il riche Pere, Lieu là dedans pour sa Fille essisoit.

Aucunefois Loise s'avisoit

Les faire seoir toutes sous un grand Orme, Et elle estant au milieu, leur disoit, Filles, il faut que d'un poinct vous informe.

Ce n'est pas tout, qu'avoir plaisante forme, Bordes, troupeaux, riche Pere, & puissant : Il faut prevoir, que vice ne dissorme Par long repos vostre aage fleurissant.

Oyfiveté n'allez point nourrissant, Car elle est pire, entre jeunes Bergeres, Qu'entre Brebis ce grand Loup ravissant, Qui vient au soir tousjours en ces Fougeres.

A travailler foyez donques legeres:

Que Dieu pardoint au bon homme Roger,
Tousjours disoit que chez les mesnageres

Oyfiveté ne trouvoit à loger. Ainfi disoit la Mere au grand Berger, Et à fon dit travailloient Pafforelles : L'une plantoit herbes en un Verger : L'autre paissoit Colombs, & Tourterelles: L'autre à l'Aiguille ouvroit choses nouvelles : L'autre, en apres, faifoit Chapeaus de fleurs : Or maintenant ne font plus rien les belles, Sinon ruiffeaux, de larmes & de pleurs. Converty ont leurs danses en douleurs, Le Bleu en Brun, le Vertgay en Tanné: Et leurs beaux taints en mauvaifes couleurs Chantez mes Vers, chantez dueil ordonné Dès que la Mort ce grand coup eut donné, Tous les plaisirs champestres s'affoupirent : Les petits Vents alors n'ont allevé, Mais les fors Vents encores en fouspirent. Fueilles & fruits des arbres abbatirent : Le cler Soleil chaleur plus ne rendit : Du manteau vert les Prez se desvestirent : Le Ciel obscur larmes en respandit. Le grand Pasteur sa musette fendit, Ne voulant plus que de pleurs se messer, Dont fon troupeau, qui plaindre l'entendit, Laissa le paistre, & se print à besler. Et quand Margot ouit tout reveler, Son gentil cueur ne fut affez habile Pour garder l'œil de larmes distiller, Ains de ses pleurs en feit bien pleurer mille. Terre en ce temps devint nue & debile : Plufieurs ruiffeaux tous à fec demourerent La Mer en fut troublée & mal tranquille,

Et les Dauphins bien jeunes y pleurerent.

Biches & Cerfs effonnez s'arrefterent . Bestes de proye, & bestes de pasture, Tous animaux Loife regretterent, Exceptez Loups de mauvaife nature. Tant, en effet, grieve fut la pointure, Et de malheur l'advanture si pleine, Oue le beau Lys en print noire tainture, Et les troupeaux en portent noire laine. Sus arbre fec s'en complaint Philomene: L'Aronde en fait cris piteux & trenchans, La Tourterelle en gemit, & en mene Semblable dueil: & s'accorde à leurs chants. O francs Bergers fur franche herbe marchants, Qu'en dites vous? quel dueil, quel ennuy est ce De voir fecher la fleur de tous noz champs? Chantez mes Vers. chantez Adieu liesse. Nymphes & dieux, de nuict en grand' destresse La vindrent voir, & luy dirent, Helas, Dors tu icy, des Bergers la maistresse, Ou si c'est Mort, qui t'ha mise en ses lacs? Las, ta couleur (telle comme tu l'as) Nous juge bien, que morte tu repofes. Hà Mort facheuse! onques ne te meslas Oue de ravir les excellentes chofes. Tant eut au Chef de fagesses encloses : Tant bien favoit le clos de France aymer : Tant bien y feut au Lys rendre les Roses: Tant bien v feut bonnes herbes femer. Tant bien favoit en feurté confermer Tout le beffail de toute la contrée : Tant bien favoit son Parc clorre, & fermer, Qu'on n'ha point veu les loups y faire entrée.

Tant ha de fois fa prudence monstrée

9

Contre le temps obscur & pluvieux, Que France n'ha (long temps ha) rencontrée Telle Bergere, au rapport des plus vieux. Adieu Loise, Adieu en larmes d'yeux : Adieu le corps qui la Terre decore. En ce difant, s'en vont Nymphes & Dieux : Chantez mes Vers, chantez douleur encore. Rien n'est ça bas qui ceste mort ignore : Congnac s'en coingne en sa poitrine blesme Romorantin la perte rememore: Anjou fait jou : Angoulesme est de mesme. Amboife en boit une amertume extreme : Le Maine en mene un lamentable bruit : La povre Touvre, arroufant Angoulefme, A fon pavé de Truites tout detruit. Et fur son eau chantent de jour & nuict Les Cignes blancs, dont toute elle est couverte. Pronostiquans en leur chant, qui leur nuit, Que Mort, par mort, leur tient sa porte ouverte. Que faites vous en ceste forest verte Faunes, Sylvains? je croy que dormez là: Veillez, veillez pour pleurer ceste perte: Ou si dormez, en dormant songez la. Songez la Mort, fongez le tort qu'elle ha : Ne dormez point fans fonger la meschante : Puis au resveil, comptez moy tout cela Qu'aurez songé asin que je le chante. D'ou vient cela, qu'on voit l'herbe fechante, Retourner vive, alors que l'Esté vient? Et la persone au Tombeau trebuchante, Tant grande foit, jamais plus ne revient? Hà, quand j'ouy l'autre hier (il me fouvient) Si fort crier la Corneille en un Chesne,

Ш.

C'est un grand cas (dy je lors) s'il n'avient Quelque mesches, bien tost, en cestuy Regne.

Autant m'en dit le Corbeau fur un Fresne:
Autant m'en dit l'Estoille à la grand' queuë:
Dont je lachay à mes fouspirs la resne,
Car tell' douleur ne pense avoir onc euë.

Chantez mes Vers fresche douleur conceuë. Non, taisez vous, c'est assez deploré: Elle est aux champs Elisiens receuë, Hors des travaux de ce Monde esploré.

Là ou elle est n'y ha rien dessoré:

Jamais le jour, & les plaisirs n'y meurent:

Jamais n'y meurt le Vert bien coloré,

Ne ceux avec, qui là dedans demeurent:

Car toute odeur Ambrosienne y sleurent:
Et n'ont jamais ne deux, ne trois saisons:
Mais un Printemps: & jamais ilz ne pleurent
Perte d'amis, ainsi que nous faisons.

En ces beaux Champs, & naives maifons, Loife vit, fans peur, peine, ou mesaite: Et nous ça bas, pleins d'humaines raisons, Sommes marris (ce semble) de son aise.

Là ne voit rien, qui en rien luy defplaise:

Là mange fruict d'inestimable pris:

Là boit liqueur, qui toute sois appaise:

Là congnoistra mille nobles Esprits.

Tous animaux plaifans y font compris:

Et mille Oyfeaux y font joye immortelle,
Entre lesquelz volle par le pourpris
Son Papegay, qui partit avant elle.
Là elle voit une lumiere telle.

Que pour la voir mourir devrions vouloir Pais 11'elle ha don'e tant de joye eternelle,

Ceffez mes Vers, ceffez de vous douloir. Mettez vous Monts, & Pins en nonchaloir, Venez en France, ô Nymphes de Savoye, Pour faire honneur à celle qui valoir Feit par fon los, fon Païs, & fa vove. Savoylienne effoit, bien le scavove, Si faites vous : venez donques, afin Qu'autant mourir vostre œil par deça voye, Là où fut mise apres heureuse fin. Portez au bras chacune plein Coffin D'herbes & fleurs, du lieu de fa naisfance. Pour les semer dessus son Marbre fin, Le mieux pourveu, dont ayons congnoissance. Portez Rameaux parvenus à croissance, Laurier, Lverre, & Lys blancs honorez, Romarin vert, Roses en abondance, Jaune Soucie, & Bastinets dorez, Paffeveloux de Pourpre colorez, Lavende franche, Oeillets de couleur vive, Aubepins blancs, Aubepins azurez, Et toutes fleurs de grand' beauté naive. Chacune foit d'en porter attentive : Puis fur la Tombe en jettez bien espais, Et n'oubliez force branches d'Olive : Car elle estoit la Bergere de Paix : Laquelle içeut dreffer accords parfaits Entre Bergers, alors que par le Monde Taschoient l'un l'autre à se rendre desfaits. A coup de Goy, de Houlette, & de Fonde. Vien le Dieu Pan, vien plus tost que l'Aronde, Pars de tes Parcs, d'Arcadie desplace : Cesse à chanter de Syringue la blonde : Approche tov, & te mets en ma place,

Pour exalter avec meilleure grace
Celle de qui je me fuis entremis:
Non (pour certain) que d'en parler me lasse,
Mais tu as tort que tu ne la gemis.
Et toy, Thenot, qui à pleurer t'es mis
En m'escoutant parler de la tresbonne,
Delivre moy le Chalumeau promis,
A celle fin qu'en concluant la sonne:
Et que du son rende graces, & donne
Louange aux Dieux des hauts monts & des plains,
Si hautement, que ce Val en resonne:
Cessez mes Vers, cessez icy vos plaints.

THENOT

O franc Pasteur, combien tes Vers sont pleins De grand' douceur, & de grand' amertume! Le chant me plaist, & mon cueur tu contrains A fe douloir, plus qu'il n'ha de coutume. Quand tout est dit. Melpomené allume Ton style doux à tristement chanter : Outre, il n'est cueur (& fust ce un cueur d'enclume) Que ce propos ne feist bien lamenter, Parquoy (Colin) fans flater me vanter, Non feulement le bon Flageol merites, Ains devroit on Chapeau te presenter De vert Laurier, pour choses tant bien dites. Sus, grans Toreaux, & vous Brebis petites, Allez au Tect, assez avez brouté : Puis le Soleil tombe en ces bas limites, Et la nuich vient devers l'autre costé.



DE MONSIEUR LE GENERAL GUILLAUME PREUDHOMME

U NIQUE fils de Preudhomme, dont l'Ame Ces jours passez sous la funebre lame Laissa le corps, escoute un peu, comment Celle du mien s'en vint en un moment Bien tost apres en mon lict m'apparoistre, Et les secrets qu'elle me feit congnoistre.

Fils (ce dit elle) en nos champs Elifées
N'ha pas long temps par les droites brifées
Est devers nous un Esprit arrivé,
Discret, gentil, amiable, & privé,
Qui deschargé de son terrestre corps,
Et plus n'estant de ce monde records
S'en vint trouver au plus beau du pourpris,
Les immortelz & slorisfans Esprits
Des renommez vieux Poètes Galliques,
Qui en accords plus divins qu'Angeliques,
Tout à l'entour des Lauriers tousjours verts,
Alloient chantant à l'envy maints beaux Vers.

Luy là venu, ilz cesserent leurs chants, Et il leur dit: O l'essite des champs Elissens! Esprits en verité Par dessus tous remplis de Desté: Je ne suis point Esprit de Poèsse, Mais je suis tel, qu'Amour et Fantasse J'avois en vous & en vostre vertu, Estant encor de chair et d'os vestu. Et delaissant le monde terrien, Je quittay tout, & si n'apportay rien Qua les beaux Vers de vos celestes veines,

Qui en mes foings, mes labeurs, & mes peines Me foulageoient, tout par cueur les difant, Avec amis ou Princes devifant: Parmy lesquelz alors en toute gloire, De vos hauts noms il estoit fait memoire.

Or donc Esprits pleins de bonté naîve,
Souffrez qu'icy aveques vous je vive,
Puis que vescu avez au cabinet
De ma memoire. Adonques Molinet
Aux Vers fleuris, le grave Chastellain,
Le bien disant en rime & prose, Alain,
Les deux Grebans au bien resonnant style,
Octovian à la veine gentile,
Le bon Cretin aux Vers equivoqué,
Ton Jan le Maire entre eux haut colloqué,
Et moy ton peré en joye le receusmes;
Car quasi tous de luy congnoissance eusmes.

Heureux Esprit (celuv va Cretin dire) Quelle raifon plus toil vers nous te tire, Que par devers tant d'Esprits excellens Oui font icv, jadis tous opulens, A tov pareilz, & Confeillers rovaux, Defquelz tu fus, voire des plus lovaux? ll luv respond : O Ame debonnaire, Penfer me fais au labeur ordinaire Que j'eu au monde : & parmy eux estant J'v penferois encores tant, & tant, Que le record de ces folicitudes Me priveroit des grans beatitudes Oui font ceans. Je cherche les delices Qui aux Esprits sont duisans & propices. Je cherche jove, & repos, & favoir, Ou les peult on mieux qu'entre vous avoir?

Or foit ma joye en ce poincl accomplie : Et par fus tous, Cretin, je te fupplie De me monffrer, en ces beaux champs floris. Nostre Ennius, Guillaume de Loris, Qui du Romant aquift fi grand renom, Duquel auffi nous deux portons le nom, Dont mieux je l'ayme. Adonc Cretin le mene Par un fentier odorant & amene. Au bout duquel fous un Rosier plaisant, l'eult voir de loing Loris encor faifant Tout à part foy fes regrets & clameurs Apres fa Rofe, O puiffance d'amours! La parvenus, Cretin qui le plaint fort, Luy dit, Loris, Amour te doint confort, Laisse tes plaints. Voicy une noble Ame. Qui evitant d'ignorance le blafme. Fut en fon temps le copieux registre Des beaux efcrits, que jadis, sceurent tistre Les bons facteurs du Gallique Hemisphere, Desquelz tu es le bon ancien pere.

Si eusses veu comment sans peine prendre, En sa memoire il les savoit comprendre, Puis de quell' grace, & avec quel plaisir Les recitoit en lieu, temps, & loisir: Non moins aymé eusses le Reciteur Que l'œuvre mesmes, ou le Compositeur. C'est le plaisir où il se delectoit, Quand du Roy l'ranc servant sidelle estoit, Et General des argenteuses sommes, Là ou du Nord prindrent le nom les hommes.

C'est le second de qui les mains loyales Seules ont eu des sinances Royales Gouvernement. Or les ha il laissées, Mieux, qu'avant luy, en ordre bon dressées : Et au fortit du corps, ja d'aage plein, Cler, pur, & net, s'en vint en ce beau plain, Chercher repos en la troupe immortelle De nous, qui tous luy devons amour telle Que luy à nous. Au nom du Toutpuissant Bien venu soit l'Esprit resplendissant, Respond Loris: d'un nom sommes tous trois, Pour la mornifle encor un i'en voudrois Aveques nous 1. De sa bouche à grand' peine Fut hors ce mot, qu'ilz veirent en la plaine Venir plus cler que nul Ruby ballay, L'esprit du preux Guillaume du Bellay, Tant travaillé des guerres Piedmontoises, Qu'à peine eust sceu encor aller deux toises · Si se vint mettre avec eux à repos, Larmes laissant à Souldars & supposts, Laisant en France & en Piedmond ennuy, Mais non laiffant homme femblable à luy.

Bien tost apres allans d'accord tous quatre Par les Preaux tousjours herbus s'esbatre, Du mesme nom deux Esprits rencontrerent : L'un Bissipat, que neuf sœurs allaicterent : L'autre Budé, qui la Palme conquit Sur les savans du Siecle où il vesquit. Bienheureuse est, o Clement, ta naissance, Qui de luy eus privée congnoissance.

Au demourant nostre Gaule, ainsi comme Nous ha compté l'Esprit du grand Preudhomme. De maint Poëte ores est decorée: Mais entre tous, de trois moult honorée,

^{1.} Louange grande de Monsieur de Langey.

Dont tu es l'un, Saint Gelais Angelique, Et Heroët, à la plume Heroïque: Maugré le temps vos escrits dureront, Tant que François les hommes parleront. Ainsi ledit l'Ame de frais venuë, A qui, fans sin, est la troupe tenuë De Parnasus, veu qu'en mortelle vie Aymée l'ha, & en l'autre suyvie.

Poëtes donc, qui en terre vivez, Le los, le bruit, de Preudhomme efcrivez En chacun genre & espece de Metre: Et escrivains, n'oubliez pas à mettre, Qu'au riche estat où il se conduisoit, Autant sur tous sa vertu reluisoit, Comme Aurora est luisant, & decore Sur toute Estoille, ou Phebus sur Aurore.

Aurore adonc, à la face vermeille,
Sortit du Ciel: & fur ce je m'efveille.
La plume prins, me mis à rimoyer
Ma vision: afin de l'envoyer
A toy, du vray Preudhomme fils unique:
Reçoy la donc, je te la communique,
Comme au plus proche: esperant que ce Val,
Plus grand d'esprit, qu'en armes Perceval,
Et dont ta Sœur à bon jour fut pourveuë,
Aura l'honneur de la seconde veuë.

Et si mes Vers te plaisent (comme pense' De toy ne veux, pour toute recompense, Fors qu'en vertus sois ton Pere ensuivant, Si qu'on le voye encor, en toy, vivant.







EGLOGUE

SUR LA NAISSANCE DU FILS DE MONSEIGNEUR LE DAUPHIN



onfortez moy, Muses Savoysiennes, Le souvenir des adversitez miennes Faites cesser, jusques à tant que j'aye Chantez l'Enfant dont la Gaule est si gaye: Et permettez l'infortuné Berger

Sonner Eglogue en propos moins leger Que cy devant: les Rotiers qui font bas, Et les taillis à tous ne plaifent pas. Sus à ce coup, chantons Forests ramées, Les Forests sont des grans Princes aymées.

Or fommes nous prochains du dernier aage, Prophetizé par Cumane la fage : Des siecles longs le plus grand & le chef Commencer veult à naistre derechef. La vierge Astrée en brief temps reviendra :
De Saturnus le regne encor viendra :
Puis que le Ciel, lequel se renouvelle
Nous ha pourveu de lignée nouvelle :
Diane clere ha de lassus donné
Faveur celeste à l'enfant nouveau né
D'Endymion : à l'enfant voirement,
Dessous lequel faudra premierement
La gent de Fer, & puis par tout le Monde
S'eslevera la Gent d'Or pur & monde.

Ce temps heureux, François preux & favant, Commencera dessous toy bien avant:
Et si l'on voit sous Henry quelque reste,
De la malice aujourdhuy manifeste,
Elle sera si soible & si estainte,
Que plus de rien la Terre n'aura crainte:
Puis quand au Ciel serez Dieux triomphans,
Ce nouveau né, heureux sur tous enfans,
Gouvernera le monde ainsi prospere,
Par les vertus de l'un & l'autre pere.

La Terre donc, gracieux Enfantin,
Te produira Serpolet & Plantin,
Treffle & Serfueil fans culture venus,
Pour engresser tous les troupeaux menus:
Les Chevres lors au logis reviendront
Pleines de laict: les Brebis ne craindront
Lion ne Loup: l'herbe qui venin porte,
Et la Couleuvre aux champs demourra morte:
Et l'odorant Amome d'Assyrie
Sera commun comme herbe de prairie.

Regarde enfant de celeste semence, Comme desja ce beau Siecle commence, Ja le Laurier te prepare coronne: Ja le blanc Lys dedans ton bers fleuronne. D'icy à peu, des hauts Princes parfaits Et du grand Pere aussi les nobles faits Lire pourras, tandis que les louanges Du pere tien, par nations estranges Iront vollant: & dessors pourras-tu Savoir combien vaut honneur & vertu.

En cestuy temps steriles Monts & Plains
Seront de Bledz & de Vignes tous pleins:
Et verra lon les Chesnes plantureux
Par les Forests suer miel favoureux.
Ce neantmoins de fraudes qui sont ores
Quelque relique on pourra voir encores.
La Terre encor du Soc on verra fendre:
Villes & Bourgs de murailles dessendre:
Conduire en Mer les Navires vollans,
Et aura France encore des Rolands.

Mais quand les ans t'auront fait homme fort, Plus ne sera de guerre aucun effort. Plus voile au vent ne fera la Gallée Pour traffiquer dessus la Mer fallée. Chacune Terre à chacune Cité Apportera toute commodité. Arbres croistront d'eux mesmes à la ligne : Besoing n'aura plus de serpe la Vigne : Et ostera le Laboureur champestre Aux Bœufs le joug, plus ne feront que paistre : La laine plus n'aura besoing d'apprendre A feintement diverses couleurs prendre: Car le Belier en chacune faison De cramoysi portera la toison, Ou jaune, ou perfe : & chacun Aignelet Sera vestu de pourpre, ou violet.

Ce font pour vray choses determinées Par l'immuable arrest des destinées.

Commence, Enfant, d'entrer en ce bon heur: Reçoy desja & l'hommage & l'honneur Du bien futur. Voy la ronde machine Qui fous le poids de ta grandeur s'encline. Voy comme tout ne fe peult contenir De s'egayer, pour le fiecle advenir.

O fi tant vivre en ce monde je peuffe, Qu'avant mourir loifir de chanter j'euffe Tes nobles faits! ny Orpheus de Thrace, Ny Apollo, qui Orpheus efface, Ne me vaincroit: non pas Clio la belle, Ny le Dieu Pan, & Syringue y fust elle.

Or vy, enfant, vy enfant bien heureux Donne à ta mere un doux ris amoureux: D'un petit ris commence à la congnoistre, Et fay les jours multiplier & croistre De ton ayeul, le grand Berger de France, Qui en toy voit renaistre son enfance.

A MONSEIGNEUR, MONSIEUR FRANÇOIS DE BOURBON

SEIGNEUR D'ANGUIEN

VERTU, qui est de l'heur accompagnée, Prince forty de Royale lignée, C'est la seurté de victoire & d'honneur : Or t'ha donné le souverain donneur, Et l'un & l'autre, il t'ha donné fortune A ta vertu propice & opportune : Vertu, qui rien de Jeunesse ne sent : Vertu chenuë en aage adolescent; Qui ne sera (comme je croy) trompée De la fortune adverse de Pompée.

Ainfi, ayant ce que Cefar avoit, Qui est celuy, qui à l'œil bien ne voit Qu'impossible est, qu'en armes ne l'imites, Et que par temps passeras ses limites?

L'arbrisseau franc, qui fleurit & boutonne, D'en voir le fruict esperance nous donne : L'effect receu de tes premiers efforts, De tes hauts faits advenir nous fait forts. Qui puis un peu en la plaine campagne Rompit l'armée, & la gloire d'Espagne, En foudroyant de tes robuttes mains Nombre infiny d'Espagnols, & Germains: Qui de leur corps as la terre couverte, Et de leur fang fait rougir l'herbe verte : Qui feis fuïr plus froid de peur que glace, Le vieil Marquis devant ta jeune face. Puis r'amenas, fans faire pertes grandes, Dedans ton Oft les Martiales bandes De tes fouldars loyaux & non mutins, Saoulez de fang, & riches de butins. Qui tost apres chassas Pyrrhe Coulonne De Carignan, dont meritas couronne De vert Laurier. Bien la merites certes, Veu que tu es le recouvreur des pertes, Qu'ha eu (helas) en la terre Italique Depuis vingt ans la nation Gallique.

C'est luy, c'est luy : n'en soyez mal contens,

Vieux conducteurs, qui feul depuis ce temps Nous ha gaigné & Bataille & Journée.
Courage, Enfans, car la chance est tournée, L'heur d'Annibal par la fatale main
De Scipion, le jeune enfant Rommain,
Fut destournée: par Prince de mesme aage
S'est tourné l'heur de Charles en dommage.
Entrer voyons noz bonnés destinées,
Et prendre sin les siennes declinées.
Dessous Bourbon fut son heur commencé:
Dessous Bourbon s'en va desavancé.

O Roy aussi ton propre nom il porte:
Et par François, François en mainte sorte
Sera vengé. O Roy de grand renom,
Bien autre chose ha de toy, que le nom.
Il ha de toy la sage hardiesse:
Il ha de toy au Combat la prouesse:
Il ha de toy (Nature ainsi le veult)
Je ne say quoy, qui nommer ne se peult,
Dont attirer il sait le cueur des hommes,
Et à bon droit souvent ton silz le nommes.

A toy donc, Roy, à toy donques ne tienne, Qu'entre tes mains la possession tienne Ne mette en brief: soit tousjours ta main prompte A soustenir sa fortune, qui monte.

Et toy, qui tiens aux Itales fon lieu, Pallas prudente: & Mars le puissant Dieu, Te doint finir ton œuvre encommencée. S'ainfi advient, fortez de ma pensée Tristes ennuis, qui m'avez fait escrire Vers douloureux. Arriere ceste lyre, Dont je chantois l'amour par cy-devant: Plus ne m'orrez Venus mettre en avant, Ne du flageol fonner chant bucolique: Ains fonneray la Trompette bellique Du grand Virgile, ou d'Homere ancien, Pour celebrer les hauts faits d'Anguien, Lequel fera contre fortune amere Nostre Achilles, & Marot fon Homere.

AVANT-NAISSANCE DU TROISIESME ENFANT DE MADAME

MADAME LA DUCHESSE DE FERRARE

Parfay le temps de tes neuf moys prefix, Heureusement, puis sors du Royal ventre, Et de ce monde en la grand' lumiere entre: Entre sans cry, vien sans pleur en lumiere.

Vien fans donner destresse coutumiere
A la mere humble, en qui Dieu t'ha fait naistre:
Puis d'un doux ris commence à la congnoistre.
Aprés que fait luy auras congnoissance,
Prens peu à peu nourriture & croissance:
Tant qu'à demy commences à parler,
Et tout seulet, en trepignant aller
Sur les carreaux de ta maison prospere,
Au passetemps de ta Mere & ton Pere:
Qui de t'y voir un de ces jours pretendent.
Avec ton Frere, & ta Sœur qui t'attendent.

Vien hardiment, car quand grandet feras, Et qu'à entendre un peu commenceras, Tu trouveras un fiecle pour apprendre, En peu de temps, ce qu'Enfant peu comprendre.
Vien hardiment: car ayant plus grand' aage,
Tu trouveras encore davantage:
Tu trouveras la guerre commencée
Contre ignorance, & fa troupe infenfée:
Et au rebours, Vertu mife en avant,
Qui te rendra perfonnage favant
En tous beaux arts, tant foient-ilz difficiles,
Tant par moyens, que par lettres faciles
Puis je fuis feur, & on le congnoistra,
Qu'a ta naisfance avecques toy naistra
Esprit docile, & cueur fans tache amere,
Si tu tiens rien du costé de la Mere.

Vien hardiment, & ne crains que Saturne, En biens mondains te puisse estre importune, Car tu naistras, non ainsi povre & mince, Comme moy (las) mais Enfant d'un grand Prince!

Vien fain & fauf, tu peux estre asseuré, Qu'à ta naissance il n'y aura pleuré, A la façon des Thraces lamentans Leurs nouveaux nez & en grand dueil chantans L'ennuy, le mal, & la peine asservie, Qu'il leur falloit soussrir en ceste vie: Mais tu auras (que Dieu ce bien te face) Le vray moyen qui tout ennuy essace, Et fait qu'au monde angoisse on ne craint point Ne la Mort mesme, alors qu'elle nous poingt.

Ce vray moyen plein de joye feconde, C'est ferme espoir de la vie seconde, Par Jesuchrist vainqueur & triomphant De ceste mort: Vien donc, petit Ensant: Vien voir, de Terre, & de Mer le grand tour, Avec le Ciel qui se courbe à l'entour. Vien voir, vien voir mainte belle ornature Que chacun d'eux ha receu de Nature. Vien voir ce Monde, & les peuples & Princes Regnans fur luy, en diverfes Provinces: Entre lesquelz est le plus apparent Le Roy François, qui te fera parent: Sous, & par qui ont esté esclercis, Tous les beaux arts paravant obscurcis. O Siecle d'Or le plus fin que lon treuve. Dont la bonté sous un tel Roy s'espreuve!

O jours heureux, à ceux qui les congnoiffent. Et plus heureux ceux qui aujourd'huy naiffent! Je te dirois encor' cent mille chofes Qui font en terre, autour du Ciel enclofes, Belles à l'œil, & douces à penfer:
Mais j'aurois peur de ta Mere offenfer:
Et que de voir, & d'y penfer tu prinfes
Si grand defir qu'avant le terme vinfes.
Parquoy (Enfant) quelquefois, fille ou fils,
Parfay le temps de tes neuf moys prefix
Heureufement: puis fors du Royal ventre.
Et de ce monde en la grand lumière entre.






TRADUCTIONS

DΕ

CLEMENT MAROT

VALET DE CHAMBRE DU ROY

La Mort n'y mord





TRADUCTIONS

LA PREMIERE EGLOGUE DES BUCOLIQUES DE VIRGILE

MELIBEE



or Tityrus gifant desfous l'Ormeau Large & espais, d'un petit chalumeau Chantes Chansons rustiques en beaux chants : Et nous laissons (maugré nous) les doux champs Et nos pass. Toy oisse en l'ombrage

Fais refonner les Foretts qui font rage, De rechanter aprés ta chalemelle, La tienne amie Amaryllis la belle.

TITYRE

O Melibée, amy cher & parfait, Un Dieu fort grand ce bien icy m'ha fait: Lequel aussi tousjours mon Dieu sera,
Et bien souvent son riche Autel aura
Pour sacrifice, un Aigneau le plus tendre,
Qu'en mon troupeau pourray choisir & prendre:
Car il permet, mes Brebis venir paistre
Comme tu vois, en ce beau lieu champestre:
Et que je chante en mode Pastorale
Ge que voudray de ma stuste rurale.

MELIBEE

Je te prometz que ta bonne fortune Dedans mon cueur ne met envie aucune : Mais m'esbay, comme en toutes faisons Malheur nous fuit en nos champs & maisons. Ne vois-tu point, gentil Berger helas, Je tout malade, & privé de foulas, D'un lieu loingtain meine cy mes Chevrettes Accompagnées d'Aigneaux, & Brebiettes. Et (qui pis est) à grand labeur je meine Celle que vois tant maigre en ceste plaine, Laquelle estoit la totale esperance De mon troupeau, or n'y ay-je asseurance : Car maintenant (je te promets) elle ha Fait en passant, prés de ces coudres là, Qui font espés, deux gemeaux Aignelets Qu'elle ha laissez (moy contraint) tous seulets, Non desfus l'herbe, ou aucune verdure, Mais tout tremblans dessus la pierre dure.

Hà Tityrus (îi j'eusse esté bien sage)
Il me souvient, que souvent par présage
Chesnes frappez de la soudre, des Cieux
Me predisoient ce mal pernicieux.

Semblablement la finistre Corneille Me disoit bien la fortune pareille.

Mais je te pry, Tityre, compte moy, Qui est ce Dieu, qui t'ha mis hors d'esmoy :

TITYRE

Je fot cuidois, que ce, que l'on dit Romme, Fust une Ville ainsi petite, comme Celle de nous, là où maint Aignelet Nous retirons, & les bestes de laict. Mais je faisois semblables à leurs peres Les petits Chiens, & Aigneaux à leurs meres, Accomparant (d'imprudence surpris) Chose petite à celle de grand pris : Car pour certain, Romme noble, & civile, Leve son chef par sus tout autre Ville, Ainsi que sont les grans & hauts Cypres Sur ces Buissons, que tu vois icy pres.

MELIBEE

Et quel motif si expres t'ha esté D'aller voir Romme?

TITYRE

Amour de liberté, Laquelle tard toutesfois me vint voir, Car ains que vint, Barbe pouvois avoir : Si me veit elle en pitié bien expres, Et puis je l'eus affez long temps apres : C'est affavoir, si tost qu'eus accoinctée Amaryllis, & laissé Galathée.

Certainement je confesse ce poinct, Que quand j'estois à Galathée joinct Aucun efpoir de liberté n'avoye, Et en foucy de bestail ne vivoye: Voire & combien que maintessois je feisse De mes troupeaux à nos Dieux facrisse: Et nonobstant que force gras formage Se feist tousjours en nostre ingrat village: Pour tout cela jamais jour de semaine Ma main chez nous ne s'en retournoit pleine.

MELIBER

O Amarill', moult je m'efmerveillois:
Pourquoy les Dieux d'un cœur triste appellois:
Et m'estonnois, pour qui d'entre nous hommes
Tu refervois en l'arbre tant de Pommes.
Tiryre lors n'y estoit (à vray dire)
Mais toutessois (ô bienheureux Tityre)
Les Pins tres hauts, les Ruisseaux qui couloient,
Et les Buissons adonques t'appelloient.

TITYRE

Qu'eusse-je fait, sans de chez nous partir?
Je n'eusse peu de service sortir,
N'ailleurs que là, n'eusse trouvé des Dieux
Si à propos, ne qui me duissent mieux.
Là (pour certain) en estat triomphant
O Melibée) je vey ce jeune Ensant,
Au los de qui nostre Autel par coustume
Douze sois l'an en facrisice sume.

Certes c'est luy, qui premier respondit A ma requeste, & en ce poinct me dit: Allez enfans, menez paistre vos Bœuss, Comme devant, je l'entends & le veux, Et faites joindre aux Vaches vos Toreaux.

MELIBEE

Heureux Vieillard, fur tous les pafloureaux. Donques tes champs par ta bonne avanture Te demourront, & affez de paflure. Quoy que le Roc d'herbe foit defpoùillé, Et que le Lac de bourbe tout foùillé, Du Jone limeux couvre le bon herbage, Ce neantmoins le mauvais paflurage Ne nourrira jamais tes Brebis pleines: Et les troupeaux de ces prochaines plaines Deformais plus ne te les gafteront, Quand quelque mal contagieux auront.

Heureux Vieillard, déformais en ces prées
Entre Ruisseaux, & Fontaines facrées
A ton plaisir tu te rafreschiras:
Car d'un costé, joingnant de toy auras
La grand' closture à la soulsaye epesse,
Là où viendront manger la sleur sans cesse
Mouches à miel, qui de leur bruit tant doux
T'inciteront à sommeil tous les coups.
De l'autre part, su un haut Roc sera
Le Rossignol, qui en l'air chantera:
Mais cependant la Palombe enrouée,
La Tourte aussi de chasteté louée
Ne laisseront à gemir sans se taire
Sous un grand Orme: & tout pour te complaire.

TITVRE

Donques plustost Cerfs legers, & cornus Vivront en l'air : & les Poissons tous nuds Seront laissez de leurs Fleuves taris : Plustost bevront les Parthes Araris Le fleuve grand: & Tigris Germanie, Plustost fera ma personne bannie En ces deux lieux: & leurs fins & limites Circuiray à journées petites, Ains que celuy que je t'ay racompté Du souvenir de mon cueur soit osté.

MELIBEE

Helas, & nous irons fans demouree
Vers le pais d'Afrique l'alterée:
La plus grand' part en la froide Scythie
Habiterons: ou irons en Parthie,
Puis qu'en ce poinét Fortune le decrete,
Au fleuve Oaxe impetueux, de Crete:
Finalement viendrons tous efgarez
Vers les Anglois, du monde feparez.

Long temps apres, où avant que je meure, Verray-je point mon païs & demeure? Ma povre loge austi faite de chaume? Las s'il advient, qu'en mon petit royaume Revienne encor, je le regarderay, Et des ruynes fort je m'estonneray.

Las, faudra-il qu'un gendarme impiteux Tienne ce champ tant culte, & fructueux? Las, faudra-il qu'un Barbare estranger Cueille ces bleds? O en quel grand danger Discorde ha mis & Pasteurs, & Marchans! Las, & pour qui avons semé nos champs? O Melibée, plante arbres à la ligne, Entre Poiriers, mets en ordre la Vigne: Helas pour qui? allez jadis heureuses, Allez Brebis maintenant malheureuses.

Apres cecy, de ce grand creux tout vert,

Là où fouvent me couchois à couvert, Ne vous verray jamais plus de loing paistre, Vers la montagne espineuse, & champestre: Plus ne diray chansons recreatives: Ny dessous moy, povres Chevres chetives, Plus ne paistrez le tresse fleurissant: Ne l'aigre sueille au saule verdissant.

TITYRE

Tu pourras bien (& te pry que le vueilles)
Prendre repos dessus des vertes fueilles
Aveques moy, ceste nuict seulement:
Jay à soupper assez passablement,
Pommes, Pruneaux, tout plein de bon fruictage.
Chastagnes, Aulx, avec force laictage.
Puis des Citez les cheminées fument:
Desja le seu pour le soupper allument:
Il s'en va nuict, & des hauts monts descendent
Les ombres grands, qui parmy l'air s'espandent.







LΕ

JUGEMENT DE MINOS

SUR LA PREFERENCE D'ALEXANDRE LE GRAND, ANNIBAL DE CARTHAGE, ET SCIPION LE ROMAIN, DICT L'AFRICAIN

ALEXANDRE



Annibal, mon haut cueur magnanime Ne peult fouffrir, que par gloire fublime Vueilles marcher par devant mes charrois Quant à honneur, & triomphans arrois: Car feulement aucun ne doibt en riens.

Accomparer fes faits d'armes aux miens, Ains (comme nuls) est decent de les taire Entre les preux.

ANNIBAL.

Je foustien le contraire, Et m'en rapporte à Minos, l'un des Dieux, Juge Infernal commis en ces bas lieux A foustenir le glaive de Justice: Dont faut, que droit avec raison juste isse Pour un chacun.

MINOS

Or me dites, Seigneurs, Qui estes-vous, qui touchant hauts honneurs Querez avoir l'un fur l'autre avantage?

ALEXANDRE

Cy est le Duc Annibal de Carthage, Et je grand Empereur Alexandre. Qui fey mon nom par tous Climats espandre En subjugant chacune nation.

MINOS

Certes vos noms font en perfection Dignes de los & des gloires fupremes, Dont decorez font vos clers Diademes: Si m'esbahy, qui vous ha meus enfemble Avoir debat.

ALEXANDRE

Minos (comme il me femble)
Tu doibs favoir, & n'es pas ignorant,
Qu'onc ne fouffry homme de moy plus grand,
Ne qui à moy fust pareil, ou égal:
Mais tout ainsi comme l'Aigle Royal
Estend son vol plus pres des airs Celestes,

Que nul oyfeau, par belliqueufes geftes l'ai furmonté tous humains aux harnois : Parquoy ne veux que ce Carthaginois Ait bruit fur moy, ne costoye ma Chaise.

MINOS

Or convient donc, que l'un de vous se taise, Afin que l'autre aist loisir & saison, Pour racompter devant moy sa raison.

ANNIBAL

Certes, Minos, ceux je repute dignes
D'estre eslevez jusque aux courts divines
Par bon renom, qui de basse puissance
Sont parvenus à hautaine accroissance
D'honneur & biens : & qui nom glorieux
Ont conquesté par faits laborieux :
Ainsi que moy, qui à peu de cohorte
Me departy de Carthage la forte :
Et en Sicile, où marcher desiroye,
Prins & ravy, pour ma premiere proye,
Une Cité, Sarragosse nommée,
Des siers Rommains tresgrandement aymée,
Que maugré eux, & leur force superbe,
Je petillay aux piedz ainsi que l'herbe,
Par mes hauts saits & surieux combats.

On fait auffi, comment je mis au bas, Et distipay (dont gloire j'en merite) Des Gallicans le puissant exercite: Et par quel art, moyens, & façons cautes, Taillay les Monts, & les Alpes treshautes: Minay, & my les rochers en rompture, Qui sont hauts murs, massonnez par nature, Et le renfort de toutes les Itales:
Auquel païs (quand mes armes Ducales
Y flamboyoient) maint ruisseau tout ordy
Du sang Rommain, que lors j'y espandy:
Ce sont tesmoins, & certaines espreuves.
Si est le Pau, Tibre, & maints autres fleuves,
Desquelz souvent la trespure & claire onde
J'ay fait muer en couleur rubiconde.

Pareillement les Chasteaux triomphans, Par sus lesquelz mes puissans Elephans Je sey marcher, jusques aux murs de Romme: Et n'est decent que je racompte, ou nomme Mes durs combats, rencontres Martiannes, Et grans esforts par moy saits devant Cannes.

Grand' quantité de noblesse Rommaine
Ruerent jus par puissance inhumaine
Lors mes deux bras: quand en signe notoire
De souverain triomphe meritoire,
Trois muis d'aneaux à Carthage transmis
De tressin Or, lesquelz furent desmis
Des doigts des morts, fur les terres humides
Tous estendus: car des charongnes, vuides
De leurs esprits, gisantes à l'envers
Par mes conslicts furent les champs couvers:
De tell' façon qu'on en seit en maints lieux
Pons à passer seuves espacieux.

Par maintes fois, & femblables conquestes Plus que Canons, ou foudroyans tempestes, Fey estonner du Monde la monarche, Tousjours content, quelque part où je marche, Le tiltre seul de vray honneur avoir, Sans vaine gloire en mon cueur concevoir: Comme cestur, qui pour occasion D'une incredible & vaine vision, La nuiét dormant, apparuë à sa mere, Se disoit fils de Juppiter le pere De tous humains, aux astres honoré, Et comme Dieu, voulut estre adoré.

Ainçois, Minos, tousjours & ainst comme Petit souldart me suis reputé homme Carthaginois, qui pour heur ou malheur Ne sus attaint de liesse ou douleur. Puis on congnoist, comme au pass d'Afrique, Durant mes jours, à la chose publique Me suis voulu vray obesssant joindre: Et qu'ainst soit, ainst comme le moindre De tout mon Ost, au simple mandement De mes consors, conclus soudainement De m'en partir, & addressay ma voye Vers Italie, où grand desir avoye.

Que diray plus? par ma grande prouesse,
Et par vertu de sens & hardiesse,
J'ay achevé maints autres durs essorts,
Contre, & envers les plus puissans & forts.
Mes Estandars, & Guidons Martiens
Onc ne dressay vers les Armeniens,
Ou les Medois, qui se rendent vaincus,
Ains qu'employer leurs lances & escus:
Mais sey trembler de main victorieusse
Les plus hautains: c'est Romme l'orgueilleuse,
Et ses souldars, que lors je combatis
Par maintessois, & non point des craintifs,
Mais des plus siers sey un mortel deluge.

Et d'autre part, Minos (comme bon juge) Tu doibs prevoir les aifes d'Alexandre : Car dès que mort fon pere voulut prendre, A luy, par droit, le Royaume furvint,
Et fut receu des que fur Terre vint,
Entre les mains d'amiable Fortune,
Qui ne fut onc en ses faits importune:
Et s'il veult dire avoir vaincu les Roys
Dare, & Pyrrhus, par militans arroys,
Aussi fut-il vaincu en ses delices
D'immoderez, & desordonnez vices:
Car si son Pere ayma bien en son cueur
Du Dieu Bacchus la vineuse liqueur,
Aussi feit-il: & si bien s'en troubloit,
Oue non pas homme, ains beste ressembloit.

N'occit-il pas (estant yvre à sa table)
Callischenes, Philosophe notable,
Qui reprenoit, par discretes parolles,
Les siennes mœurs, vicieuses & foles?
Certainement vice si detestable
En moy (peult estre) eust esté excusable,
Ou quelcun autre en mœurs, & disciplines
Peu introduit: mais les faintes doctrines
Leuës avoit, d'Aristote son maistre,
Qui pour l'instruire, & en vertus accroistre,
Par grand desir nuict & jour travailloit,
Et apres luy trop plus qu'autre veilloit.

Et si plus haut esleve sa personne, Dont en son ches il ha porté couronne, Pourtant ne doibt homme Duc despriser, Qui ha voulu entre vivans user De sens exquis, & prouesse louable, Plus que du bien de Fortune amiable.

MINOS

Certes tes faits de trefclere vertu Sont decorez. En apres, que dis-tu, Roy Alexandre?

ALEXANDRE

A homme plein d'outrage N'est de besoing tenir aucun langage: Et melmement la riche renommée De mes hauts faits aux affres fublimée, Affez & trop te peuvent informer, Que par fus moy ne se doibt renommer. Auffi tous ceux de la vie mortelle Sont congnoissans la raison estre telle : Mais neantmoins, pource qu'à maintenir Los & honneur je veux la maintenir Sache, Minos, juge plein de prudence, Qu'en la verdeur de mon adolescence, Portant en chef ma couronne invincible, Au glaive aigu prins vengeance terrible (Comme vray fils) de ceux qui la main mirent Detfus mon Pere, & a mort le fouzmirent : Et non content du Royaume qu'avoye, Cherchant honneur, mis & jettay en voy Mes estandars : & a flotte petite De combatans, par moy fut desconsite Et mise au bas, en mes premiers assaux, Thebes cité antique, & ses vassaux : Puis subjugay, par puissance Royale, Toutes citez d'Achaie, & Thessale, Et decouppay à foison par les champs Illyriens, de mes glaives trenchans,

Dont je rendy toute Grece esbahie. Par mon povoir fut Asie envahie: Libye prins, le Phase surmontay: Brief, tous les lieux ou passay & plantay Mes estandars, redoubtans ma puissance, Furent souzmis à mon obestsance.

Le puissant Roy Dare congnut à Tharse, Par quell' vigueur sut ma puissance esparse Encontre luy, quand sous luy chevaucherent Cent mil Persois: & sierement marcherent Vers moy de front dessous ses Estandars Bien trois cent mil Pietons hardis souldars. Que diray plus? quand vint à l'eschausser, Le vieil Charon, grand nautonnier d'Enser, Bien eut à faire à gouverner sa peautre, Pour celuy jour passer de rive en autre Tous les esprits, qu'à bas je luy transmis, Des corps humains qu'à l'espée je mis.

A celuy jour, en la mortelle estorce, Pas n'espargnay ma corporelle force, Car aux Enfers quatre vingts mil esprits J'envoiay lors: & si haut cueur je pris, Que me lançay par les slottes mortelles: De ce font soy mes playes corporelles.

Et ja ne faut laisser aneantir Mes grans combats executez en Tyr: Et ne convient que le los on me rase, D'avoir passé le haut mont de Caucase. Un chacun sçait, qu'y sus tant employé, Que tout sous moy sut rasé & ployé.

En Inde fey aborder mon Charroy Triomphamment, ou Pyrrhus le fier Roy, A fon meschef, de mes bras esprouva La pefantur, quand de moy fe trouva Prins & vaincu. Qui plus eft, je marchay En tant de lieux, qu'à la fin detranchay Le dur rocher, ou Hercules le fort Pour le passer, en vain mit son effort. Brief, tout battis, & vainquis fans repos, Jusques à tant que la fiere Atropos, Seule cruelle ennemie aux humains, Mon pouvoir large ofta hors de mes mains.

Et s'ainsî est, que jadis en maint lieu
Fusse tenu des mondains pour un Dieu,
Et du party des Dieux immortelz né,
De tell' erreur pardon luy soit donné:
Car la hauteur de mes saits: & la gloire
Qu'eus en mon temps, les mouvoit à ce croire.

Encores plus: tant fus fier belliqueur, Que j'entreprins, & eus vouloir en cueur De tout le Monde embrasser & saisir, Si fiere Mort m'eust presté le loisir.

Or ça, Minos, je te fupply demande
A Annibal (puis qu'il me vilipende
De doux plaifirs) fi plus il est recors
De ses delicts de Capuë, ou son corps
Plus debrisa aux amoureux alarmes,
Qu'à soustenir gros bois, haches, & armes,
Me sut sa mort meschante & suribonde,
Quand par despit de vivre au mortel monde
Fut homicide, & bourreau de soy mesmes,
En avallant les ords venins extremes?

Et pour monstrer sa meschance infinie,
Soit demandé au Roy de Bithynie,
Dit Prusias, vers lequel s'ensuit.

Un chacun sçait qu'il fut le plus pollu De tous plaisirs, & le plus dissolu : Et que par fraude, & ses trahisons feintes. Il est venu de son nom aux atteintes. Plufieurs grands faits il feit en maintes terres : Mais qu'est ce au pris de mes bruits & tonnerres : A tous mortelz le cas est evident, Que si jugé n'eusse tout Occident Estre petit, ainsi que Thessalie, J'eusse pour vray (en vainquant l'Italie Tout conquesté sans occision nulle, Jusques au lieu des colomnes d'Hercule. Mais (pour certain) je n'y daignay descendre : Car feulement ce haut nom, Alexandre, Les feit mes ferfs, redoubtans mes merveilles Parquoy, Minos, garde que tu ne vueilles Devant le mien fon honneur preferer.

SCIPION

Entens ainçois ce que veux proferer, Juge Minos.

MIXOS

Comment es tu nommé:

SCIPION

Scipion fuis, l'Africain furnommé, Homme Rommain, de noble experience.

MINOS

Or parle donc : je te donne audience.

SCIPION

Certes mon cueur ne veult dire ou penser Chose pourquoy je desire exaucer La grand' hauteur de mes faits singuliers, Par sus ces deux belliqueux Chevaliers: Car je n'eus onc de vaine gloire envie: Mais s'il te plaist, Minos, entens ma vie.

Tu scais aflez que de mes jeunes ans Faits vitieux me furent desplaisans: Et que vertu je voulu tant cherir, Que tout mon cueur se mit à l'aquerir, Jugeant en moy science peu valoir, Si d'un haut vueil, & par ardant vouloir D'aquerir bruit & renom vertueux, N'est employée en œuvres fructueux. Brief, tant aimay Vertu, que des enfance Je fus nommé des Rommains l'esperance : Car quand plusieurs du Senat esbahis, De crainte, & peur, à rendre le païs Par maintesfois furent condescendans, Je de haut cueur, & affez jeune d'ans Sailly en place, ayant le glaive au poing, Leur remonstrant que pas n'estoit besoing, Que le cler nom que par peine & vertu Avions aquis, fust par honte abbatu: Et que celuy mon ennemy feroit, Qui la sentence ainsi prononceroit.

Lors estimans cela estre un presage, Et que les Dieux pour le grand avantage Du bien public, m'avoient donné haut cueur En aage bas, comme un fort belliqueur Fus esteu chef de l'armée Romaine: Dont sur le champ de bataille inhumaine Je sey jetter mes Bannieres au vent, Et Annibal pressay tant, & souvent; Qu'avec bon cueur, & bien peu de conduite Le fey tourner en trop honteuse fuite, Tant qu'en la main de Romme l'excellente Serve rendy Carthage l'opulente. Et toutessois les Rommains consistoires, Apres mes grans & louables victoires, Aussi humain & courtois m'ont trouvé, Qu'avant que susse esprouvé.

Tous biens mondains prifay moins que petit:
L'amour du peuple estoit mon apetit,
Et d'aquerir maints vertueux offices
A jeune Prince honnestes & propices.
Et d'autre part: de Carthage amenay
Maints prisonniers: lors que j'en retournay
Victorieux: desquelz en la presence
Par moy fut pris le poète Terence:
Dont aux Rommains mon faict tant agrea,
Qu'en plein Senat Censeur on me créa.

Ce fait, Asie, & Libye courus:
D'Egypte, & Grece à force l'amour eus.
Et qu'ainsi soit, sous querelle tresjuste
Par plusieurs sois ma puissance robuste
Ont esprouvé. Puis le Consu! voyant
Le nom Rommain jadis reslamboyant
Lors chanceler, soy ternir & abbatre,
Pour l'eslever sus conquerir & batre
Une Cité de force & biens nantie,
Dicte Numance, es Espaignes bastie.

Trop long feroit (Minos) l'entier deduire De mes hauts faits qu'on verra tousjours luire: Et, d'autre part, fimple vergongne honneste D'en dire plus, en rien ne m'admonneste: Parquoy à toy en laisse la choison, Qui sçais, où sont les termes de raison. Si t'adverty qu'onques malheur en riens Ne me troubla : ne pour comble de biens, Que me donnaît la Déeise Fatale, Close ne fut ma main tresliberale. Bien l'ont congneu, & assez l'esprouverent Apres ma mort ceux qui rien ne trouverent En mes tresors, des biens mondains delivres, Fors seulement d'argent quatre vingts livres.

Des Dieux aussi la bonté immortelle M'ha' bien voulu douër de grace telle, Que cruauté & injustice au bas Je dejetay, & ne mis mes esbats Aux vanitez & doux plaisirs menus De Cupido le mol fils de Venus, Dont les deduits & mondaines enquestes, Nuisantes sont à louables conquestes.

Tous lesquelz mots je ne dy pour tascher A leur honneur consondre ou surmarcher! Ainçois le dy, pour tousjours en prouësse Du nom Rommain soustenir la hautesse: Dont tu en as plus ouy referer, Que n'en pourroit ma langue proferer.

LA SENTENCE DE MINOS

CERTAINEMENT vos Martiaux ouvrages
Sont achevez de trefardans courages:
Mais s'ainsi est, que par vertu doive estre
Honneur aquis, Raison donne à congnoistre
Que Scipion jadis fuyant delices,

Et non faillant de Vertu hors des lices, D'honneur dessert le tiltre precieux Devant vous deux, qui fustes vitieux.

Parquoy jugeons Scipion preceder,
Et Alexandre Annibal exceder,
Et si de nous la sentence importune
Est à vous deux, demandez à Fortune,
S'elle n'ha pas tousjours favorisé
A vostre part. Apres soit advisé
Au trop ardant & outrageux desir,
Qu'eustes jadis de prendre tout plaisir
A (sans cesser) espandre sang humain,
Et ruiner de soudroyante main,
Sans nul propos la fabrique du monde:
Ou raison faut, Vertu plus n'y abonde.





LES TRISTES VERS

SUR LE JOUR DU VENDREDI SAINT

n est venu le jour en dueil tourné, Or est le temps plein de pleurs retourné: Or sont ce jour les sunerailles saintes De Jesuchrist, celebrées, & taintes D'aspre douleur: soyent donques rougistans

Ores nos yeux par larmes d'eux issans:
Tous estomacs, en griefs vices tombez,
Par coups de poing soient meurdris & plombez:
Quiconques ayme, exalte, & qui decore
Le nom de Dieu, & son povoir adore,
Cœuvre son cueur & sensitif expres
De gros sanglots s'entresuivans de pres.
Voicy le jour lamentable sur terre,

Voicy le jour lamentable sur terre, Le jour qu'on doibt marquer de noire pierre : Pourtant, plaifirs, amours, jeux, & banquets, Ris, voluptez, broquars, & fins caquets, Tenez vous loing: & vienne douleur rude, Soing, pleurs, foufpirs, avec folicitude. C'est le jour noir, auquel faut, pour pointure De dueil monstrer, porter noire tainture.

Soient donc vestus de couleur noire & brune Princes, Prelats, & toute gent commune: Viennent aussi avec robe de dueil, Jeunes & vieux, en plourant larmes d'œil: Et toute semme, ou liesse est aperte, De noir habit soit vestuë & couverte.

Rivieres, champs, forests, monts, & vallées, Ce jourdhuy soient tristes & desolées :

Bettes aussi privées & fauvages En douleur soient. Par sleuves & rivages Soient gemissans Poissons couvers d'escaille, Et tous Oyseaux paints de diverse taille.

Les Elemens, la Terre, & Mer profonde, L'Air, & le Feu, Lune, Soleil, le Monde, Le Ciel aussi de hauteur excellente, Et toute chose à present soit dolente : Car c'est le jour dolent, & douloureux, Triste, terny, trop rude, & rigoureux.

Maintenant donc faut usurper & prendre Les larmes d'œil, qu'Heracle sceut espandre : De Xenocrate ou de Crassus doibt on Avoir la face, & le front de Caton : La barbe aussi longue, rude, & semblable A celle là d'un prisonnier coulpable.

Porter ne vueille homme ou femme qui vive, Robe de pourpre, ou d'escarlate vive : Ne foit luisant la chaine à grosse boucle Desfus le col, ny l'ardante Escarboucle :
Ne vueille aucun autour des doigs cercler
Verte Esmeraude, ou Diamant trescler :
Sans peigner soit le poil au chef tremblant :
Et aux cheveux soit la barbe semblant :
Ne soit la femme en son cheminer grave,
Et d'eau de fard son visage ne lave :
Ne soit sa gorge en blancheur decorée,
Ne d'aucun art sa bouche colorée :
Ne soient les chefs des grands Dames coissez
D'ornements sin, de Gemmes estossez :
Mais sans porter Brasselts ne Carcans,
Prennent habits, signe de dueil marquans.

Car c'est le jour auquel le Redempteur, De toute chose unique Createur, Apres tourmens, labeurs de corps & veines, Mille soussiers, flagellements, & peines, Illusions de ces Juiss inhumains, Pendit en croix, encloué piedz & mains, Piquant' couronne au digne chef portant, Et d'amertume un brevage goustant.

O jour funebre! ô lamentable mort!
O cruauté, qui la penfée mord
De ceste gent prophane & incredule!
O fiere tourbe emplie de macule,
Trop plus subjette à rude selonnie,
Qu'Ours de Lybie, ou Tigres d'Hyrcanie,
Ne que le sale & cruel domicile,
Ou s'exerçoit tyrannie en Sicile,
Ainsi avez (Sacrileges) mouīllé
Vos mains au sang qui ne sut one souillé:
Et iceluy mis à mort par envie,
Qui vous avoit donné lumière & vie,

Manoirs & champs de tous biens plantureux, Puissant empire, & siege bienheureux: Et qui jadis, en faisant consommer Pharaon Roy dedans la rouge Mer, En liberté remit sous vos Monarches Tous vos parens, anciens Patriarches.

O crime, ô tache, ô monstre, ô cruel signe,
Dont par tout droit apparoit la racine
O faulse ligne extraite de Judée,
As tu osé tant estre outrecuidée,
De perdre cil, qui par siecles plusieurs
T'ha preservé par dons superieurs,
Et t'ha instruit en la doctrine exquise
Des saintes Loix du prophete Moyse,
En apportant sur le haut des limites
De Sinas les deux tables escrites,
Pour & asin qu'obtinses diademes?
O digne palme aux regions superiemes!

Las quelz mercis tu rends pour un tel don : O quel ingrat & contraire guerdon! Et quel péché fe pourroit il trouver Semblable au tien? point ne te peux laver.

A tous humains certes est impossible D'en perpetrer encor un si horrible: Car beau parler, ny foy ferme & antique, Religion, ne Vertu autentique Des peres faints, n'ont sçeu si haut atteindre Que ta fureur ayes voulu refraindre.

Des vray difans Prophetes les oracles, Ne de Jefus les apparens miracles De faux confeil ne t'ont fçeu revoquer, Tant t'es voulu à durté provoquer.

O gent fans cueur, gent de faulse nature,

Gent aveuglée en ta perte future,
En meurdrissant par peines & foiblesses
Un si grand Roy, de ton couteau te blesses:
Et qu'ainsi soit, à present tu en soussres
Cruelle geheine en seu, slambes, & soussres:
Si qu'à jamais ton tourment merité
Vois & verras: & ta Posterité
Si elle adhere à ta faute importune,
Se sentira de semblable fortune:
Car il n'y ha que luy qui sceust purger
Le trop cruel & horrible danger
De mort seconde, & sans luy n'auront grace
Vos fils vivans, n'aucune humaine race.

Quelconque Juif, pour tell' faute ancienne, N'ha siege, champ, ny maison qui soit sienne. Et tout ainsi que la forte tourmente En pleine Mer la nacelle tourmente, Laquelle estant sans mast, sans voile, & maistre De tous les vents à dextre & à fenestre Est agitée: ainsi estes, Juïfs, De tous costez dechassés & fuis. Vivans tousjours fous tributaire reigle. Et tout ainsi que le Cigne hait l'Aigle, Le Chien le Loup, Hannuier le François, Ainsi chacun, quelque part que tu sois, Hait & hairra ta faulse progenie, Pour l'inhumaine & dure tyrannie, Que feis à cil qui tant de biens t'offrit, Quand Paradis & les Enfers t'ouvrit.

O douce Mort par falut manifeste, Tu nous repais de viande Celeste: Par toy fuyons le regne Plutonique: Par toy gist bas le Serpent draconique: Car le jour vient agreable fur Terre, Le jour qu'on doibt noter de blanche pierre : Le jour heureux en trois jours furviendra, Que Jefuchrist des Enfers reviendra.

Parquoy, Pecheur dont l'Ame est delivrée, Qui ce jourdhuy portes noire livrée, Resiouy toy, pren plaisir pour douleur : Pour noir habit, rouge, & vive couleur : Pour pleurs, motets de liesse assignée : Car c'est le jour d'heureuse destinée, Qui à Satan prepare affliction, Et aux mortelz seure salvation.

Dont, congnoissant le bien de mort amere,
Doux Jesuchrist, né d'une Vierge mere,
S'il est ainsi que ton povoir honore,
S'il est ainsi que de bon cueur t'adore;
S'il est ainsi que j'ensuive ta Loy,
S'il est ainsi que je vive en ta Foy,
Et comme croy qu'es aux Gieux triomphant,
Secour (helas) un chacun tien ensant:
Si qu'en vivant soit en santé la vie,
Et en mourant aux Gieux l'Ame ravie.

DE L'AMOUR FUGITIF

DE LUCIAN

A DVINT un jour que Venus Citherée, Mere pour lors dolente & esplorée, Perdit son fils, qui ça & la voloit: Et ainsi triste, en haste s'en alloit
Par maint carroy, par maint canton & place,
Pour le chercher: puis sus quelque terrace,
Ou sun mont eslevé se plantoit,
Et devant tous à haute voix chantoit
Ce qui s'ensuit: Quiconques de bon vueil
M'enseignera ou au doigt, ou à l'œil,
En quelle voye, ou devers quel costé
Mon Cupido suyant s'est transporté:
Pour son loyer (qui faire le saura)
Un franc baiser de Venus il aura.
Et si quelcun prisonnier le r'ameine,
La mere lors, envers luy plus humaine,
Luy donnera (pour plus son cueur aiser,
Quelque autre don par dessus le baiser.

Toy qui iras, afin que par tous lieux
Ce faux garson puisses congnoistre mieux,
Je t'en diray vingt enseignes & taches,
Que finement faut qu'en memoire caches.
Blancheur aucune en luy n'est evidente,
Son corps est taint de rougeur tresardente,
Ses yeux persans, qui de travers regardent,
Incessamment estincellent & ardent:
Et son penser, cauteleux & frivole,
Jamais ne suit sa doucette parole,
Certainement le son de sa faconde
Passe en douceur le plus doux miel du monde:
Mais le droit sens, & la cause effective
Correspond mal à sa voix deceptive.

Si en colere il se prend à monter, Il porte un cueur impossible à dompter : Et de son bec il fait (tout au contraire) Tromper, seduire, & en ses lags attraire Les cueurs remplis d'aspre severité, Sans que jamais consesse verité.

Certes il est enfant plein de jeunesse, Mais bien pourveu d'astuce & de finesse: Souvent se jouë, & fait de l'inscient : Mais en jouant tasche à bon escient Faire son cas. Sur son dos outre plus, Pendent en ordre uns cheveux crespelus : Et en sa face, ayant siere apparence, Jamais n'y ha honte ne reverence.

Apres il ha (fi bien vous l'espiez) Petites mains, aveques petits piedz: Mais toutessois, en haut ou bas endroit, D'un petit arc tire fort loing, & droit.

Jadis frappa de fleche & vireton, Jufqu'aux bas lieux le cruel Roy Pluton : Et des Enfers les Ombres & Esprits Veirent leur Roy, d'amour vaincu & pris, Lors que dedans son grand Char stygieux Il emmena Proserpine aux beaux yeux.

Son corps ardant, enflambé de nature, Il ha tout nud, fans quelque couverture : Mais le cueur caut, & courage qu'il porte, Se vest de mainte & variable forte. Et davantage, en fouslevant en l'air Les membres siens, par un subtil voler, Aux Nymphes va, puis aux hommes descend : Et quand receu de bon gré il se sent, Son siege fait plus chaud que seu de pailles, Au plus profond de leurs cueurs & entrailles.

Petit & court est son Arc amoureux:
Mais le sien trait mortel & rigoureux
Va de droit fil jusques au Firmament,

Depuis qu'il est descoché fermement.
Sur son espaule ardante & colorée,
Tu verras pendre une Trousse dorée:
Et au dedans ses pestiseres traits,
Dont le cruel abuseur plein d'attraits
A bien souvent fait mainte playe amere,
Mesmes à moy qui suis sa propre mere.

Grieve chose est tout ce que j'ay dit ores:
Mais voicy (las) plus grieve chose encores:
Sa dextre main jette & darde un Brandon,
Qui brusle & ard sans mercy ne pardon
Les povres os. Brief, de son chaud extreme
Il brusleroit le bruslant Soleil mesme.

Si tu le peux donc trouver & atteindre, Et de cordons à fermes neudz estreindre, Meine le moy estroitement lié: Et si vers toy se rend humilié, N'en pren mercy, quoy que devant toy sace Tomber ses yeux larmes dessus sa face. Garde toy bien qu'en ce ne te deçoives: Et s'ainsi est, que sa bouche apperçoives Riant à toy, bien saut que te recordes De n'ordonner qu'on luy lache les cordes.

Si par doux mots te venoit incitant A te baiser, va cela evitant: Car (pour certain) en ses Levres habite Mortel venin, qui cause mort subite.

Et si de franc & liberal visage
Il te promet des dons à son usage,
C'est à savoir, Flesches & Arc Turquois,
La trousse painte, & le doré Carquois,
Fuy tous ces dons de nuisance & reproche:
Ilz vont bruslant tout ce qui d'eux s'approche.





DES

VISIONS DE PETRARQUE

DE THUSCAN EN FRANÇOIS



x jour estant seulet à la fenestre Vey tant de cas nouveaux devant mes yeux, Que d'en tant voir faché me convint estre: Si m'apparut une Biche à main dextre, Belle pour plaire au souverain des Dieux.

Chassée estoit de deux Chiens envieux, Un blanc, un noir, qui par mortel essort La gente Beste aux slans mordoient si fort, Qu'au dernier pas en brief temps l'ont menée Cheoir sous un Roc: & là, la cruauté De Mort, vainquit une grande beauté, Dont souspirer me seit sa destinée. Puis en Mer haute un Navire advisoye, Qui tout d'Hebene & blanc Yvoire estoit, A voiles d'Or, & à Cordes de Soye: Doux sut le Vent, la Mer paisible & coye, Le Ciel par tout clair se manisestoit. La belle Nes pour sa charge portoit Riches Tresors, mais tempeste subite En troublant l'Air, ceste Mer tant irrite, Que la Nes heurte un Roc caché sous l'onde. O grand' fortune! ô creuecueur trop gries, De voir perir, en un moment si bries, La grand' richesse à nulle autre seconde.

Apres je vy fortir djvins Rameaux
D'un Laurier jeune, en un nouveau Bocage,
Et me fembla voir un des Arbriffeaux
De Paradis, tant y avoit d'Oyfeaux
Diverfement chantans à fon ombrage.
Ces grans delits ravirent mon courage:
Et ayant l'œil fiché fur ce Laurier,
Le Ciel entour commence à varier,
Et à noircir: dont la Foudre grand'erre
Vint arracher celuy plant bienheureux,
Qui me fait estre à jamais langoureux,
Car plus telle ombre on ne recouvre en Terre.

Au mesme bois sourdoit d'un vis Rocher Fontaine d'eau murmurant soesvement : De ce lieu frais tant excellent & cher, N'osoient Pasteurs ne Bouviers approcher : Mais Mainte Muse, & Nymphe seulement, Qui de leurs voix accordoient doucement Au son de l'eau. La j'assis mon desir, Et lors que plus j'y prenois de plaisir, Je vy, helas, de Terre ouvrir un goussire.

Qui la Fontaine & le lieu devora. Dont le mien cueur grand regret encor ha, Et y pensant du seul penser je sousser.

Au bois je vy un seul Phenix portant
Aisles de Pourpre, & le Chef tout doré:
Estrange estoit, dont pensay en l'instant
Voir quelque corps Celeste, jusqu'à tant,
Qu'il vint à l'Arbre en pieces demouré,
Et au Ruisseau que Terre ha devoré.
Que diray plus? Toute chose ensin passe.
Quand ce Phenix vid les Rameaux en place,
Le tronc rompu, l'eau seche d'autre part,
Comme en desdaing, de son Bec s'est feru,
Et des Humains sur l'heure disparu:
Dont de pitié & d'Amour mon cueur ard.

Enfin je vy une Dame si belle,
Qu'en y songeant tousjours je brusle & tremble :
Entre herbe & sleurs pensive marchoit elle,
Humble de soy, mais contre Amour rebelle :
Et blanche cotte avoit, comme il me semble,
Faite en tel art, que Neige & Or ensemble,
Sembloient meslez · mais en sus la Ceinture,
Couverte estoit d'une grand Nue obscure,
Et au talon un Serpenteau la blesse,
Dont languissoit comme une sleur cueillie :
Puis asseurée en liesse est faillie.
Las, rien ne dure au monde, que tristesse.

O chanson mienne, en tes conclusions Dy hardiment ces six grans Visions A Monseigneur donnent un doux desir De briefvement sous la Terre gesir.





EPIGRAMME DE SALMONIUS

MIS DE LATIN EN FRANÇOIS

AU ROY

A Inst qu'un jour, au grand Palais, tes yeux Veirent dressez les Simulachres vieux

Des Roys François (Roy d'entre eux l'excellence)

Nombrer voulus tous par ordre & fequence

Les tiens Ayeulx, qui ont de main en main

Baillé le Sceptre à Prince tant humain:

Mais quand le lieu vuide tu vins à voir,

Lequel s'attend le tien image avoir,

Voyez (dis-tu) la place à moy promise,

Quand ceste chair au Tombeau sera mise.


Or je demande, en tenant ce propos, Fus-tu esmeu de la peur d'Atropos? Non: car tu as maugré Mort affeurance, Qu'entre les Dieux fera ta demeurance.





MAROT AU ROY

TOUCHANT LA METAMORPHOSE



labeur Poëtique, qui tant vous agreas, que par là je peusse devenir (au fort) le moindre de vos domestiques. Et pour ce faire, mis en avant, comme pour mon Roy, tout ce que je peu: & tant importunay les Muses, qu'elles ensin offrirent à ma plume inventions nouvelles & antiques, luy donnant le chois ou de tourner en nostre langue aucune chose de la Latine, ou d'escrire œuvre nouvelle, par cy devant non jamais veuë. Lors je consideroy que à Prince de haut esprit hautes

choses luy affierent : & tant ne me fiay en mes propres inventions, que pour vous trop basses ne les sentisse. Parquoy les laissant reposer jettay l'œil sur les Livres Latins : dont la gravité des sentences, & le plaisir de la lecture (si peu que j'y comprins) m'ont espris mes esprits, mené ma main, & amusé ma Muse. Que dy-je amufée? Mais incitée à renouveller, pour vous en faire offre, l'une des plus Latines antiquitez, & des plus antiques Latinitez. Entre lesquelles celle de la Metamorphofe d'Ovide me fembla la plus belle : tant pour la grande douceur du style, que pour le grand nombre des propos tombans de l'un en l'autre rar liaisons si artisicielles, qu'il semble que tout ne foit qu'un. Et toutesfois mal aifément (& peult estre point) ne se trouvera Livre, qui tant de diversitez de choses racompte. Parquoy, Sire, si la nature en la diversité se resjoüit, là ne se devra elle melancolier.

Pour ces raifons & autres maintes deliberay mettre la main à la besongne : & de tout mon pouvoir suivre & contrefaire la veine du noble Poëte Ovide, pour mieux faire entendre & scavoir à ceux qui n'ont la Langue Latine, de quelle forte il escrivoit : & quelle difference peult estre entre les Anciens & les Modernes. Outre plus, tel lit en maint passage les noms d'Apollo, Daphné, Pyramus & Tisbé, qui ha l'Histoire aufsi loing de l'esprit, que les noms prés de la bouche : ce qui pas ainsi ne iroit, si en facile vulgaire estoit mise ceste belle Metamorphose : laquelle aux Poëtes vulgaires & aux Paintres feroit trefproufitable : & aussi decoration grande en nostre langue : ven mesmement que l'arrogance Grecque l'ha bien voulu mettre en la fienne. Or est ainsi, que Metamorphofeest une diction Grecque, vulgairement signifiant transformation: Et ha vouln Ovide ainsi intituler fon Livre contenant quinze Volumes, pource qu'en iceluy il transforme les uns en Arbre, les autres en Pierres, les autres en Bestes, & les autres en autres formes. Et pour ceste mesme cause, je me suis pensé trop entreprendre de vouloir transmuër celuy, qui les autres transmuë. Et apres j'ay contrepensé, que double louange peut venir de transmuer un transmueur, comme d'affaillir un affailleur, de tromper un trompeur, & moquer un moqueur. Mais pour rendre l'œuvre presentable a si grande Majesté, faudroit premierement, que vostre plus que humaine puissance transmuast la Muse de Marot en celle de Mare. Toutesfois, telle qu'elle est, sous la consiance de vostre accoutumé bon recueil, elle ha (par maniere d'effay) traduit & parachevé de ces quinze Livres le premier : dont au Chasteau d'Amboise vous en pleut ouir quelque commencement. Si l'Efchantillon vous plaist, par temps aure; la Piece entiere : car la Plume du petit Ouvrier ne desire voler sinon là, où le vent de vostre Royale bouche la voudra poulser. Et à tant me tairay. Ovide reult parler.







LIVRE PREMIER

DE LA

METAMORPHOSE D'OVIDE

M'ha vivement incité le courage

A reciter maintes chofes formées,
En autres Corps tous nouveaux transformées.

Dieux fouverains, qui tout faire favez,
Puis qu'en ce poinct changées les avez,

Donnez faveur à mon commencement,
Et deduifez mes propos doucement,
A commencer depuis le premier naistre,
Du Monde rond, jusqu'au temps de mon estre.

1. Intention du Poete.

III.

Avant la Mer, la Terre, & le grand Oeuvre Du Ciel treshaut, qui toutes choses cœuvre, Il y avoit en tout ce Monde enorme Tant seulement de Nature une forme, Ditte Chaos, un monceau amassé, Gros, grand & lourd, nullement compassé. Brief, ce n'estoit qu'une pesanteur vile Sans aucun art, une masse immobile, La où gisoient les semences encloses, Desquelles sont produites toutes choses, Qui lors estoient ensemble mal couplées, Et l'une en l'autre en grand discord troublées.

Aucun Soleil encores au bas Monde N'eslargissoit lumiere claire & monde :

La Lune aussi ne se renouvelloit,
Et r'amener ses cornes ne souloit
Par chacun mois. La terre compassée
En l'air espars ne pendoit balancée
Sous son droit pois. La grand' fille immortelle
De l'Ocean, Amphitrite la belle
N'estendoit pas ces bras marins encores
Aux longues sins de la terre, ainsi qu'ores:
Et quelque part où fut la Terre, illec
Estoit le Feu, l'Air, & la Mer avec.

Ainsi pour lors estoit la Terre instable, L'air sans clarté, la Mer non navigable, Rien n'avoit forme, office ne puissance, Ainçois faisoit l'un aux autres nuisance, Car froid au chaud menoit guerre & discords: Sec à l'humide, & le tout en un corps: Avec le dur le mol se combatoit, Et le pesant au legier debatoit.

Mais Dieu, qui est la nature excellente,

Appaisa bien leur noise violente!:
Car Terre adonc du Ciel s'empara:
De Terre aussi les eaux il separa,
Et mit à part pour mieux faire leur paix
Le Ciel tout pur d'aveques l'Air espais.
Puis quand il eut demeslez & hors mis
De l'orde masse, iceux quatre ennemis,
Il va lier en concorde paisible
Chacun à part, en sa place duisible.

Le feu fans pois du Ciel courbe & tout rond Fut à monter naturellement prompt, Et occupa le degré plus hautain : L'Air le fuivit qui n'en est pas loingtain, Ains du cler feu approche grandement D'agilité, de lieu semblablement.

En espesseur la Terre les surpasse: Et emporta la matiere plus crasse Du lourd monceau: dont en bas s'avalla Par pesanteur. Puis la Mer s'en alla Aux derniers lieux sa demourance querre, Environnant de tous costez la Terre.

En tell' façon (quiconques ait esté Celuy des Dieux) quand il eut projetté Ce grand ouvrage & en membres dressée La grosse masse en ce poinct despecée, Il arrondit & feit la Terre au moule, Forme, & façon, d'une bien grande Boule, A celle fin qu'en son pois juste & droit Egale fust par un chacun endroit. Puis ça & là les grans Mers espandit, Et par grans Vents enssées les rendit,

^{1.} Chaos mué en quatre Elemens.

Leur commandant faire flotter leur onde Tout à l'entour des fins de terre ronde: Parmy laquelle adjousta grans Estangs, Lacs & Marests & Fontaines sortans: Et puis de bors & rives tournoyantes Ceintures feit, aux Rivieres courantes, Qui d'une part en la Terre se boivent: Autres plusieurs en la Mer se reçoivent. Et là au lieu de rives & de bors Ne battent plus que grans Hayres & Ports.

Aux Champs apres commande de s'estendre, Et aux Forests Rameaux & Fueilles prendre: Un chacun Val en pendant seit baisser, Et contre haut les Montagnes dresser.

Et tout ainsi que l'ouvrier advisé
Feit le haut Ciel par cercles divisé!:
Deux à la dextre, & sur senestre deux,
Dont le cinquiesme est le plus ardant d'eux:
Par tell' façon, & en semblable nombre
Il divisa Terre pesante & sombre:
Et en cela le haut Ciel ne l'excede:
Car comme luy cinq Regions possede,
Dont la moyenne habiter on ne peult,
Par le grand chaud qui en elle se meult:
Puis elle en ha deux couvertes de Neige:
Et au milieu de ces deux est le siege
De deux encor, que Dieu, qui tout ouvroit,
Amodera par chaud messé de froit.

Sur tout cela l'Air il voulut renger : Lequel d'autant comme il est plus leger Que Terre & l'Eau, d'autant est-il pesant

^{1.} La terre divisée en cinq zones.

Plus que le Feu, tant subtil & luisant. En celuy Air les nues & nuées Commanda estre ensemble situées: Et le Tonnerre & tempestes soudaines, Espouventans les pensées humaines: Semblablement avec la soudre ardante, Les Vents causans froidure morfondante.

A iceux Vents Dieux n'ha permis d'aller Confusément par la voye de l'Air: Et nonobstant que chacun d'eux exerce Ses sousslemens en region diverse, Encor' à peine on peult (quand s'esvertuent Y resister, qu'ilz ne rompent & ruent Le monde jus par boussemens austeres: Tant terrible est la discorde des frères.

Le Vent Eurus tout premier s'envolla !
Vers Orient, & occuper alla
Nabathe & Perfe, & les monts qui s'eslevent
Sous les rayons qui au matin se levent :
Zephirus sut sous Vesper resident,
Pres des ruisseaux tiedis de l'Occident.
Boreas froid envahit la partie

Septentrionne, aveques la Scythie.

Et vers Midy, qui est tout au contraire,
Auster moiteux jetta pluye ordinaire.

Sur tout cela que j'ay cy declairé,
Le grand ouvrier mit le Ciel etheré
Cler, pur, sans pois, & qui ne tient en rien
De l'espesseur, & brouas terrien.

A peine avoit tous ces œuvres hautains Ainsi assis en lieux seurs & certains,

^{1.} Les Regions des quatre Vents.

Que tout au tour du Ciel claires & nettes Vont commencer à luire les planettes, Qui de tout temps pressées & tachées Sous celle masse avoient esté cachées.

Aussi ann que region aucune Vuide ne sust d'animaux à chacune Propres & duits, les Estoiles & signes, Et des hauts Dieux les formes tresinsignes Tindrent le Ciel: Les poissons nets & beaux Eurent en part (pour leur manoir) les Eaux: La Terre apres print les bestes sauvages: Et l'air subtil Oyseaux de tous plumages.

La trop plus fainte & noble Creature ¹, Capable plus de haut fens par nature, Et qui fur tout pouvoit avoir puissance, Restoit encor. Or print l'homme naissance, Où l'ouvrier grand, de tous biens origine Le composa de semence divine:

Où Terre adonc (qui estoit separée Tout freschement de la part etherée) Retint en soy semence supernelle Du Ciel, qui print sa facture avec elle: Laquelle apres Prometheus messa En Eau de sleuve, & puis formée l'ha Au propre image & semblable essigie Des Dieux, par qui toute chose est regie.

Et neantmoins que tout autre animal lette tousjours fon regard principal Encontre bas, Dieu à l'homme ha donné La face haute, & luy ha ordonné De regarder l'excellence des Cieux,

^{1.} L'origine de l'homme.

Et d'eslever aux Estoilles ses yeux.

La Terre donc n'agueres defnuée
D'art, & d'image ainsi sut transmuée,
Et se couvrit d'Hommes d'elle venus,
Qui luy estoient nouveaux & incongnus.
L'aage doré sur tous resplendissant 1,
Fut le premier au monde sleurissant,
Auquel chacun, sans correcteur & loy,
De son bon gré gardoit Justice & Foy.
En peine, & peur aucun ne souloit vivre:
Loix menaçans ne se gravoient en cuivre
Fiché en murs: povres gens sans resuge
Ne redoutoient la face de leur juge:
Mais en seurté se favoient accointer,
Sans qu'il fallust Juge à les appointer.

L'arbre du Pin charpenté & fendu N'estoit encor des hauts monts descendu Sur les grans Eaux, pour flotter & nager, Et en pais estrange voyager.

Hommes mortels ne congnoissoient à l'heure Fors seulement le lieu de leur demeure : Fossez prosons, & murs de grans essors N'environnoient encor villes & forts : Trompes, Clairons d'Arain droit, ou tortu, L'armet, la lance, & le glaive pointu N'estoient encor. Sans usage & alarmes De Chevaliers, de Pietons : & Gensdarmes, Les gens alors seurement en tout cas Accomplissoient leurs plaisirs delicats.

La Terre aussi non froissée & feruë Par homme aucun, du soc de la charruë,

^{1.} Des quatre aages. De l'aage doré.

Donnoit de foy tous biens à grand' planté,
Sans qu'on y eust ne semé, ne planté:
Et les vivans contens de la pasture
Produite alors sans labeur ne culture,
Cueilloient le fruict des sauvages Pommiers,
Fraises aux monts, les Cormes aux Cormiers:
Pareillement les Meures, qui sont jointes
Contre buissons pleins d'espineuses pointes,
Avec le Gland qui leur tomboit à gré
Du large Chesne à Juppiter sacré.

Printemps le vert regnoit incessamment,
Et Zephirus souspirant doucement
Soesues rendoit, par tiedes alenées,
Les belles fleurs sans semence bien nées,
Terre portoit les fruits tost & à poinct,
Sans cultiver. Le champ sans estre point
Renouvellé, par tout devenoit blanc,
Par force espics pleins de grain bel & franc,
Prests à cueillir. Fleuves de laict couloient:
Fleuves de Vin aussi couler sousoient:
Et le doux Miel, dont lors chacun goustoit,
Des arbres verts tout jaune degoutoit.

Puis quand Saturne, hors du beau regne mis, Fut au profond des Tenebres transmis, Sous Juppiter estoit l'humaine Gent: Et en ce temps survint l'Aage d'Argent¹, Qui est plus bas que l'Or tressouverain, Aussi plus haut & riche que l'Arain.

Ce Jupiter abaissa la vertu

Du beau Printemps, qui tousjours avoit eu

Son cours entier, & sous luy sut l'Année

^{1.} L'aage d'Argent.

En quatre parts reduite & ordonnée : En froid Hyver, & en Elté qui tonne, En court Printemps, & variable Autonne.

Lors commença blanche & vive fplendeur Reluire en l'Air espris de seche ardeur. D'autre costé survint la Glace froide Par Vents d'Yver penduë estrainte & roide. Lors on se print à musser sous Maisons: Maisons estoient, Cavernes, & Cloisons, Arbres espais, fresche Ramée à sorce, Et verds Osiers joints aveques Escorce.

Lors de Ceres les bons grains fecourables Sous longs Seillons de Terres labourables Sont enterrez: & furent Bœufs puisants Pressez du Joug, au labeur mugistans.

Apres cestuy, troisiesme succeda L'aage d'Arain, qui les deux exceda D'engin mauvais: & plus audacieux Aux armes sut, non pourtant vicieux.

Le dernier est de Fer dur & rouillé ², Où tout soudain chacun vice brouillé Se vint sourrer, comme en l'aage total Accomparé au plus meschant Metal.

Honneste Honte & Verité certaine
Aveques Foy prindrent fuite loingtaine:
Au lieu desquelz entrerent Flaterie,
Deception, Trahison, Menterie
Et Folle amour, Desir, & Violence
D'aquerir gloire, & mondaine opulence.
Telle avarice adonc, le plus souvent

^{1.} L'aage d'Arain.

^{2.} L'aage de Fer.

Pour pratiquer, mettoit voiles au vent, Lors mal congneu du Nautonnier & maistre. Et mainte Nef, dont le bois fouloit estre Planté debout sur montagnes cornuës, Nageoit, fautoit par vagues incongnuës.

Mefmes la terre (avant aufii commune, Que la clarté du Soleil, Air & Lune) Fut divifée en bornes, & partis Par mefureurs fins, cauts, & deceptifs.

Ne feulement humaines Creatures Chercherent bledz & autres nourritures: Mais jusqu'au fons des entrailles allerent De Terre basse, où prindrent & fouillerent Les grans tresors & les richesses vaines, Qu'elle cachoit en ses profondes veines: Comme Metaux, & pierres de valeurs, Incitemens à tous maux & malheurs.

Ja hors de Terre estoit le Fer nuisant, Aveques l'Or, trop plus que Fer cuisant: Lors Guerre fort, qui par ces deux Metaux Fait des combats inhumains & brutaux, Et casse & rompt de main sanguinolente Armes cliquans sous force violente.

On vid desja de ce qu'on emble & oste: Chez l'Hostelier n'est point asseuré l'Hoste, Ne le Beaupere aveques le sien Gendre: Petite amour entre Freres s'engendre.

Le Mary s'ossre à la mort de sa semme: Femme au Mary fait semblable dissame: Par maltalent les Marastres terribles Messent souvent venins froids & horribles: Le sils, asin qu'en biens mondains prospere, Souhaite mort (avant ses jours) son Pere.

Dame Pitié gist vaincue & outrée : Justice aussi, la noble vierge Astrée, Seule & derniere apres tous Dieux sublimes, Terre laissa tainte de sang & crimes.

Auffi afin que le Ciel etheré,
Ne fust de soy plus que Terre asseuré,
Les siers Geants (comme on dit) assecterent
Regner aux Cieux: & contremont dressernt,
Pour y monter, mainte Montagne mise
L'une sur l'autre. Adonques par transmise
Foudre du Ciel, l'Omnipotent facteur
Du mont Olympe abbattit la hauteur:
Et debrisa en rusne sort grosse
Pelion, mont, assis sur celuy d'Osse.

Quand par fon pois ces corps faux & cruelz 1, Furent gifans, derompuz & tuez,
La Terre fut mouillée en façon telle,
De moult de fang des Geants, enfans d'elle,
Que (comme on dit) trempée s'enyvra,
Puis en ce fang tout chaud, Ame livra:
Et pour garder enfeigne de la race
En feit des corps portans humaine face:
Mais cefte gent fut aîpre & despiteuse,
Blasmant les Dieux, de meurdres convoiteuse:
Si qu'à la voir, bien l'eussiez devinée
Du cruel sang des Geants estre née.

Cecy voyant des hauts cieux Juppiter, Crie, gemit, fe prend à despiter, Et sur le champ par luy sut allegué Un autre faict, non encor' divulgué, Des banquets pleins d'horreur espoventable.

^{1.} Le fang des Geants transmué en Hommes cruelz.

Que Lycaon preparoit à fa table:

Dont en fon cueur ire va concevoir

Telle qu'un Roy, comme luy, peult avoir:

Et fon confeil appella hautement.

Dont les mandez vindrent subitement.

Or d'icy bas, là fus au lieu celeste Est une voye aux humains maniseste 1 Semblable à laict, dont laictée on l'appelle, Aisée à voir, pour sa blancheur tant belle : Et par icelle est le chemin des Dieux, Pour droit aller au Trosne radieux Du grand Tonnant, & sa maison Royalle. En ce lieu blanc, des nobles Dieux la falle Fut frequenté alors par tout son estre, A huys ouverts, sur dextre & à senestre.

Les moindres Dieux en divers lieux s'assirent : Et les puiffans leurs riches fieges mirent Vers le haut bout : brief, telle est ceste place, Oue si i'avois de tout dire l'audace, Je ne craindrois dire que c'est la mesme, Ou'est du haut Ciel le grand Palais supreme. Donc quand les Dieux furent en ordre assis Aux sieges bas, faits de Marbres massifs, Juppiter mis au plus haut lieu de gloire, Et appuyé fur fon Sceptre d'Yvoire, Comme indigné, par trois fois, voire quatre, De fon grand Chef feit bransler & debatre L'horrible poil : duquel par son povoir, Feit Terre & Mer, & Estoilles mouvoir: Puis tout despit devant tous il desbouche En tell' façon son indignée bouche.

t. Du cercle laité.

Je ne fus onc pour le Regne mondain Plus trifte en cueur, de l'orage foudain Auquel Geants, qui ont ferpentins piedz, Furent tous prefls, quand fusmes espiez, De tendre & mettre au Ciel recreatif Chacun cent bras, pour le rendre captif.

Car neantmoins que l'ennemy fust tant Cruel & fier, celle guerre pourtant Ne dependoit que d'une feule fuite, Et d'une ligne en fin par moy destruite : Mais maintenant en toute vove & trace, Par où la Mer le monde entier embraise, Perdre & tuer me faut, pour fon injure, Le mortel genre. Et qu'ainfi foit, j'en jure Des bas Enfers les eaux noires & creufes. Coulans fous terre aux forests tenebreuses : Quoy que devant faut toute chofe vraye Bien esprouver: mais l'incurable plave Par glaive faut tousjours coupper à haste Que la part faine elle n'infecte & gaste. J'ay en forests, & sur fleuves antiques Mes Demidieux, & mes Faunes rustiques, Satyres gays, Nymphes nobles compagnes, Et mes Sylvains residents aux montagnes : Lesquelz d'autant que ne les fentons dignes D'avoir encor les gloires celestines, Souffrons, au moins, que seurement & bien Ilz puissent vivre en terre, que du mien Leur av donnée. O Dieux intercesseurs, Les pensez vous en bas estre assez seurs : Quand Lycaon, noté de felonnie, A conspiré mortelle vilenie Encontre moy, qui par puissance eterne,

La foudre, & vous çà haut tiens, & gouverne?

Lors tous ensemble en fremissant murmurent:
Et Juppiter (d'ardant desir qu'ilz eurent)

Vont suppliant qu'en leurs mains vueille mettre
Cil qui osa telle chose commettre.

Ainsi au temps que la cruelle main D'aucuns, voulut tenir le nom Rommain, Tendant au fang Cefarien espandre, Pour la terreur d'un tant subit esclandre. Fut l'humain genre asprement estonné, Et tout le monde à horreur adonné. Et la pitié des tiens, O preux Auguste, Ne te sut pas moins agreable & juste, Que ceste cy à Juppiter insigne:
Lequel apres avoir par voix & signe Refraint leur bruit, chacun d'eux feit silence.

Le bruit ceffé par la grave excellence Du haut regent, derechef tout despit, D'un tel propos le filence rompit.

Les peines ha (ne vous chaille) fouffertes : Mais quoy qu'il ayt receu telles dessertes, Si vous diray-je en resolution, Quel est le crime, & la punition.

De ce dur temps l'infamie à merveilles Venoit fouvent jusques à nos oreilles: Lequel rapport defirant estre faux, Subit descens des Cieux luisans & hauts, Et circuy le terrestre dommaine, Estant vray Dieu dessous figure humaine.

Fort long seroit vous dire (ô Dieux sublimes) Combien par tout il sut trouvé de crimes: Car l'infamie, & le bruit plein d'opprobre Bien moindre sut que la verité propre. De Menalus traversay les passages, Craints pour les trous des grans bestes fauvages, Et les hauts Pins du froid mont Lyceus, Et Cyllené. Quand cela passé eus, Du Roy d'Arcade es lieux me viens renger, Et en sa Court dangereuse à loger. Entre tout droit, au poinct que la serée Tire la nuict d'un peu de jour parée.

Par fignes lors monstray que j'estois Dieu Venu en Terre : & le Peuple du lieu A m'adorer ja commence, & m'invoque : Mais Lycaon (d'entrée) raille & moque Leurs doux priers, en disant : Par un gries Et cler peril, j'esprouveray de bries, Si mortel est ce Dieu cy qu'on redoute, Et n'en sera la verité en doute.

Puis quand ferois la nuict en pefant fomme, A me tuer s'appreste ce faux homme, De mort subite : icelle experience De verité luy plaist (d'impatience).

Et non content est de si grieve coulpe:
Mais d'un poingnard la gorge il ouvre & coupe
A un qui là fut en hostage mis,
De par les gens de Molosse transmis:
Et l'une part des membres de ce corps
Va faire cuyre ainsi à demy morts
En eau bouillant, rendant l'autre partie
Sus ardant feu, de gros charbons rosse:
Lesquelz fur table ensemble met & pose:
Dont par grand seu, qui vengea telle chose,
Sur le Seigneur tombay la maculée
Orde maison digne d'estre brussée.

Adonc s'enfuit troublé de peur terrible :

Et aussi tost qu'il sentit l'air paisible
Des champs & bois, de hurler luy sut force:
Car pour neant à parler il s'efforce,
Son museau prend la fureur du premier,
Et du desir de meurdres coutumier
Sur les Aigneaux or' en use & jouit,
Et de voir sang encores s'esiouit,
Ses vestements poil de beste devindrent,
Et ses deux bras saçon de cuisses prindrent:
Il sut faict Loup, & la marque conforme!
Retient encor de sa premiere forme:
Tel poil vieillard, & tell' frayeur de vis
Encores ha: semblables yeux touts viss
Ardent en luy. Brief, tell' figure porte
De cruauté, comme en premiere sorte.

Or est tombé un manoir en ruine²,
Mais un manoir tout seul n'ha esté digne
D'estre pery: par tout où paroist terre
Regne Erinnys, aymant peché & guerre:
Et si diriez que tous ilz ont juré
De maintenir vice desmesuré.
Tous donques soient par peine meritée
Punis acoup: C'est sentence arrestée.

Alors de bouche aucuns des Dieux approuvent L'arrest donné par Juppiter : & mouvent Plus son courroux. Les autres rien ne dirent, Mais (sans parler) par signe y consentirent. Ce neantmoins du genre humain la perte A tous ensemble est douleur tresaperte : Et demander vont à Juppiter, quelle

^{1.} Lycaon transformé en Loup.

^{2.} Deluge.

Forme adviendra fur la terre, apres qu'elle Sera privée ainsi d'hommes mortelz : Qui portera l'Encens fur les Autelz : Et si la Terre aux bestes veult bailler, Pour la destruire & du tout despouiller.

Alors defend Juppiter, & commande
A un chacun qui tell' chose demande,
De n'avoir peur, disant qu'à ce besoing,
De toute chose il ha la cure & soing:
Et leur promet lignée non semblable
Au premier peuple, en naissance admirable.
Soudain devoit pour mettre humains en poudre,
Par toute terre espandre ardante soudre:
Mais il craingnit que du Ciel la facture,
Par tant de seux, ne conceust d'aventure
Quelque grand slamme: & que soudainement
Brusé ne sust le haut Firmament.

Puis luy fouvint qu'il est predestiné, Qu'advenir doibt un temps determiné, Que Mer, que Terre, & la maison prisée Du Ciel luisant, ardra toute embrasée: Et qu'on doibt voir le tresgrand Edince Du Monde rond, en labeur & supplice.

Lors on cacha les Dards de feu chargez, Des propres mains des Cyclopes forgez: Et d'une peine au feu toute contraire Luy plaift user: car sous eaux veult dessaire Le mortel genre: & sur les Terres toutes, De tout le Ciel jetter pluyes & goutes.

Incontinent aux cavernes d'Eole Enclost le vent Aquilon qui tost vole : Semblablement en ses sosses estuye Tous vents chassans la Nue apportant pluye :

Ш.

Et feulement mit Notus hors d'icelles.
Lors Notus vole avec fes moites aisles:
Son vis terrible est couvert ceste fois
D'obscurité: noire comme la poix:
Par force d'eau sa barbe poise toute:
De ses cheveux tous chenus eau degoute,
Dessus fon front moiteurs coulent & filent:
Son sein par tout, & ses plumes distillent.

Puis quand il eut çà & là nuës maintes Pendans en l'air dedans fa main estraintes, Gros bruit se fait : esclers en terre abondent, Et du haut Ciel pluyes espesses sondent.

Iris ausii, de Juno messagere, Vestant couleurs de façon estrangere, Tire & conçoit grandes eaux & menuës, En apportant nourrissement aux nuës: Dont renversez sont les Bledz à outrance, Morts sont & vains les vœux, & l'esperance Des Laboureurs: & sut perdu adonc Tout le labeur de l'An qui est si long

Encor pour vray lire ouverte & patente
De Juppiter, ne fut affez contente
Des grandes eaux, que de fon ciel jetta:
Mais Neptunus fon frere s'appresta,
De promptement à fon ayde envoyer
Grand renfort d'eaux, pour le Mondeznoyer.
Et à l'instant tous ses sleuves il mande:
Lesquelz entrez dedans la maison grande
De leur Seigneur, en brief dire leur vient.

Pour le present user ne vous convient De long propos : vos forces descouvrez,

t. Deluge.

Ainfi le faut & vos Maifons couvrez : Puis en oftant vos obítacles & bondes Lachez la bride à vos eaux furibondes.

Ce Commandé, s'en revont à grans courses: Tous les ruisseaux l'entrée de leurs sourses Lachent à plein, & d'un cours essené Tout à l'entour des grans Mers ont tourné.

Neptune adonc de son sceptre massif,
Frappa la terre, & du coup excessif
Elle trembla: si que du mouvement
Elle seit voye aux eaux apertement.
Si vont courant tous sleuves espandus
Parmy les champs ouverts & estendus,
En ravissant avec les fruits les arbres,
Bestes, humains, maisons, palais de marbres:
Sans espargner Temples paints & dorez
Ne leurs grans Dieux sacrez & adorez.

Et s'ainsi est qu'aucun logis debout
Soit demouré en resistant du tout
A si grand mal, toutessois l'eau plus haute
Cœuvre le fest, & par dessu luy saute.
Que diray plus? grandes tours submergées
Cachées sont sous les eaux desgorgées:
Et n'y avoit tant soit peu d'apparence,
Qu'entre la Mer, & Terre eust disserence:
Tout estoit Mer: en la Mer, qui tout bagne,
N'ha aucun borts. L'un pour se sauver gaigne
Quelque haut mont. L'autre tout destourbé
Se sied dedans un Navire courbé:
Et droit au lieu il tire l'aviron,
Ou labouroit n'ha gueres eviron.

L'un fur les bledz conduit Nefs & Bateaux, Ou fur le haut des villes & chateaux, Qui font noyez: l'autre fur les grans Ormes Prend à la main poissons de maintes formes, L'ancre de Mer se fiche, au pré tout vert: Fortune ainsi l'ha voulu, & soussert.

Bateaux courbez couvrent les beaux vignobles Gifans fous l'Eau, & plutieurs terres nobles : Et au lieu propre, ou Chevres, & Moutons Broutoient n'ha gueres herbes, fleurs, & boutons, Là maintenant Baleines monftrueuses Posent leurs corps. Les Nymphes vertueuses Regnans en Mer, & belles Nereides S'estonnent fort de voir sous eaux liquides Forests, maisons, villages, & citez. Par les Dauphins les bois sont habitez, Et en courant parmy les hauts rameaux Heurtent maint tronc agité des grans eaux.

Entre Brebis nagent Loups ravissans:
La Mer foustient les roux Lyons puissans:
Tigres legers porte l'eau ondoyante:
De rien ne fert la force foudroyante
Au dur Sanglier: ne les jambes agiles,
Au Cerf ravy par les ondes mobiles.

Et quand l'oiseau vagant ha bien cherché Terres, ou arbre, ou puisse estre branché, A la fin tombe en la Mer amassée, Tant ha du vol chascune aisle lassée.

Ja de la Mer la fureur à grans brasses Avoit couvert & mottes, & terraces: Vagues aussi, qui de nouveau slottoient, Les hauts sommets des montagnes battoient, Brief, la pluspart gist engloutie & morte⁴ Dedans la Mer. Ceux que la Mer n'emporte, Le long jeusner de tell' saçon les mine, Qu'à la parfin tombent morts de famine.

Or feparez font les champs trefantiques Aoniens d'avecques les Attiques De par Phocis Terre grace, j'entens, Quand Terre ettoit : mais en iceluy temps Le plus grand part n'ettoit que Mer comblée Et un grand champ d'eau fubit affemblée.

En ce Païs Parnafus le haut mont Tendant au Ciel, se dresse contre mont A double crouppe: & les nues furpaise De sa hauteur. Sur cette haute place, Pource que Mer couvroit le demourant, Deucalion aborda tout courant En une Nef, qui grande n'estoit mie, Avec Pyrrha fa compagne & amie. Les Dieux du mont, & Nymphes Corveides Là adoroient, prians à leurs fubfides Themis, difant les chofes avenir. Oui lors fouloit des oracles tenir Le temple faint : onques ne fut vivant Meilleur que luy, ne de plus enfuivant Vraye equité, & n'eut onc au monde ame Plus honorant les Dieux qu'icelle dame.

Quand Juppiter veit par l'eau continue Que Terre estoit un estang devenue, Et ne rester de tant de miliers d'hommes Maintenant qu'un sur la terre où nous sommes. Et ne rester de tant de semmes qu'une: Voyant aussi, que sans malice aucune Tous deux estoient: & tous deux amateurs De son faint nom, & vrays adorateurs: Cela voyant, les nues qui tant pleurent, Rompt, & separe. Et quand les pluyes furent

Par Aquilon chassées en maints lieux, Aux Cieux la Terre, à la Terre les Cieux Il va monstrer: aussi l'ire & tempeste De la marine illec plus ne s'arreste.

Puis Neptunus, fur la Mer prefidant. En mettant jus son grand Sceptre & Trident. Les Eaux appaife, & huche, fans chommer, Le vert Triton, flottant dessus la Mer. Le dos couvert de pourpre faict expres Sans artifice: & luy commande apres Souffler dedans la resonnant' buccine : Et r'appeller, apres avoir fait signe, Fleuves & Flots, Lors Triton prend & charge Sa trompe creuse entortillée en large, Et qui du bas vers le haut croist ainsi. Ou'un tourbillon : laquelle trompe aussi Apres qu'elle ha prins Air tout au milieu De la grand Mer, chacun rivage & lieu Gifant fous l'un & fous l'autre Soleil Elle remplit de son bruit non pareil: Laquelle aussi (quand elle sut joingnante Contre la bouche à Triton, degoutante Pour la moiteur de sa barbe chargée. Et qu'en foufflant la retraite enchargée Elle eut fonné) par tout fut entenduë, Des eaux de terre, & de mer estendue. Tant que les eaux qui l'ouïrent corner, Contraingnit lors toutes s'en retourner.

Desja la Mer prend borts & rives neuves: Chacun canal se remplit de ses steuves Fleuves on voit baisser & departir, Et hors de l'eau les montagnes sortir: Terre s'esleve, & les Cieux, qui paroissent, Croissent ainsi comme les eaux descroissent.

Long jours apres, Bois & Forests mouillées,
Manisestoient leurs testes despouillées
De fueille & fruict: au lieu de quoy retindrent
Les gras limons, qui aux branches se prindrent
Restably sut tout pass despourveu,
Lequel essant par Deucalion veu

Large & ouvert, & que terrestre voye Mise en desert faisoit silence quoye, La larme à l'œil adonc il souspira,

Parlant ainsi à sa semme Pyrrha!:

O chere espouse, ô ma sœur honorée.
O semme seule au monde demourée,
Que commun sang, puis parenté germaine,
Puis mariage ont jointe à moy prochaine.
Et à present jointe à moy dereches!
Par ce peril & dangereux mesches
De toute Terre, & pass evident
De l'Orient, & de tout l'Occident:
Nous deux seulets sommes tourbe du monde:
Le residu possede Mer prosonde:
Et n'est encor la sance, & durée

De nostre vie assez bien asseurée: Et d'autre part les Nuës qu'icy hantent, Nostre pensée asprement espouventent.

Si par fortune eschappée sans moy Fusses des eaux, quel courage or' en toy Fust demouré? O chetive & dolente, Comme eusses tu tell' crainte violente Seule soussesses qui te sust consoleur, Pour supporter maintenant ta douleur?

1. Deucalion à Pyrrha:

Certes, croy moy, si l'eau t'avoit ravie
Je te suivrois, & l'eau auroit ma vie.
Que pleust aux Dieux, qu'un si grand povoir j'euse
Que par les arts de mon pere je peusse
Renouveller toute gent consommée,
Et mettre esprit dedans Terre sermée.

Le genre humain reste en nous deux: & pource Doibt en nous deux prendre sin, ou resource: Et des Humains demourons la semblance: Telle ha esté des hauts Dieux l'ordonnance.

Apres ces mots, apres pleur & crier, Bon leur fembla devotement prier Themis celefte, & fous divins miracles Chercher fecours en fes facrez oracles.

Lors n'ont tardé: tous deux s'en vont aux ondes De Cephifus, non bien cleres & mondes Encor du tout: mais bien ja retirées Au droit vaisseau, duquel s'estoient tirées. Et quand jetté eurent de l'eau benie Sur leurs habits en grand cerimonie, Et sur leurs chefs, ilz prindrent leur adresse Droit vers le Temple à la facre Déesse, Dont les sommets, & voultes se gastoient De laide mousse: & les autelz estoient Sans facrisice: & les Lampes esteintes.

Puis quand du Temple ont les marches atteintes Un chacun d'eux s'incline contre Terre, Et tout craintif baife la froide Pierre, Difant ains: Si en triftes faisons Les Dieux vaincus par justes oraisons Sont amollis: & si courroux & ire Flechit en eux, helas, vueilles nous dire, Dame Themis, par quel art, ou favoir Reparable est la perte que peux voir De nostre genre : & aux choses noyées Tes aydes soient par douceur ottroyées.

Adonc s'efineut ce divin fimulacre, Et leur refpond: Partez du Temple facre, Couvrez vos Chefs en devotions faintes. Et desliez vos Robes qui font ceintes, Apres jettez fouvent par fus le dos De vostre Antique & grand Mere les os.

Lors esbahis demeurent longuement: Et puis Pyrrha parlant premierement Rompt la filence, & d'obeïr refuse Aux mots & dits dont celle Déesse use: En la priant (avec craintive face) Devotement, qu'en ce pardon luy face: Et d'offenser craint de sa Mere l'Ame, Jettant ses os, & de luy saire blasme.

Tandis entre eux revolvent & remirent Les mots obscurs de l'Oracle, qu'oyrent Sous couverture ambigue donné, Deucalion (comme moins estonné) R'affeure apres, & doucement confole La femme timple, avec telle parolle : Croy moy, Pyrrha, que les dieux pour nous veillent: llz font tous bons, & jamais ne confeillent Rien de mauvais & fi trop fort je n'erre, Nostre grand'mere antique c'est la Terre. Ses offemens (felon le mien recors) Les Pierres font, qu'elle ha dedans fon corps : Et commandé nous est de les lancer Derriere nous. Combien qu'en bon penser Pyrrha fuft meuë à cause de l'augure, Que fon mary bien expose & figure :

Ce nonobstant son espoir est douteux,
Et moult encor se dessient tous deux
De cest Oracle. En apres vont disant:
Mais que nuira l'espreuve ce faisant?
Sur ce s'en vont du Temple ou s'humilient,
Couvrent leurs Chefs & leurs Robbes deslient,
Et derriere eux (à toutes adventures)
Comme on leur dit, jettent les Pierres dures 1.

Les Pierres lors vindrent à delaisser Leur dureté, & rudesse abaisser, A s'amollir, & en amolissant : Figure humaine en elles fut yssant : Mais qui croira que ce soit verité, Si pour tesmoing n'en est l'antiquité?

Bien tost apres que croissance leur vint Et que nature en icelle devint Plus douce & tendre, aucune forme d'homme On y peut voir, non pas entiere, comme Celle de nous, mais ainsi qu'esbauchée D'un marbre dur, non assez bien touchée, Et ressembloit du tout à ces images, Mal rabotez, & rudes en ouvrages.

Ce neantmoins des Pierres la Partie
Qui fut terreuse, ou molle, ou amoitie
D'aucun humeur, elle fut transformée
En chair & sang d'homme ou semme formée.
Ce qui est dur & point ne sechissoit,
En ossement tout se convertissoit:
Ce qui estoit veine de Pierre à l'heure,
Fut veine d'homme, & sous son nom demeure.
Si qu'en brief temps les Pierres amassées,

^{1.} Pierres converties en hommes & femmes.

Qui par les mains de l'homme font lancées, Des hommes ont (par le pouvoir des Dieux) Prins la figure en corps, en face, & yeux : Auffi du ject de la femme egarée La femme fut refaite & reparée. Et de là vient, que fommes (comme appert) Un genre dur, aux gros labeurs expert : Et bien donnons entiere congnoissance, D'où nous fortons & de quelle naissance.

Quand l'humeur vieille alors des eaux laissée 1, Fut par l'ardeur du cler Soleil pressée D'eschaussoison, & que paluds & fanges Furent enslez sous ces chaleurs estranges, Terre engendra tous autres animaux De son vueil propre, en formes inegaux. Pareillement les semences des choses Concevans fruict, nourries & encloses En Terre grasse à produire propice, Comme au gyron de leur mere & nourrice, Vindrent à croistre, & demourance y tindrent Si longuement, qu'aucune forme prindrent,

Qu'il foit ainsi, quand l'eau du Nil qui court
Par sept tuyaux, a delaissé tout court
Les Champs mouillez & chacun sien Ruisseau
Rendu dedans son antique vaisseau:
Apres ausi que le Lymon tout frais
Est eschaussé du Soleil & ses rais,
Les Passans plusieurs animaux trouvent,
Faits & crées de motes où se couvent:
Et en peult on en elles voir assez,
Qui seulement ne sont que commencez

^{1.} La terre transformée en diverses figures d'Animaux.

Pour le brief temps de leur tout nouveau naistre. Semblablement d'autres y voit on estre Tous imparfaits, qui à demy font nez, D'Espaules, Teste, ou Jambes, trançonnez. Et du corps mesme imparfaict, l'une part Bien souvent vit: l'autre est Terre sans art.

Certes apres qu'humeur de froid esprise, Et chaleur aspre ont attrempance prise, Produisans sont, & conçoivent & portent, Et de ces deux toutes les choses sortent.

Et quoy que feu à l'eau contraire foit, Humide chaud toutes choses conçoit : Et parainsi concorde discordante A geniture est apte & concordante.

Donques apres que la Terre moùillée, Et du nouveau Deluge fort foùillée, Vint à fentir de rechef le grand chaud De l'Air prochain & du Soleil treshaut: Elle meit hors cent mille especes siennes: Et d'une part les sormes anciennes Restitua, jadis mortes des eaux. Et l'autre part seit Monstres tous nouveaux.

O grand Python monstre horrible & infect 1, Terre voudroit (certes) ne t'avoir fait, Mais toutesfois elle (dont se repent) T'engendra lors : à incongneu Serpent Au peuple neus! aussi crainte donnois Tant large lieu de Montagne tenois.

Or Apollo tenant pour faire alarmes L'arc & la Fleche, & qui de telles armes Par cy devant n'ufoit jamais que contre

^{1.} La mort du Serpent Python, dont vindrent les jeux nommez les Pythes.

Chevres fuyans ou Dains: à fa rencontre, Ce gros Serpent rua mort estendu, Par coups noircis de venin espandu, Sous tant de traits tirez à tell' secousse, Que toute vuide en sut quasi sa trousse.

Et puis afin que vieil temps advenir, Ne sceust du fait la memoire tenir, Il establit facrez jeux & esbas Solennisez par triomphans combats Pythies dits, du nom du grand Python Serpent vaincu: pour cela les feit on.

En celuy pris quiconques jeune Enfant A luicte, à courfe, ou au char triomphant Effoit vainqueur, par honneur fingulier Prenoit Chappeau de Fueilles de Meflier, Car le Laurier encores ne regnoit: Et en ce Temps Phebus environnoit Sa blonde Teste à long poil bien feante De chacun Arbre, & Fueille verdoyante.

L'Amour premiere au cueur de Phebus née Ce fut Daphné, Fille au Fleuve Penée:
Laquelle Amour d'aucun cas d'adventure
Ne luy furvint, mais de l'ire & pointure
De Cupido. Phebus tout glorieux
D'avoir vaincu le Serpent furieux,
Veit Cupido qui de Corde nerveuse
Bendoit son Arc de Corne somptueuse!:
Si luy ha dit, Dy moy, pourquoy tu portes,
Enfant lascif, ces riches armes fortes?
Ce noble port qui sur ton col s'assiet,
Mieux en escharpe à mes espaules siet,

Sagettès de Cupido.

Qui bien en fay donner playes certaines Aux ennemis, aux Bestes inhumaines: Qui puis un peu par fagettes sans nombre Ay rué jus le Serpent plein d'encombre Python l'ensié, dont la mortelle pance Fouloit de Terre incredible distance.

Tien toy content d'efmouvoir en clamours Par ton brandon, ne fay quelles Amours: Et desormais n'approprie à toy mesmes Ainsi à tort, nos louanges supremes.

Lors luy refpond de Venus le Fils cher, Fiche ton Arc ce qu'il pourra ficher, O Dieu Phebus, le mien te fichera: Ainsi ton bruit du mien est & fera Moindre d'autant que Bestes en tout lieu Plus foibles sont, & plus basses qu'un Dieu.

Ainsi disoit : & quand en ses volées Eut trenché l'Air, des aisles esbranlées, ll fe planta prompt & leger, deffus L'obscur sommet du haut mont Parnassus. Et de sa trousse, ou met ses dards pervers, Tira deux Traits d'ouvrages tous divers : L'un chasse Amour, & l'autre l'Amour crée : Tout doré est celuy qui la procrée, Et ha ferrure ague, claire, & cointe : Cil qui la chaîle est rebouché de pointe. Et ha du plomb tout confict en amer Sous l'empennon. Cupido Dieu d'aymer Ficha ce Trait, qui est de mercy vuide, Contre Daphné, la Nymphe Peneïde: Et du doré les os il traverfa Du blond Phebus, & au cueur le bleifa. Subitement l'un ayme, & l'autre non,

Ains va fuyant d'Amoureuse le nom, Et jusqu'aux trous des bois chasser venoit : Brief, la despouille aux bestes que prenoit, C'estoit sa grand' joye quotidiane, En imitant la pucelle Diane, Et d'un bandeau ses cheveux mas en ordre Serroit au ches, sans les lier ne tordre.

Plutieurs l'ont quife, à l'espouser tendans : Mais tousjours feit resus aux demandans, Sans vouloir homme : & du plaitir exempte Va par les bois, qui n'ont chemin ne sente : Et ne luy chaut savoir que c'est de nopces, N'austi d'un tas d'amoureuses negoces.

Son pere auffi luy ha dit maintes fois, Ma chere fille un gendre tu me doibs, Et luy ha dit cent fois, blafmant fes veux, Tu me doibs, fille, enfans & beaux neveux.

Elle abhorrant mariage austi fort
Que si ce fust un crime vil & ord,
Entremesloit parmy sa face blonde
Une rougeur honteuse & vereconde:
Puis en statant son pere desolé,
Et le tenant doucement accolé:
Mon trescher Pere, helas (ce disoit-elle)
Fay moy ce bien, que j'use d'eternelle
Virginité: Juppiter immortel
Feit bien jadis à Diane un don tel.

Lors (& Daphné) vray est qu'à ta demande Ton Pere entend, mais ceste beauté grande, A ton vouloir ne donne aucun adveu, Et ta forme est repugnante à ton vœu.

Phebus qui tant la veit bien composée, L'ayme tousjours, la fouhaitte espousée : Ce qu'il fouhaitte espere, quoy que soit :
Mais son oracle à la fin le deçoit.
Et tout ainsi que le Chaume sec ard,
Quand on ha mis les espics à l'escart,
Comme Buissons ardent par nuict obscure
D'aucuns brandons, qu'un passant d'adventure
En s'esclerant ha approchez trop pres
D'iceux Buissons, ou les y laisse apres,
Qu'il voit le jour : ainsi Phebus en slamme
S'en va reduit, & d'Amour qui l'enstamme,
Par tout son cueur se brusse & se destruit,
Et en espoir nourrist Amour sans fruict.

Au long du Col de Daphné voit pendus Ses blonds Cheveux, meslez & espandus. O Dieux, dit-il, si peignée elle estoit, Que pourroit ce estre? En apres s'arrestoit A contempler ses estincellans yeux, Qui ressembloient deux Estoilles des Cieux.

Sa Bouche voit petite par compas,
Dont le feul voir ne le fatisfait pas:
Prife fes Mains aussi blanches que Lys:
Prife fes Doigts: prise fes Bras polys:
Semblablement fes Espaules charnues
Plus qu'à demy descouvertes & nues.

S'il y ha rien caché dessous l'habit, Meilleur le pense: elle court plus subit, Que Vent leger, & ne prend pied la belle Aux dits de cil qui en ce poinct l'appelle.

Je te pry, Nymphe, arreste un peu tes pas ¹, Comme ennemy apres toy ne cours pas : Nymphe demeure, ainsî la Brebiette

^{1.} Phebus à Daphne.

S'enfuit du Loup, & la Biche foiblette Du fort Lyon: ainsi les Colombelles Vont suyant l'Aigle avec fremissans aisles: Ainsi chacun de ses hayneux prend suite, Mais vray Amour est cause de ma suite.

O que je crains que tombes, & qu'Espines Poingnent tes Piedz & tes Jambes, non dignes D'avoir blessure! ô pour moy grand malheur, Si j'estois cause en rien de ta douleur!

Là où tu vas, font lieux facheux, & bestes: Je te supply (non pas que tu t'arrestes Du tout sur pied) mais cours plus lentement: Je te suyvray aussi plus doucement.

Enquiers, au moins, à qui tu plais Amie: D'une Montagne habitant ne suis mie,
Ne Pastoureau: point ne garde & say paistre
Troupeaux icy, comme un vilain champestre.
Tu ne sçais point, sotte, tu ne sçais point,
Qui est celuy que tu fuis en ce poinct:
Pource me suis. La puissante isle Clare,
Delphe, Tenede, & aussi de Patare
Le grand Palais me sert & obtempere:
Juppiter est mon geniteur & pere:
Tout ce qui est, sera, & ha esté,
Aux hommes est par moy manisesté.

Par moy encor maint beau Vers Poëtique Accorde au fon des cordes de Mufique, Et ma Sagette est pour vray bien certaine: Mais une autre est trop plus seure & soudaine. Laquelle ha fait playe en mon triste cueur, Dont n'avoit onc Amour esté vainqueur.

Medecine est de mon invention, Et si suis dict par toute nation Dieu de fecours: & la grande puissance Des herbes, est sous mon obesissance. O moy chetif, ô moy trop miserable, De ce qu'Amour n'est pas herbes curable, Et que les arts qui un chacun conservent, A leur Seigneur ne prousitent, ne servent!

Alors Daphné craintive se retire Loing de Phebus, qui vouloit encor dire Maints autres mots, & laissa fur ces faits Avegues luv fes propos imparfaits, Lors en fuvant, moult gente se monstroit : Le vent par coups ses membres descouvroit, Et volletter faifoit ses vestemens. Oui resistoient contre les soufflemens : Puis l'Air fubtil repoulfoit en arrière Ses beaux cheveux espandus par derriere: Dont sa fuite ha sa beauté augmentée. Mais le Dieu plein de jeunesse tentée, Plus endurer ne peult à ce besoing, Perdre & jetter fon beau parler au loing : Ains comme Amour l'admoneste & poursuit. D'un pas leger les traces d'elle fuit.

Et tout ainsi que le Levrier agile,
Quand il ha veu le Lievre moins habile
En un champ vague, & qu'au pied l'un conclud
Gaigner sa proye, & l'autre son salut,
Le chien leger de pres le semble joindre:
Et pense bien ja le tenir & poindre:
Puis de ses dents (ouvrant sa gueule gloutte)
Rase ses pieds: lors le Lievre est en doubte
S'il est point prins: ceste morsure eschappe,
Et de la dent, qui coup sur coup le happe,
Il se desmelle, & suit tout estonné.

Ainsi est il de Phebus & Daphné, Espoir le rend fort leger à la suite, Crainte la rend fort legere à la suite: Mais le suivant, qui des aisles d'Amours Est soulagé, va de plus soudain cours, Sans point donner de repos ne d'arrest A la suyante: & si prochain il est De ses talons, que ja de son alaine Ses beaux cheveux tous espars il alaine.

Quand de Daphné la force fut effeinte,
Pafle devint: lors vaincue & atteinte
Par le travail d'une ii longue course,
Va regarder de Peneus la source,
Disant: Mon pere, ayde à mon cueur tant las.
Si puissance est en vos fleuves & lacs.
Puis dit: O terre, or me perds & efface
En transmuant ma figure & ma face,
Par qui trop plais: ou la transgloutis vive,
Elle, qui est de mon ennuy motive.

Ceste priere ainsi finie à peine,
Grand' pasmoison luy surprend membre & veine 1.
De son cueur sut la subtile toilette
Tournée en tendre escorce verdelette:
En fueilles lors croissent ses cheveux beaux:
Et ses deux bras en branches & rameaux.
Le pied qui sut tant prompt avec la plante,
En tige morne & racine se plante.
D'un arbre entier son ches la hauteur ha,
Et sa verdeur (sans plus) luy demoura:
Parquoy Phebus l'arbre ayma desadonc.
Et quand eut mis sa dextre sur le tronc,

^{1.} Daphné transformée en Laurier.

Encor fentoit le cueur de la pucelle Se demener fous l'escorce nouvelle.

En embrailant aussi ses rameaux verts. Comme eust bien fait ses membres descouverts, Il baife l'arbre, & tout ce nonobstant, A fee baifers l'arbre va refiffant. Auguel Phebus ha dit : Puis qu'impossible Est, que tu sois mon espouse sensible, Certainement mon arbre approprié Seras du tout, & à moy dedié: O vert Laurier, tousjours t'aura ma harpe, Ma clere teste, & ma trousse en escharpe: Et si seras des capitaines gloire Tous resjouis, quand triomphe & victoire Chanteront haut les cleres voix & trompes, Et qu'on verra les grans & longues pompes : Au Capitole, aux confacrez posteaux, Seras de bout devant les grans portaux Feale garde, & au los de ton regne Entrelaffé feras autour du Chefne : Et tout ainsi que mon beau chef doré Est tousjours jeune, & de poil decoré, Vueilles aussi porter en chacun aage Perpetuel honneur de vert fueillage.

Ces mots finis, le Laurier s'y consent En ses rameaux qui sont faits de recent : Et si sembloit bransler en sorte honneste Sa sommité, comme on bransle la teste.

En Thessalie une haute Forest Par tout enclost un val, qui encor est Nommé Tempé, temperé, sleurissant :

^{1.} Tempé.

Parmy lequel Peneus fleuve yssant,
Du fons du pied de Pindus, grand' Montagne,
D'eaux escumans le pas tourne & bagne:
D'un roide cours les nuës embrumées
Va conduisant, qui petites fumées
Semblent jetter: & va si roidement
Contre les rocs, que du redondement
Les bois arrouse: & de son bruyt, qui sonne,
Les lieux plus loing que ses voisins, estonne.

Là, la maison, là le siege lon treuve, Et lieu fecret de Peneus grand fleuve : Là comme Roy residant en ses terres, En sa caverne estant faite de pierres Gardoit justice aux ondes là courantes : Pareillement aux Nymphes demourantes En celles eaux. Premier font là venus Tous les prochains fleuves à luy tenus, Non bien fçachans si chere luy feront, Ou pour sa fille ils le consoleront Que perdue ha. Sperche y vint à propos Portant Peupliers, Enipe fans repos. Le doux Amphryse, & le vieil Apidain, Avec Fas: d'autres fleuves foudain Y font venus, qui de quelque costé Ou foient portez d'impetuofité, En la Mer font leurs ondes retourner, Quand lassez sont de courir & tourner.

Le fleuve Inache à part foy tout faché Seul est absent, & au profond caché De son grand creux, l'eau par larmes augmente, Et tout chetif sa fille Yo lamente Comme perduë: il ne sçait si en vie Elle est au monde, ou aux enfers ravie. Mais pour autant que point ne l'apperçoit En aucun lieu, cuide qu'elle ne foit En aucun lieu, & craint en fes e pris, Que pirement encore luy foit pris.

Or quelque fois Juppiter eternel La veit venir du fleuve paternel. Si luv ha dit, O vierge, bien form 'e, De Juppiter tresdigne d'estre aymée. Et qui doibs faire un jour par grand delict Je ne fçav qui bienheureux en ton liét, Ce temps pendant que le Soleil treshaut Eft au milieu du monde ardant & chaud. Vien à l'ombrage en ce bois de grand' monstre, Ou en cestuy: & tous deux les luv monstre. Et fi tu crains entrer feulette aux creufes Fosses & trous de bestes dangereuses. Crov qu'à feurté iras dorefnavant Sous les fecrets des Forests, moy devant, Qui fuis un Dieu, non point des moindres Dieux, Mais qui en main le grand sceptre des Cieux Tien & potfede, & qui darde & envoye La foudre esparse en mainte place & voye. Ne me fuy point: or fuyoit elle fort. Et ja de Lerne avoit par fon effort Outrepassé les passis & les plains, Et les beaux champs Lyrcées d'arbres pleins, Quand Juppiter couvrit Terre estenduë D'obscurité parmy l'air espanduë : Retint la fuite à Yo jeune d'aage, Et par ardeur ravit fon pucellage.

Ce temps pendant, Juno des Courts hautaines Regarde en bas au milieu des grans plaines : Si s'esbahit, dont les nues fubites Sous le jour cler avoient aux bas limites Fait & formé la face de la nuict : Et bien jugea, que d'aucun fleuve induict A grans moiteurs ne font faites ces nuës, Ne de l'humeur de terre en l'air venuës.

Puis çà & là regarde d'œil marry, Où estre peult Juppiter son mary, Comme sçachant les emblées secrettes Du sien espoux tant de sois en cachettes D'elle surpris: & apres qu'apperceu Ne l'ha au Ciel: Ou mon cueur est deceu (Dit-elle alors) ou je suis offensée.

Puis du haut Ciel foudainement baissée Se plante en Terre, & commande aux nuses Loing s'en aller d'obscurté desnuées. Mais Juppiter qui bon temps se donnoit, Prevoyoit bien que sa femme venoit, Et ja avoit d'Yo, fille d'Inache!, Mué la forme en une blanche Vache, Belle de corps comme Yo fut en vis.

Adonc Juno (quoy que ce fust envis)
En estima la forme, & le poil beau,
Et si s'enquiert, à qui, de quel troupeau,
Et d'où elle est, comme non congnoissant
La verité. Juppiter Dieu puissant
Dit, en mettant, qu'elle est née de Terre,
A celle fin que l'on cesse d'enquerre
Si l'ha point faicte: & lors Juno la grande
lcelle Vache en pur don luy Jemande.
Que pourra-il or' faire, ou devenir?
C'est cruauté, ses amours forbannir,

^{1.} Yo muée en Vache,

Ne luy donnant, la fait foupeçonner:
Honte en apres l'incite à luy donner:
Puis Amour est à l'en divertir prompte:
Et en essect Amour eust vaincu honte:
Mais si la Vache (un don qui peu montoit)
Eust refusée à celle qui estoit
Sa semme & sœur, sembler eust peu adonques
Visiblement, que Vache ne sut onques.

Quand Juno eut en don fon ennemie, Du premier coup elle ne laissa mie Toute sa peur, & craingnit grandement, Que Juppiter luy prinst furtivement, Jusques à tant, qu'és mains d'Argus l'eust mise Fils d'Aristo, pour en garde estre prise.

Or tout le chef avoit cestuy Argus Environné de cent yeux bien agus, Qui deux à deux à leur tour sommeillans Prenoient repos: tous les autres veillans Gardoient Yo, & en faisant bon guet Demouroient tous arrestez en aguet. En quelque lieu où fust Yo la belle, Incessamment regardoit devers elle. Devant ses yeux Yo tousjours il voit, Quoy que sa face ailleurs tournée avoit.

Quand le jour luit il souffre qu'elle paisse : Quand le Soleil est sous la Terre espaisse, L'enferme & clost : & du rude chevestre Lie son col, qui n'ha merité d'estre Ainsi traité : de fueille d'arbre dure Et d'herbe amere elle prent sa pasture : Puis la povrete en lieu de molle couche, Toute la nuict dessus la Terre couche, N'ayant tousjours de la paille qu'à peine,

Et boit de l'eau de bourbier toute pleine. Quand elle aussi, qui si fort se douloit, Devers Argus fes bras tendre vouloit S'humiliant, las la doucette & tendre N'ha aucuns bras, qu'à Argus puisse tendre : Et s'efforcant lamenter de sa gorge, Un cry de Vache & mugissant desgorge, Tant que du fon en crainte se bouta, Et de sa voix propre s'espoventa. Apres s'en vint aux rives de son pere Le fleuve Inache, ou en foulas prospere Souloit jouer fouvent avec pucelles. Et quand en l'eau veit les cornes nouvelles, Eut grande peur, & de la crainte extreme S'effarouchoit & fe fuyoit foy-mesme. Ignorans font les Naïades encore, Voire Inachus le fleuve mesme ignore Qui elle foit : mais pour les rendre feurs, Suvvoit fon pere, & fi fuvvoit fes fœurs: Estre touchée assez elle souffroit. Et à iceux (tous esbahis) s'offroit.

Le bon vieillard Inachus à jonchées Luy presenta des herbes arrachées: Soudain ses mains elle luy vint lecher, Baisant la paume à son pere trescher, Et retenir onc ses larmes ne seut: Et s'orendroit de parler la grace eust, Elle eust requis secours & ayde aucune, Et recité son nom & sa sortune.

En lieu de mots, la lettre qu'imprima Son pied en Terre, adonques exprima Parfaitement & mit en descouvrance Du corps mué la triste demonstrance. O moy chetif! cria lors esperdu
Son pere Inache, & aux cornes pendu,
Aussi au col de la Vache luisante
En son poil blanc, & en dueil gemissante.
() moy chetif (dit-il par plusieurs fois),
N'est-ce pas toy, ma fille, que je vois
Cherchant par tout? Or est chose esprouvée
(Qu'en te trouvant je ne t'ay point trouvée:
Et mes douleurs plus que devant sont grandes:
Las, tu te tais, & aux miennes demandes
Tu ne rends point responses reciproques
Tant seulement aigres souspirs evoques
Du cueur prosond: & ce que saire peux,
A mon parler mugis comme les Bœusz.

Las, je povret ignorant tout ce mal,
Te preparois cierge & lict nuptial:
D'un gendre fut l'espoir premier de moy,
Et le second de voir enfans de toy.
Or d'un troupeau mary te saut avoir,
Et d'un taureau lignée concevoir:
Et n'est possible à moy que finir face
Tant de douleurs, par mort qui tout essace:
Ains estre Dieu ce m'est nuisante chose,
Et de la mort la porte qui m'est close,
Prolonge & fait le mien regret durable,
En aage & temps eterne & perdurable.

Comme Inachus difoit fon desconfort, Argus se leve, & en le poulsant fort, Mene par force en pasturages maints La pouvre fille arrachée des mains De son cher pere: & puis occupe & gagne Legerement le haut d'une montagne Aflez lointaine, ou se fied & acule, Et là feant en toutes pars specule.

Lors Juppiter, Roy de tous les celeftes, Plus endurer ne peult tant de moleiles A celle Yo, du bon Phorone extraite. Si appella fon filz, qu'une parfaite Clere Pleïade eut en enfantement: Mercure eut nom: luy feit commandement D'occire Argus. Si ne demoura gueres Mercure à prendre aux piedz ailles legeres, En main puissante aussi la verge preste D'endormir gens, & son chappeau en teste.

Tantost apres, que celuy Dieu Mercure Eut disposé tout cela par grand' cure, Du haut manoir de son pere fauta Jusques en Terre, ou son chappeau osta: Semblablement des aisses se desnue Et seulement sa verge ha retenue.

D'icelle verge (en s'en allant) convoye Brebis en troupe, à travers champs fans voyc, Comme un Pasteur chantant de chalumeaux Faits & construits de pailles, ou roseaux.

Argus Vacher de Juno, tout espris
Du son de l'art nouvellement appris,
Luy dit ainsi: Quiconques sois, approche:
Tu pourras bien te seoir sur ceste Roche
Aveques moy: en autre lieu du monde
L'herbe n'est point (pour certain) plus seconde
Pour le bestail: tu vois aussi l'ombrage
Bon aux Pasteurs en cestuy pasturage.
Mercure adonc s'assid aupres d'Argus,
Tint & passa en propos & argus
Le jour coulant, parlant de plusieurs poincès:
Et en chantant de ses chalumeaux joincèts

L'un avec l'autre, à furmonter il tache Les yeux d'Argus, gardans Yo la Vache: Et toutesfois Argus vaincre s'efforce Le doux fommeil amoflissant sa force. Voire & combien que jusques au demy De tous ses yeux, se trouvast endormy, Ce nonobstant veille de l'autre part: S'enquiert aussi, pourquoy & par quel art Trouvée sut la sluste dont chantoit, Car puis un peu inventée elle estoit.

Lors dit Mercure, aux monts gelez d'Arcade En Nonacris fur tout' Hamadryade Une Naiade y eut trefrenommée, Syringue effoit par les Nymphes nommée. Non une fois, mais par diverfes tires Avoit moqué grand nombre de Satyres Qui la fuyvoient, & tous les Dieux aveques Du bois ombreux & champ fertil d'illeques.

En venerie & virginal' noblesse
Elle ensuyvoit Diane la Déesse
De l'Isle Ortyge: & accoustrée & ceinte
A la façon de ceste noble fainte
Maints eust deceu, & pour Diane aussi
Prendre on l'eust peu, ne fust que ceste cy
Avoit un Arc de corne decoré,
Et ceste la en avoit un doré:
Encor ainsi maintes gens decevoit.

Or le Dieu Pan un jour venir la voit Du mont Lycée, & ayant fur fa teste Chappeau de Pin, luy feit telle requeste:

O noble Nymphe, obtempere au plaisir D'un Dieu qui ha grand vouloir & desir De t'espouser. Brief, mainte autre adventure Restoit encor à dire par Mercure, C'est à savoir (tell' priere ennuyante Mife à despris) la Nymphe estre fuvante Par bois espais, tant que de grand randon Vint jufqu'au bort du fablonneux Ladon, Fleuve arrefté, & comment à la suite, Lors que les eaux empescherent sa fuite. Ses cleres fœurs pria illeques pres De la muer 1: aussi comment apres Que Pan cuida Syringue par luy prife, Au lieu du corps de la Nymphe requile Tint en fes mains des cannes & rofeaux, Croissans au tour des palluds & des eaux Comment aussi, quand dedans anhela Le vent efmeu dedans ces cannes là Y feit un fon delicat en voix fainte, Semblable a cil d'un cueur qui fait sa plainte. Et comment Pan furpris de son predit, Et du doux art tout nouveau, luy ha dit, Cestuy parler & chant, en qui te deulx, Sera commun tousjours entre nous deux: Ausii comment pour eternel renom, Deflors retint, & donna le droit nom, De la pucelle à fes fluites rurales, Jointes de cire en grandeur inegales.

Ainti pour vray que Mercure devoit Dire telz mots, les yeux d'Argus il voit Tous fuccomber, & fa lumiere forte De grand fommeil enveloppée & morte.

Soudain fa voix refraingnit, & cella, Et puis d'Argus le dormir renforça,

^{1.} Svringue en Rofeau.

Adouciffant de la verge charmée Les yeux foiblets de sa teste assommée.

Lors tout subit d'un glaive renversé l'
Baissant le chef, en dormant l'ha blesse
Au propre endroit auquel est jointe & proche
La teste au col: puis du haut de la Roche
Le jette à val: & le mont haut & droit
Souille du fang. Ainsi es orendroit
Gisant par terre, ô Argus, qui vivois:
Et la clarté qu'en cent yeux tu avois
Est or' estainte: & la seule obscurté
De mort surprent cent yeux & leur clarté.

Adonc Juno prend ces yeux, & les fiche Dessus la plume au Paon son oiseau riche ³, Et luy remplit toute la queuë d'yeux, Clers & luisans comme estoilles des Cieux.

Soudain Juno en ire ardante brusle,
Et du courroux le temps ne dissimule:
Car Erinnys, la Déesse de rage,
Mit au devant des yeux & du courage
D'icelle Yo: & cacha l'insensée
Maint aiguillon secret en sa pensée,
Espouventant par rage furibonde
La povre Yo suyant par tout le monde.
O steuve Nil! en grand labeur & plaindre.
Tu luy restois le dernier à attaindre.
Auquel pourtant à la fin elle arrive:
Et en posant tout au bout de la rive
Ses deux genous, se veautra en la place:
Et en levant sa telle quelle face
Vers le haut Ciel: renversant en arriere

i. Mort de Argus.

^{2.} Les yeux d'Argus mis à la queue du Paon.

Son col de Vache en piteuse priere, En larmes d'œil, & en gemissemens, Et en plaintifs & gros mugissemens Elle sembloit à Juppiter crier, Et de ses maux sin sinal luy prier.

Lors Juppiter de ses deux bras embrasse Sa semme au col, la priant que de grace Vueille d'Yo finalement finir La grande peine. Et quant à l'advenir, De moy, dit il, toute crainte demets: Car ceste cy ne te sera jamais Cause de dueil, & aux Stygieux steuves Commande ouir cestuy serment, pour preuves.

Quand Juno eut appaisé sa pointure, Yo reprint sa premiere stature 1, Et saite sut ce que devant estoit : Du corps s'enfuit, le poil qu'elle vestoit : Lors luy decroist des cornes la grandeur : Moindre devient de ses yeux la rondeur : Gueule & muleau plus petis luy deviennent : Espaules, bras & les mains luy reviennent : L'ongle de Vache en nouveaux piedz & mains, Fut divisée en cinq ongles humains.

Brief, rien n'y eut de la Vache fur elle, Fors feulement la blancheur naturelle : Et tout debout fut la Nymphe plantée, Du cheminer de deux piedz contentée : N'ofant parler, que de la gorge n'ysse Mugissement, comme d'une jenisse : Et avec crainte essayoit à redire, Ce qu'autre fois elle avoit bien seu dire.

^{1.} Yo retourne en forme humaine.

Or maintenant en Déesse honorée Elle est du peuple en Egypte adorée. Parquoy en elle Epàphus on pourpense Estre engendré de la noble semence De Juppiter: & brief, en lieux certains Cestuy Epaphe ha ses Temples hautains Faits à l'honneur de son pere & de luy.

Or en ce temps, vray est qu'à iceluy Estoit egal, de cueur, d'aage, & puissance Un qui avoit du Soleil prins naissance, Dict Phaëton: qui jadis devisant De ses grans faits, & honneur non faisant A Epaphus, en gloire se mettoit, Dont le Soleil son propre pere estoit.

Ce qu'Epaphus ne peult pas bonnement Lors endurer, & luy dit plainement ¹: O povre fot, tu mets foy & credit A tout cela que ta mere te dit: Et te tiens fier & louanges retiens D'un pere feint, qui pour vray ne t'est riens.

Lors Phaëton rougit d'ouir ce dire, Et refraignit de vergongne fon ire: Puis s'encourut à Clymene, fa mere, Luy rapporter l'injure tant amere, Et si luy dit: Chere mere, au surplus Cela dequoy tu te doibs douloir plus, C'est que rien n'ay repliqué sur l'injure: Car, quant à moy, je suis de ma nature Doux & courtois: & l'autre insupportant Est outrageux: mais j'ay honte pourtant, Dont tel opprobre on m'ha peu imputer,

^{1.} Debat de Phaëton, & Epaphus.

Et que fur champ ne l'ay feu confuter.

Donc si creé suis de ligne celeste,

Monstre à present le signe manifeste

D'un genre tel, tant digne & precieux,

En maintenant que je suis des hauts Cieux.

Ces mots finis fes deux bras avança, Et de sa mere au col les enlassa, La suppliant par son chef tant chery, Et par celuy de Merops son mary, Et en l'honneur des nopces de ses sœurs, De luy donner signes certains & seurs De son vray pere. En esset à grand peine Sait-on lequel ha plus esmeu Clymene, Ou le prier par son fils proposé, Ou le despit du reproche imposé.

Les bras au Ciel lors tendit & leva
Et regardant le Soleil, elle va
Dire ces mots: Par la lumiere fainte
De luifans raiz environnée & ceinte,
Qui nous voit bien, & qui entend nos voix,
Je jure, Fils, que ce Soleil que vois,
Et qui le monde illumine & tempere,
T'ha engendré, & que c'est ton vray pere.

Si menterie en mes propos je mets, Je me consens qu'il face que jamais Je ne le voye, & que ceste lumiere Soit maintenant à mes yeux la derniere.

Or tu n'as pas grand affaire à congnoistre La demourance à ton Pere, & son estre · Car la maison dont il se leve & part, Est fort voisine à nostre terre & part : Si aller là tu desires & quiers, Pars de ceste heure, & à luy t'en enquiers.

III.

Quand Phaëton de sa mere eut ouy
Un tel propos, soudain sut resjouy,
Tressaut de joye, & se promet soymesmes
Les plus hauts dons des regions supremes.
Brief, son païs d'Ethiope il traverse,
Et les Indois, gisans sous la diverse
Chaleur du Ciel: & promptement de là
En la maison de son cler Pere alla.

Fin du translat du premier livre.

FIN DU TOME TROISIÈME



TABLE DES MATIÈRES

DU TOME III

EPIGRAMMES DE L'ADOLESCENCE

A Renée de Partenay	I
Du mois de May, & d'Anne	2
De fon feu & de celuy qui se print au Bosquet	
de Ferrare	ibid.
Au Roy	ibid.
A Monsieur Preudhomme, Tresorier de l'Es-	
pargne	3
A Anne, tencée pour Marot	ibid.
A deux jeunes hommes qui escrivoyent à sa	
louange	4
D'une mal mariée	5
A une portant Bleu pour couleurs	ibid.
A Cravant, sien amy, malade	ibid.
A Monsieur le Duc de Ferrare	6
A ses Amis, quand laissant la Royne de Navarre	
fut receu en la maison et estat de Madame	
Renée, Duchesse de Ferrare	ibid.
Huitain fait à Ferrare	7
A Monfieur Castellanus, Evesques de Tulles	ibid.

A la ville de Paris	8
Pour le Perron de Monsieur le Dauphin, au	
Tournoy des Chevaliers errans	ibid.
Pour le Perron de Monleigneur d'Orleans	9
De Monsieur du Val, Tresorier de l'Espargne.	10
	ibid.
De Madame de l'Estrange	ibid.
A l'Empereur	II
De Viscontin, & de la Calandre du Roy	ibid.
D'un gros Prieur	12
De la ville de Lyon	ibid.
A une dont il ne povoit oster son cueur	13
	ibid.
De Alix, & de Martin	14
	ibid.
	ibid.
A une Dame de Lyon	15
Response par ladicte Dame	
A Monfieur Crassus, qui lui vouloit amasser	
deux mil escuz	16
deux inn eicuz	10
AUTRES EPIGRAMMES NOUVELLEMEN	Т
ADJOUSTEZ	
De la convalescence du Roy	16
Au Roy	17
Dizain au Roy, envoyé de Savoye	18
Du retour de Tallard à la Court	ibid.
Deux Dizains	10
De la fille de Vaugourt	20
D'Yfabeau	ibid
A Anne	ibid.
A un jeune escolier grievement malade	21
Huictain de l'amour d'une lettre, d'un païs, &	
d'une chanson	ibid.

Trois Huictains, dont les deux derniers ref-	
pondent au premier	2.2
	ibid.
A Madame de la Barme, pres de Necy en Ge-	
nevoys	23
Salutation du Camp de Monsieur d'Anguien	
à Sirizole	ibid.
Au Roy, pour estre mis en son estat	2.1
C. Marot à L. D. D. E. luy estant en Italie,	
Sonnet	ibid.
De frere Thibaud, qui n'avoit qu'une rotie à	
fa collation en Carefme	25
Du lieutenant de B	
D'un orgueilleux emprifonné	26
D'Annette & Marguerite	20 (h) 4
A une vieille	
De Nenny	27
D'un Ouy	wia.
De Robin & Catin	25
A Anne	1014.
De sa maistresse	1014.
EPIGRAMMES	
A L'IMITATION DE MARTIAL	
A C C D A L	
A Geofroy Bruflard	20
Au Roy	30
A Monfieur Castellanus	ibid.
De la Chienne de la Royne Eleonor	31
De foymeime	33
De la tristesse de s'Amie	34
D'une qui se vante	ibid.
A Antoine	35
De Jan Jan	ibid.
A Hilaire	36

. 35 . 37 . 38	Dizain de foymefme, & de un homme bien riche
	D'un Abbé, qui ha la goutte aux piedz & aux mains
ì	D'un Advocat ignorant, & grand criart quand les autres crient
-	De Alix, qui ne pleure son seu mary qui de-
1	vant fes gens
ibid. -	que fon valet
41	pos nouveau
ibid.	qui l'est à present
. 42	D'une vieille qui n'avoit que quatre dents, que la toux luy feit cracher
ibid.	n'avoit fouppé en fon logis
. 43 1	De Macée qui bailloit argent pour estre embrassée
ibid.	avoir pour mary: mais il n'en vouloit point fi elle n'estoit encor plus vieille D'un mauvais Rendeur, à qui lon aimoit mieux
	donner la moitié que prester le tout
, <i>1014</i> .	A Beneft
	Du Savetier plus riche que l'homme qui s'est long temps travaillé à l'estude
i	A Merlin de Sainct Gelais touchant un fot qui
	composoit en rime contre l'autheur D'un mauvais Poëte
5	De Catin qui vouloit espouser Martin, mais
4.7	Martin ne vouloit point de Catin

TABLE DES MATIÈRES	247
Des Poëtes François à Salel	47 .48
paracheve point	49
Seigneurs & riches gens	ibid.
pas à une d'elles	50
ESTRENES	
Ses Estrenes commencent	5 t
jufques à	68 68
EPITAPHES DE L'ADOLESCENCE	Ξ
Du petit Argentier Paulmier d'Orleans De Coquillart, & de ses armes à trois Coquilles	69
d'Or	70
leans	ibid. ibid.
De Guion le Roy, qui s'attendoit d'estre Pape avant que mourir	71
De Jouan, Fol de ma Dame	

De Frere André Cordelier.

De l'Abbé de Beaulieu la Marche, qui ofa tenir contre le Roy.

De maistre Pierre de Villiers. ibid. De Jan Serre, excellent joueur de Farces. .

72

73

75

Du cheval de Vuyart	76
De Ortis le More du Roy	77
D'Alix	78
De Martin	79
De Monfeigneur de Langey	ibid.
A une Dame de Piemont qui refusa six escus	
de Marot, pour coucher avec elle	80
De feu Madame de Maintenon	ibid.
D'elle mesmes	81
CIMETIERE DE L'ADOLESCENCI	E
De Jane Bonté	83
De Jane Bonté	ibid
De maistre André le Voust, medecin du Duc	
	84
d'Alençon	ibid.
De Catherine Dude	85
De la Royne Claude	ibid.
De messire Charles de Bourbon	86
De Monsieur de Precy	30
De messire Jan Cotereau, Chevalier Seigneur	
de Maintenon	87
De luy mefmes	., 88
	ibid.
Des Allemans de Bourges, recité par la Déesse	
Memoire	89
D'Alexandre, president de Barrois	Õ0
De maistre Jacques Charmoluë	δ_1
De Damoiselle Anne de Marle	ibid.
De Maistre Guillaume Cretin, Poëte François.	92
Des Louis Jagoyneau	93
De Madame la Regente mere du Roy	ibid.
De Florimond de Champeverne	94
De Jan de Montdoncet	ibid.
De Guillaume Chantereau, homme de Guerre.	95
·	

De Anne Beauregard qui mourut à Ferrare. De Heleine de Boify	bid.
COMPLAINTES DE L'ADOLESCENC	Е
Du Baron de Malleville, Parifien	101 104 106 124 133 139 142
TRADUCTIONS	
De la premiere Eglogue des Bucoliques de Virgile	151 159 172 178

		s de Pet				
		e de Sa				
		Marot				
phof	es.		 	 ٠.		
		nier de				


FIN DE LA TABLE DES MATIÈRES



Sceaux. - Imp. Charaire et fils.







LES CHEFS-D'ŒUVRE

DE LA LITTÉRATURE

FRANÇAISE ET ÉTRANGÈRE

Molière (Œuvres complètes)	8	volumes.
LA FONTAINE (Les Contes)	2	volumes.
Prévost (l'Abbé) (Manon Lescaut)	1	volume.
MATHURIN RÉGNIER (Œuvres complètes).	1	volume.
Longus (Daplinis et Chloé)	ı	volume.
B. DE SAINT-PIERRE (Paul et Virginie).	ı	volume.
LA FONTAINE (Les Fables)	2	volumes.
Boileau (Œuvres poétiques)	2	volumes.
STERNE (Voyage sentimental)	ı	volume.
CANDIDE, par Voltaire	I	volume.
RACINE (Théâtre et poésies)	4	volumes.
RABELAIS ((Euvres complètes)	6	volumes.
X. DE MAISTRE (Voyage autour de ma		
chambre)	1	volume.
Gœthe (Werther)	(volume.
Diderot (Le Neveu de Rameau)	1	volume.
Beaumarchais (Mariage de Figaro)	1	volume.
BEAUMARCHAIS (Barbier de Séville)	I	volume.
REGNARD (Théâtre choisi)	2	volumes.
LA ROCHEFOUCAULD (Maximes)	1	volume.
GRESSET (Vert-Vert Le Méchant)	1	volume.
CAZOTE (Le Diable amoureux)	1	volume.
GORTHE (Faust)	1	volume.
MALHERBE (Poésie)	t	volume.
LE MOYEN DE PARVENIR	3	volumes.
Pensées de l'ascal	2	volumes.
André Chenier	1	volume.
VILLON	1	volume.
MAROT	+	volumes
RONSARD (Poésies)	1	volume.



1,

UVRES


DE


AROT


Tome

PARIS ELARUE ÉDITEUR









PQ 1635 A1 18--a t.3 Marot, Clément Oeuvres de C. Marot de Cahors

PLEASE DO NOT REMOVE CARDS OR SLIPS FROM THIS POCKET

UNIVERSITY OF TORONTO LIBRARY

